






Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2347/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2347/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2347/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2347/A

Brj. 10/6 A. X. O. 2
4 2347/A





42940
I A C O B I

FONTANI ME-
DICI CLARISS. ET

PRIMARI IN A-

quensi academia,

Regij Profes-
foris.

COMMENTARIA

*In Hipp. omnes Aph. cum docta, breui, fida, ac
perspicua enarratione, nouaque Methodo, om-
nibus medicinam proferentibus perutili &
necessaria.*

*Eiusdem tractatus absolutissimi, De Cri-
sion & morborum causis, alique non-
nulli, in quo priori, fracaistorij sententia
de Cris. causis eruditè defenditur.*

A D

*Doctissimi & Prudentissimi DD. Nicolaum
Fabricium Dominum de Peiresc Consiliarium
regium in supremo Senatu Aquensi.*

PARISIIS.

Apud ADRIANVM BEYS,
Via Iacobæa.

M. DCVIII.





DOCTISSIMO,
ET PRVDENTIS-
SIMO D. D. NICOLAO
Fabricio Domino de Pei-
resc, Consiliario regio in su-
premo senatu Aquensi.

Iacobus Fontanus. S. D.



*Artem longam, vitam
verò breuem pronuncia-
uit Hippocrates. Vitæ ar-
tem conformem, una so-
la potest reddere methodica super-
fluum excisio. In Aphorismis
Hippocratis nihil legitur quod trū-
care possit, sine operis dedecore &
authoris iniuria, verum quia ab eo
congesti fuere aphorismi in aduer-
saria, eam ob rem methodi ope egēt.
Ordinis autem ratio precipua, à fine
proposita pendet: ea enim quæ me-*

ā ij

thodo disponuntur, à fine suum locum, & sedem sibi vendicant. Finis artis medicæ est curatio morborum, cuius auxilio sanitas in pristinum statum restituitur. Digessimus ergo optima ratione Aphorismos, quatenus ad curationem morborum spectant. Ea vero quæ in his, contemplationis esse videbantur, reuertimus ad curationem: vana etenim prorsus est in medicina contemplatio, quæ ad curationem non refertur. Si quis itaque in medendo egeat Aphorismis, adiectus rationem pertinentibus, ad sanguinis missionem, purgationem, & alios scopos, denique ad prædictionem, in hoc opere facili negotio, ad unum caput reductos inueniet breuiter, & dilucide explicatos. Scio multos truisse eandem viam, sed diuerso proposito, nec ita praxi medicinæ accommodato. Hunc vero quem in

hoc opusculo condendo insumpsi la-
borem, tuo favore tectum, in lucem
prodire exopto, qui virtutum &
scientiarum omnium cumulo cor-
ruscans, fugabis omnia omnium ob-
trectatorum conuitia, efficiesque, ut
hoc opus medicina studiosis utile, sit
omnibus futurum iucundum: cum
ita, his non tantum placeas, sed
etiam reliquis omnibus qui litera-
rum studijs incumbunt, ut nul-
lam sibi ipsis propriam virtutem
esse putent, nisi tibi testatam, &
acceptam intelligant, fauebis igitur,
tua benignitate, nostro labori, ut
omnibus gratus sit: eo beneficio mul-
tos tibi deuinces, & non tantum alijs
de causis familie vestre deuinctum,
hoc singulari munere in perpetuum
tibi obstringes. Vale ex nostro
musæo. Aquis sextiis Calen-
dis Martiis 1608.

ā iij



A D

Lectorem beneuolum.



N tibi lector Candi-
de clarissimi ^{ῥχάρη} Ia-
cobi Fontani ^{βιβλίον}
^{παλαιόκαινον,} Aphrismo-
rum (inquam) diu passimque
diuulgatorū, noua cōmentariā
Methodo noua & succincta
disposita, varia doctrina, noua
etiā illustrata, vera tamē est, & si
quæ alia, fida, facilis, breuis, &
perspicua, medicinæ animum
applicantibus accommodatif-
sima, praxique non minus vtilis
quam necessaria: Enimuero cū
verissimum sit illud summi di-
ctatoris pronūtiatum ^{ὁ βίος βεχ-}
^{χης, ἡ δὲ τέχνη μακρὴ} summa ope niti
decet virum medicum ^{τὸν βίον}
^{μακρὸν, πὺν δὲ τέχνῳ βεχχεῖαν ποιῆσαι,}

quo imperitus cito discat, eruditus autē bene & cito iudicet: hæc ab authore in præfenti strennuè sūnt præstita, nā præter ordinem qui memoriam & iudicium iuuat, doctrina & perspicua breuitas huius operis commendationem facit. Nec est cur parua moles te ab eiusdem lectione deterreat ὅτι γὰρ ἐν τῷ μέγῳ εἶναι, ἀλλὰ ἐν τῷ εἶναι μέγα. His itaq; mecum vtere fedulo Amice lector, proculdubio, non minorem vtilitatem ex hoc opusculo (quod nobis Clariss. & Prudentiss. viri cōsiliarij D. Fabricij, D. in Peiresc auctoritate, & amicorum precibus, contigit) reportaturi, quam ex doctissima, facili, succique plenissima huiusdem authoris Methodo, quæ nunc, cum fructu vberissimo, omnium ferè manibus te-

ritur: in superfontanum ipsum,
τῆς Ἰατρικῆς παιδείας καλῶς γε, & τελειοτάτης
πηγῇν ad maiora, melioraque in-
citabimus, vsq; adeo, qui nunc
scaturiginem, modo fontem
dabit: talis enim est summi viri
& literati erga τὰς φιλομάθειας ani-
mi propensio & volūtas. Porro
benigne lector, etsi omni stu-
dio in eo solo incubuimus, vt
quā paucissimis mendis afflue-
ret præsens hic liber, attamen
propter authoris absentiam, e-
iusque in ἀπογεύφῃ suo insolitum
characterem, tum quoque Ty-
pographi ἀμελικοπίας, voti compo-
tes per omnia fieri non potui-
mus; quocirca te qui labores
nostros capis non carpis, obni-
xe rogatum volumus, vt si quæ
errata in ὀρθογραφίαι commissæ oc-
currant, æqui bonique consu-
las & corrigas. *Vale, faue, frueri.*

Οὐδὲν ἀθένης ἀνευ φρονός.

DOCTIS.



IACOBI FONTANI

MEDICI ET PRIMARIJ
Regis Professoris in A-
quensi Vniuersitate.

P R Æ F A T I O.

In Aphorismos Hippocratis.



IPPOCRATES doctrina
admirandus senior iam
factus, in memoria
sua, & posteriorū sub-
sidium præcipuas artis
medicæ propositiones collegit, quas
aphorismos appellauit, quasi sepa-
rationes, & distinctiones, à verbo
ἀφορίζω, quod est distinguo, & separo.
Aphorismus autem Theophilo, est
oratio concisa perfectam sententiā
complectens, & Gal. Comment. In
Aph. i. lib. i. disciplinæ genus, quod
breui verborum circumscriptione
omnia, quæ ad aliquam rem neces-
saria sunt, complectitur. Triplici

A

2
verò stylo Hippocratēs sua operā
descripsit, quo sese accommodaret
discipulis & peritis, illis quippe
scripti sunt lib. stylo explicato, &
fuso, ad perspicuitatem doctrinæ, ut
de arte, de veteri medicina, de mor-
bo sacro, & alij quamplures: his ve-
rò doctis stylo breui, & conciso, per
summa capita, recordationis causa.
Placet enim prouectioribus in do-
ctrina, paucis multa complecti: hoc
modo Aphorismi sūt exarati, coactæ
prænotiones, prognostica, de ali-
mento, & de humoribus, lib. Inter
quos, quidā tāta breuitate & obscu-
ritate constant, ut oraculi sententiæ
grauitatem redolere videantur, qua-
les sunt de alimento, & de humori-
bus: Quid enim obscurius dici po-
test lib. de alimentis alimentorū &
alimēti specie, vnum & multa, spe-
cies vero humido & sicco, & in his
forma & quantitas: & in libris de
humoribus, nuditas, viscerum ina-
nitio, quibus infra repletio quibus
supra nutritio, & sexcenta similia, in
quibus explicandis præ cæteris la-
borarunt Gal. Cardanus & Vale-

3
sius: Alius hippocraticus stylus mē-
dosè modo habet discantibus, &
doctis quodammodo utilis, vt li-
brorum Epid. de victus ratione. In
morbis acutis, & aliorum. Hæc sty-
li Hippocratici diuersitas ingenij
eius sublimitatem ostēdit, qui vt sa-
piens innumeris moribus, aptus est.
Ita omni stylo animi sui conceptus
explicare norit: multi verò de ob-
scuritate doctrinæ aphoristicæ con-
querūtur: quæ obscuritas pendet ex
breuitate. Illud enim Horatij notis-
simum est, dum breuis esse laboro
obscurus fio. Respondemus, doctis
aphorismos scripsisse, qui eiusmodi
stylo oblectantur: verum breuitati
facilitas quædam cōciliari poterat.
Si methodo, & ordine fuissent des-
cripti: Methodus namque & ordo
perspicuitatem doctrinis pariunt:
hi verò aphorismi siue methodo &
ordine descripti perhibentur, qui-
dam tamen ordine eos cōstare opi-
niantur: verum quoniam hi apho-
rismi ad praxim maxime referun-
tur: In ea autem diagnosi, pro-
gnosim antecedit, & eam subse-

A ij

4
quitur curatio, ordo ille nullo modo obseruatus percipitur, neque ullus alius. Ratio enim methodi requirit, vt omnia quæ pertinent ad vnum caput sese quodāmodo consequantur: atqui de purgatione, de victus ratione, de prognosi, in variis egit libris, hoc tamen culpa hippocratis non cōtingit: referebat enim illas sentētiās in aduersaria digesturus in ordinem si vita superfuisset. Possunt itaque in seriem quandam & ordinem reuocari eos referendo ad capita sua: eoque pacto erit vtilior eorū lectio, & facilius memoriæ commendabūtur: quam ob causam nos explicabimus primo loco omnes Aphorismos, qui ad victus rationem spectant, secundo qui ad purgationem, deinde persequemur reliquos digerendo per ordines & classes, progrediendo semper à generalioribus, ad minus vniuersalia; animaduertendus autē præter breuitatem, & sententiæ perfectionem modus scribendi hipp. in Aphoristica disciplina, solet quippe generis alicuius singularem speciem, loco

5
generis ponere, quæ sit maxime ac-
comodata, ad illigendum, illud quod
genericum est: ut erysipelas foris
intrò bonum. In quo si humor
biliosus, ex quo constat, fera-
tur è partibus internis ad externas
bonum, & laudabile censetur, ut
explicet hoc theorema, omnẽ mo-
tum humoris morbifici à partibus
internis nobilioribus, ad externas
esse laudabilem. Partes enim nobi-
les internaque viscera significantur
robusta, quæ expellunt humores
noxios ad externas ignobiliores: eo
pacto quo solent urbium magnates,
milites hospitandos, ad pauperem
plebeculã relegare, absentes pote-
state & diuitiis. Eodem planè pacto
3. Aph. lib. 1. Athletarum exemplo
specifico volunt docere, vniuersum
morbum à repletionem natum eua-
cuatione curari, ut ipse scripsit 20.
lib. Et Demum contrariorum con-
traria esse remedia: sed quorsum
hoc præstitit, Medicus est artifex
sensui addictus: Aristotelésq, scripsit
Medicum curare Socratem: atque
species est propinquior, & similior

A iij

individo, quam genus: nec scientia vlla individuorum constitui potest: ex Aristotele in libris de demonstratione: ergo iure & merito in medica arte generis loco proponit artifici speciem contemplandam, quo facilius descendat ad individuum proximum. his positis, quæ erant necessaria ad libros Aphorismorum facilius intelligendos. accedamus ad textus aphorismorum explicationem.

VITA



VITA BREVIS, ARS

*verò longa, occasio præceps, experimen-
tum periculosum, iudicium difficile:
nec solum seipsum præstare oportet offi-
cio fungentem: sed etiam agrum & af-
fidentes, & externa.*

Aphorism. 1. Sect. 1.



PHORISTICAE doctrinae
conscribendae causam, & ra-
tionem veritatis Aphorismo-
rum tradit Hipp. hoc primo
Aphorismo, seu præfatione
totius operis: ac si diceret scribo aphori-
sticè hos libros, & breuiter, quia vita bre-
uis est, & ars longa: nisi enim ars, quæ lon-
ga est in compendium redigatur, quo pa-
cto, vita existente breui, poterit ab homine
comprehendi? Quare Gal. cap. 6. lib. 6. de
simpl. Medic. facult. inquit, maximo studio
festinemus, viam iure compediosam: nem-
pe quærendo quæ sunt in arte utilissima.
2. occasio præceps est in morbis acutis,
nemo autem optime occasionem applican-
di remedij, nouerit, nisi artem ad anuissimam
calleat, non potest autem in breui vita, nisi
compendiosè ars doceatur 3. experientia
est periculosa, sine difficilis, vt scribit lib.
de humoribus: quare nisi medicus perfectè

A iiij

2 IACOB. FONTAN.

dignoscat artem, experiri remedia sine periculo non potest: quare ars docenda breuiter. 4. iudicium est difficile in particulis morbis, propter cōcursum morbum, causarum & symptomatum: quæ perturbāt mentem Medici iudicantis: hæc autem difficultas, non potest superari, nisi arte sit instructus: perfectè ergo breuiter tradatur oportet: Quare quia vita brevis est, & ars longa occasio præceps; experientia periculosa, iudicium difficile, debeo describere artem Aphoristicè. In secunda parte aphorismi agit de veritate aphorismorū, vt nemo sibi persuadeat esse absolute veros, sed cum conditionibus dicendis, nimirum si Medicus suum præstiterit officium doctrina, studio, sollicitudine & diligentia, ægrotus suum, obsequendo Medico: astantes etiam, exequendo, quæ Medicus imperauerit, & externa sint parata omnia, nimirum res non naturales: atque si hæc obseruata fuerint, tum demum Aphorismi veri existent, aliter non possunt.

De victus ratione.

AD hoc caput referemus omnes Aphorismos pertinentes ad victus rationem: victus autem ratio, est comoda rerum non naturalium administratio, aëris scilicet, somni, vigiliæ, motus quietis, potus, cibi, animi pathematū, inanitionis, & repletionis, ad sanitatem conseruandam, ad statum neutrum corrigenda.

IN APHORIS. HIP. 9

dum, & ad morbum curandum. prima ratio tuendæ sanitatis: secunda præcautio sine prophylaxis ne incidat aliquē in morbum, aut ne morbus, qui præterit reuertatur. Nam corporis humani constitutio triplex est, sana, ægra, neutra: eaque vel decidentia vel conualescētiæ, tertia est curatio per res non naturales: Atque victus ratio pharmacia, & chirurgiæ præferenda est: quod chirurgiæ non utamur, nisi in magna necessitate: pharmacia vero, nisi turgente materia, aut cocta, Aph. 22. lib. primi. At victus ratione in omnibus, & semper utendum. Hip. agit de victus ratione in his libris Aphoristicis, quæ cōsistit præsertim in cibis & potibus exhibendis, quæ communiter diæta appellatur, eius scopus est præcipuus facultatis vitalis cōservatio & restauratio per alimentum, in quo alimento consideratur: quantitas, qualitas, tempus, utendi modus: victus autem est tenuis, vel copiosus & largus, aut mediocris comparatione facta cum viribus facultatis vitalis & naturalis nutrientis, Quæ vel est robusta, debilis, aut mediocris: cognoscuntur autem per operationes suas: ut enim se habent facultates, & eorum instrumenta ita operationes ab illis emanantes. Victus tenuis est, qui qualitate siue substantia parum nutrit ut pulli iusculum, copia exigua datur, & raro, ut semel vel bis in die: Largus contrarius, qui substantia multum nutrit, copiosus & frequens est: medius medio se habet modo. morbus verò, vel est lōgus, vel acu-

10 IACOB. FONTAN.

tus: hic, vel est acutus simpliciter qui ad 14. diem porrigitur, aut acutus exacte, qui extenditur ad 9. aut 11. diem, vel per acutus, qui vel simpliciter peracutus est ad 7. diem extensus: aut exacte peracutus, qui 3. aut 5. die finitur. Aliud est morbus acutus, improprie appellatus, qui ex decidentia dicitur, quando scilicet morbus acutus ad 14. diem deductus perseverat ad 20. & secundum aliquos ad 40. morbi qui prætergrediuntur. 40. diem longi appellantur. his positis tanquam suppositionibus, inquit Hipp. Victus tenuis & exquisitus in longis morbis semper est periculosus: quia cum egeant hi, qui tali morbo vexantur virium robore, propter longitudinem morbi eas dissipantem indigent pleniori alimento, quo sustententur: aliter enim deficient in itinere vires, ergo victus tenuis in longis morbis periculosus est. In acutis vero in quibus non convenit est etiam parum tutus, hæc particula (in quibus non convenit) significat victum tennem aliquando convenire in morbis acutis, & aliquando non convenire: convenit quando vires ægri sunt robustæ, & morbus est aut exacte peracutus, aut peracutus simpliciter: nam vires illæ, cum paucò alimento poterunt persistere usque ad finem morbi acutissimi. Quare Hipp. Aph. 7. lib. huius scribit: cum morbus est peracutus extremos statim habet labores, summèq; tenuissimo victu est utendū: non convenit autē cum vires debiles sunt, & morbus simpliciter acutus aut

IN APHORIS. HIP. II

exactè acutus: nō potest enim æger cū tāta viriū debilitare viuere vsq; ad morbi terminū: quare Hipp. postrema parte Aph. citati, inquit: cum verò morbus non ex exactè acutus, sed pleniorē victum licet exhibere tātum de extrema victus tenuis ratione demendum: quantum extremis morbis fuerit remissior: Rursumque, inquit victus, qui ad extremam peruenerit tenuitatē molestus, probat, illud argumento dicto à contrariis: quia quæ ad summam plenitudinē perductæ sunt repletionē molestæ: Nam omne nimium & excedens naturæ inimicum ex 51. lib. 2. Aph. 4. lib. 2. Non satietas, non fames: neque aliud quidquam quod naturæ modum excedat bonum. Natura enim moderata & temperata gaudet moderatis, molestatur ab excedentibus simile enim simili conseruatur, & à contrario destruitur.

*UTRUM IN OMNI DIÆTA
prescribenda sumatur indicatio à viribus
agri.*

Victus tenuis vires debilitat: atqui robur virium non indicat sui debilitatem: sed potius conseruationem: nam à viribus ex Galen. in lib. meth. Med. desumitur indicatio vitalis id est vitæ cōseruandæ, ergo à viribus nō sumitur diætæ prescribendæ indicatio. Quo satisfiat huic argumento intelligendum indicationem esse demonstrationem alicuius rei facien-

dæ circa corpus humanum. Illa autem demonstratio, siue iudicium sumitur ab aliqua re indicante: vt, ab ætate, viribus, morbo, & aliis præterea indicatio ratione rei indicantis, aut est magna, aut est parua. Quippe extremis morbis extrema sunt adhibenda remedia, paruis parua: vires itaque licet indicent sui conseruationem: tam debiles magis quàm robustæ: nam illæ nisi sustineantur interibunt, hæ conseruabuntur aliquo tempore. Porro facultas est debilis, aut ab oppressione, aut à dissipatione, ab oppressione, id est, à cumulo humorum: à dissipatione autem, quando deperditi sunt spiritus, & calor innatus. his positis in morbis contemplamur naturam & morbum, natura morbo aduersatur, & coquit alimentum ad suam conseruationem: verum quia vna est natura, & virium præfinitarum: tantum demitur de viribus contra morbum dimicantibus: quātum earum est necessarium, ad cibum coquendum: ergo quando robusta est paucò eget alimento ad sui conseruationem, vt possit contra morbum fortius dimicare: cum verò debilis est multo, non quantitate: sed numero exhibitionum: vt scilicet parum detur propter debilitatem. Nam debilis non potest magnam alimenti quantitatem conuertere in substantiam partium: sed quia debilis, sæpè danda est illa parua quantitas ne deficiat: quare dietæ ratio sumitur per se à viribus, & per accidens à morbo: nam si maior, quàm par sit exhibeatur cibus, natu-

ra reuocabitur à pugna, quam cum morbo committit, vt coquat alimentum: at quæ necessitas est, vt natura reuocetur à pugna, vt coquat alimentum? quia nisi coqueret corrumpereetur, augeretque causam mor- bificam: satius ergo est, vt coquat alimen- tum, & quantum potest agat contra cau- sam morbi, quam si relicto alimento cru- do studeret profligationi causæ morbifi- cæ: maius enim damnum est euitandum: maius autem est illud damnum, quod ab alimento corrupto proficiscetur, quam à causa morbifica, quia alimenti corrupti materia esset cruda, morbifica iam incepit coqui: crudū vero difficilius subigitur, eo, quod coqui iam incepit. Per se ergo indi- catio sumenda à viribus in diætā præscri- benda, & per accidēs à morbo: vt enim ex- plicatū fuit: cum morbus est peracutus, ef- ficat vt præscribatur victus tenuis, ne reuo- cetur natura ab oppugnatione morbi, ad coctionem alimenti, reddatūque ea ratio- ne debiliior: & morbus robustior. Absentia enim inimici vnus, alterius roboris causa existit: potior tamen esse dicitur ratio vi- rium quam morbi. Ideirco practici iubent, vt manu dextra viribus opitemur, & fini- stra morbum oppugnemus. Cæterum, cum vires ab oppressione fuerint debiles, est vtendum tenui victu, à dissipatione autem paulo largiori numero exhibitionum, non quantitate.

Intenui

*IN TENUI VICTU ÆCRI
delinquant, quo fit ut magis ledantur. Qui-
cunque enim error committitur magnus, maior
in hoc fit, quam in paulo pleniore victu.
Propterea etiam sanis periculosus existit val-
de exquisitus victus, & constitutus: quoniam
errores gravius ferunt. Ob hoc igitur tenuis vi-
ctus, atque admodum exquisitus magna ex
parte periculosior est eo, qui paulo plenior. §1.*

Quia mensura diætæ difficile præfinitur propter difficilem cognitionem: in particulari virium & morbi, quo Medicus in ea præscribenda minus erret, suadet Hip. ut potius peccemus excedendo: contrariò penitus modo, quam in purgatione in qua deficiendo satius est peccare, quam excedendo. Nam ut in diætâ præscribenda defectus facile refarciri non possunt, ita facile in purgando compensari: nam facilius est, à negotio & pleniori victu ad otium, & tenuem victum mutatio, quam contra ab otio ad negotium. In purgatione verò potior est repetitio medicamenti debilis quam reparatio damni ab excedente nati: Adde quod si tenui victu fuerit usus æger in primis diebus cogarisque deinde ob virium debilitatem largiorem usurpare victum: natura reuocabitur, à pugna, quam committit cum morbo, nec poterit duobus superadis par esse: ergo ægroti magis peccant in victu tenui, quam in paulo plenior: probat Hip. suam sententiam ex damno

IN APHORIS. HIP. 15

quod contingit sanis ex obseruata exquisi-
tiori & tenuiori victus ratione. Quoniam
illi errores grauius ferant. Id est si quan-
do illi faciant subitam mutationem ab
illo exquisito victu ad largiorem, & ple-
norem, cruditates multas colligunt, ex
quibus nascuntur obstructions, & ab illis
putredo, tum demum febris, quare sua-
det sanis vt quamlibet aquam obuiam po-
tent à consuetis enim minor fit passio.

*EXTREMIS MORBIS EX-
trema exquisitè remedia optima sunt, Aph.
6. sect. 1.*

OMne remedium debet esse æquale
morbo ex Gal. superatio vero pēdet
à viribus: Ergo extremis morbis ex-
trema debentur remedia. Remedia autem
cōstituuntur in dieta, chirurgia, & pharma-
cia: ergo extremis hæc debentur remedia:
extremos verò Gal. interpretatur magnos,
qui ex eodem cap 6. lib. 4. Meth. meden-
di, magni dicuntur symptomatum magni-
tudine, partes obsessæ præstātia, & cachœ-
tia, siue malignitate humorum: verum om-
nibusne extremis morbis extrema sunt ad-
hibenda remedia? respondemus, magnitu-
do morbi indicat quidem magnitudinem
remedij per se, si vires coindicent, & pos-
sint ferre: quare in morbo magno si vires
fuerint robustæ, magna concedemus re-
media: si debiles nō idem: verum sintne ta-
les

les deferendi siue remedio? si Medicus agnoscat sua arte, tales esse plane desperatos: id est, ita superari naturam à morbo, ut nulla sit reliqua salutis spes, sequendum est illud celsi edictum, non sunt infananda remedia, quæ multis auxilio fuere, sin autem res in ambiguo sitæ sint vitæque aliqua salus sit sperabilis, satius est ex eodem cello, anceps remedium experiri, quam nullum, adhibito tamē prognostico: dubij iudicij causa est iam dicta in 1. Aphor. tamen melius est inquit Gal. egros iuuare cum periculo quam nullo prorsus remedio adiutos mori permittere. Hoc namque est crudelitatis, illud humanæ charitatis, sitque in hac arte, ut in ceteris id quod melius est, non quod simpliciter bonum.

CUM ITAQUE MORBUS peracutus est, extremos protinus labores habet summæque tenuissimo victu est utendum: quum verò non est, sed pleniorẽ victum licet exhibere, tantum de extrema victus tenuis ratione remittendum, quanto extremis, morbus fuerit remissior. 7. 1.

APhorismo 5. propter ancipitem diætæ præscribendæ cognitionem, suadebat Medico, ut preferet longiorẽ victus rationem, tenui: posthac verò ex præfixis & certis indicationibus modum vitæ præfinit certum. In hoc Aph. & in sequentibus, & primo dicit indicationem à morbo peracuto simpliciter, aut exactè per-

peracuto : in quo summè tenuissimo victu
est vtendum, nimirum, aut inedia cibi me-
ra, aut perexiguo cibo, ducit verò nos in
cognitionem horum morborum ex labo-
ribus extremis, quos habet coniunctos sci-
licet symptomata extrema, vt vigilias, deli-
ria, lipbothymias, agitationes magnas cor-
poris, dolores acerbos : potestque talis
efformari ratiocinatio, illi morbi, qui ex-
remos habent labores, sunt extremi &
peracuti : extremis autem morbis extrema
debentur remedia ex superiori Aphor. er-
go in morbis peracutis, summè tenuissima
victus ratio est vsutpanda, ratione morbi,
cui debetur remediū æquale : extrema au-
tem extremis sunt æqualia : virium tamen
ratione, siquidem fuerint debiles, aliquid
suggerendum esse, quo sustententur. Cum
vero morbus non est peracutus quia non
habet extremos labores, licet exhibere
pleniorē victum : at plenior victus cum
latitudinem magnam habeat oportet me-
tiri eius copiam ex quātitate morbi ipsius :
cum vt extremis extrema exiguis parua &
mediis media conueniant remedia.

*CUM MORBI VIS EST
maxima, tunc tenuissimo vtendum victu.
8.1.*

T Empora morborū quatuor sunt, quæ
mensurant eius motum improprie di-
ctum principium, incrementum, status, &
declinatio : in principio & fine omnia mi-

B j

11 IACOB. FONTAN.

tiora, in statu deteriora Aph. 30. lib. 2 Nam in principio natura aggreditur pugnam cum morbo pedetentim: tum quia cruda sunt omnia, cū incipit coqui materia mor- bifica commouentur symptomata: cum enim pus fit dolores, & febres magis ac- cenduntur, quam cum factum est ex Aph. 47. lib. 2. vt ostendat specifico exemplo ge- nericam propositionem, in incremento au- geri symptomata, crescunt autē illa ad sta- tum vsque, in quo manent in eodem gradu, & summa in declinatione decrescunt, & tandem fatiscunt. Vis ergo maxima morbi est in statu, quare eo tempore percipit Hip. tenuissima esse vtendum victus ra- tione: quod extremis extrema debēantur remedia ne natura studens, & affixa proflig- ationi causæ morbificæ ab eo officio re- uocetur ad alimentum coctionem, vnde im- minuetur vis illa qua pugnat contra morbi violentiam. Ergo cum morbi vis est maxi- ma, tunc tenuissimo victu est vtendum.

SED EX ÆCROTO CON- iecturam facere oportet, an is cum prescripto victu perstet ad morbi vsque vigorem; an ne prius deficiat imparque cum tali victu, suc- cumbat, quam cedat morbus, & obtunda- tur. Aph. 9. 1.

Aphorismi superiores ad amissim obseruati periculum pariunt sæpè: vt enim summum ius summa dicitur iniuria inter iurisperitos. Ita inter medi-

cos seuera & rigida præceptorum medicinae obseruatio periculosa est, quocirca hoc Aphor. corrigit superiorem victus rationem tenuem, memor. 4. & 5. Aph. in quibus præfert victum pleniorē tenui. Cautio ergo talis est, si quando in morbo exacte peracuto præscripserit victus rationem tenuissimam videndum num cum tali victu, eger poterit superesse, aut viuere vsque ad morbi vigorem: ex quo colligere licet, omnem instituendæ diætæ rationem, in qualitate, quantitate, numero sumendam ex præ notione futuri status, scilicet num absit longissimè an proximus sit, quod expressit Gal. cap. 3. lib. 1. de crisi- bus: generosi medici, inquit, atque arte Hippocratica digni officium est, futurum statum præcognoscere. Cum omnem victus rationem ad ipsum aspiciendo decernat, dignoscitur vero ex motu morbi, qui motus, aut celer est, aut tardus, celeritas eius cognoscitur symptomatis magnis cito natis, ex causa calida, vt bile: tarditas autem ex symptomatis tardè nascētibz & ex causa frigida, vt pituita & succo melancholico: de quibus in nostra methodo cap. 7. Verum non à morbi statu tantum: sed ex viribus sumenda est indicatio victus vt diximus, quæ cum debiles sint alimento pauco & sæpe petito refocillandæ, vires autem sunt variis modis debiles, ab oppressione scilicet, & dissipatione. Tum alia animaduertenda est diuisio petita à causa debilitatis quæ prout varia est, diuersa victus ratio institui-

tur: vna illius causa censetur inanitio, vt alui profluuium, longa fames, fluxus sanguinis, ex quacunque parte oriatur, aut potest emanare à re infestante, vt à punctura & vellicatione orificij superioris stomachi facta ab acri humore, syncope, dolore, aut ab intemperie internæ partis principis, à qua calor naturalis diminuitur, à suffocatione vteri, vt in mulieribus, in virium debilitate ab oppressione, tenuis victus conuenit, ab inanitione nocet. Oportet enim inanitas reficere paulatim, parum & sæpe: si res infestans causa extiterit debilitatis: Tum syncope, aut suffocatio vteri, cum dissipentur spiritus subito, & debilitentur vires subito sunt reficiendæ ex Hipp. enim quæ subito attenuantur corpora, cito sunt reficienda, in debilitate ab intemperie nata, cum dissipationem illa intemperies pariat: reficienda est debilitas pedetentim: ne verò quicquam iudicatum remaneat sequenti. Aph. præfuit quo modo victus ratio sit præscribenda ratione status futuri.

QVIBVS ITAQVE VIGOR
est, hos statim tenuiter cibare, quibus autem postea vigor futurus est, ijs in ipso vigore, & paulo ante, cibus subtrahendus: antea verò plenius alendum, vt durare queat. 10.1.

IN superiori Aph. admonet medicum prudentem, vt videat num cum tenuissimo victu secundum doctrinam superiorum Aphorismorum præscripto possit durare,

vsque ad statum morbi: an verò sit peritu-
 rus, ante quàm status contingat, aliquis pos-
 set rogare, quo modo sese debeat gerere
 prudens Medicus in perscribendo victu,
 ratione subiti status: hoc Aphorif. respon-
 det Hipp. quoniam status morbi mox fu-
 turus est, id est intra quinque aut septem
 dies, statim tenuiter cibare oportet egrum:
 illud autè cognoscitur ex motu morbi, vt
 diximus superiori commentario. probari
 verò potest hæc pars prior Aphorif. hoc
 modo: omnis morbus, qui intra paucos
 dies ad statum est peruenturus peracutus
 dicitur, in omni verò tali victus ratio est
 præscribenda tenuissima: ergo in quo mor-
 bo, mox futurus est status præscribenda est
 victus ratio tenuissima, assumptio huius ra-
 tiocinationis probatur per antecedentes
 Aph. Quibus autem paulò tardius futurus
 est status, in ipso statu & paulo ante scili-
 cet in postrema parte incrementi, subtra-
 hendus est cibus: nam in statu quiescen-
 dum esse, paulo post scribetur: antea verò
 id est in principio morbi, & in prima parte
 incrementi, liberius alendum, vt æger du-
 rare possit, vsque ad morbi statum: nam
 cum morbus sit futurus longior, nisi li-
 beraliter nutriemur ægrum in principio,
 periculum esset, ne deficeret ante aduen-
 tum status, vel cogeretur Medicus, quo
 vires debilitatas reficeret subministrare ci-
 bos, cum minimè conuenit, id est, quando
 natura non est auocanda à pugna, quod
 temerarium fuerit iudicatum. Adde quod

11 IACOB. FONTAN.

melius est in principio plenius nutrire,
quam parcius: ergo Aphorismus verus est.

IN IPSIS TAMEN EXACER-
bationibus cibum adimere oportet: nam pre-
bere noxium, & cum per circuitus redeunt
morbi, In ipsis accessionibus est abstinend-
um. II. I.

VT Aphorismus hic intelligatur ani-
maduertendum est morbos alios esse
continuos, alios intermittentes.
Continui in suo motu, aut seruant æquali-
tatem, vt febris synochus, siue continens,
aut inæqualitatem, vt continua, tertiana,
quotidiana, & quartana. In continuis inæ-
qualibus tempus inæqualitatis, & incre-
menti dicitur exacerbatio: quia morbus, vt
febris exacerbatur, & exasperatur in mor-
bis intermittentibus, vt in febre tertiana
animaduertitur periodus, & paroxismus.
Periodus est totum tempus, in quo febris à
puncto primo & primario reuertitur ad
idem punctum, vt fit in fabrica peripheriæ
circuli: continet ergo Paroxysmum, & in-
termissionem. Paroxysmus verò suo ambi-
tu, complectitur incrementum, & statum
quare molestius periodi tempus, à quibus-
dam dicitur. Aduertendum præterea mor-
borum illa tempora, quatuor dicta, aut esse
generalia totius historiæ morbi: aut pecu-
liaria paroxysmorum, præsertim in morbis,
qui intermissione constant, omnis enim
morbus intermittens constat principio, in-

cremento, statu & declinatione paroxismi peculiaris: his positis, quemadmodum in temporibus vniuersalibus totius morbi, in statu nihil dandum: sic in particularibus temporibus, vt exacerbatione, & in accessione nihil præbendum. Quia inquit Hippocrates, præbere noxium esset, quod scilicet natura reuocetur à pugna cum morbo, vt dictum fuit: & præterea, quod paroxismi, & accessiones longiores efficerentur in pernitiem ægri.

MORBI VERO IPSI ET ANNI tempora, & periodorum, inter se proportionis observatio, siue ea quotidie, siue alternis, siue maiore intervallo fiant, paroxismos, & statum morborum indicabunt: sed & ex ijs, quæ postea apparei iudicia sumuntur, velut in pleuritide, sputum si statim initio appareat, breuem fore denunciat: si verò postcrius conspiciatur longam: Quin etiam urine, alui feces, sudores, indicatu faciles, aut difficiles, & breues, vel longos morbos fore cum superveniunt demonstrant.

CVM superioribus Aphorismis scripsisset in statu morbi in paroxismis & accessionibus, nihil dandum esse, nunc methodum tradit, ex quibus, & per quæ cognoscamus statum, paroxysmum & accessionem. i. ex morbis ipsis, nimirum eorum specie, sunt enim accessiones & paroxismi morborum præfiniti, vt tertiana simplex cum longissima est ex Aph. 59. lib. 4.

septem circuitibus, siue periodis finitur, & tertio quoque die repetit, in ea ergo cito futurus est status. Quotidiana quotidie accessiones habet, & quia à pituita ortum ducit longa esse solet. Phrenitis sua natura & specie ipsa est morbus peracutus, quibus potest addi argumentum à causa desumptum: Nam biliosi morbi cito ad statum perueniunt, pituitosi, & melancholici tardè, 2. ex anni tempore, & constitutione: Est autem anni tempus pars illius, temperamento à reliquis distincta. Exemplum sumitur ex Aph. 25. lib. 3. cum inquit, æstiuæ quartanæ plerumque breues, Autumnales longè, præsertim si hyemen attigerint. 3. ex circuitibus & periodis, qui reuertuntur, aut quotidie, vt in febre quotidiana, tertiana duplici, & quartana triplici, & in epilepsia quadam peculiari, aliisque morbis, qui quotidie ægros affligunt, aut alternis diebus, vel alio modo. 4. ex symptomatis epiphenomenis supernascentibus, quæ ortum morbi sequuntur, nec simul nascuntur: quod explicat exemplo pleuritidis, in qua sputum est epigenomenon: vt ita sputum cito post natum morbum, id est, intra duos, tres, vel quatuor dies appareat, breuem illam ostendit, quod natura robusta cito, noxiam minimam conetur expellere, vnde breuitas morbi speranda, ex quo colligimus cito futurum statum: Si verò multo post principium appareat longam significat pleuritidem: verum in libris de ratione victus in morbis acutis scribit Hipp.

Hipp. in pectoralibus morbis augendum alimentum pro ratione vacuationis. Ergo in quibus sputū statim apparet post ortum morbum, erit plenior cibus suggerendus. Contrariū tamen hic videtur sentire Hipp. nam quia breui futurum statum coniecit ex cita expectoratione, parum dandum esse concludit: Quia status mox futurus est, respōde, ratione status mox futuri est præscribenda victus ratio tenuissima, sed quia euacuatio sputi debilitat vires, ratione infirmitatis virium, paulo pleniore est utendum victus ratione, in quantitate, & numero, ut verò capitur iudicium futuri status ab sputis: ita & ab urinis, deiectionibus alui, & sudoris cum superueniunt in morbis: nam si illa extrema coctionis fuerint affecuta significant breui futurum statum, si vero cruda extiterint, longè abesse. Coctiones enim ex Hipp. in epidemiis celeritatem, & securitatē criscos ostendunt. Quare ex his omnibus possumus dignoscere paroxysmos, accessiones morborū & statum futurum breui, aut tardè secundum quæ nos præscribemus dietam tenuem aut longam.

Senes faciliè ieiunium ferunt, secundum hos, qui constantem ætatem agunt, minus adolescentes, minimè omnium pueri: atque inter eos maxime qui acriores sunt, & viridioris ingenio, præditi. 13.1.

Alius locus est indicans nempe ætas, à qua indicatio sumitur diætæ præscribendæ, ætas vero est animantium vitæ pars, corporis temperamentum immutans, per eam vim caloris innati, quæ viget in humido radicali: dum enim calor agit in humidum radicale, mutat paulatim exsiccando, & sese per accidens pedetentim destruendo: unde ætatum diuersitas de hac legendum est 2. cap. lib. 1. de sanit. tuenda apud Gal. Ætas diuiditur in pueritiam, adolescentiam, constantem ætatem, & senectutem, quæ duplex est, cruda & decrepita. Senes inquit Hip. crudi nimirum à 50. anno ad 60. facile patiuntur inædiam, propter debilitatem caloris innati mediocrem, paucam dissipationem triplicis substantiæ, ob habitus densitatem: & exiguum suctionis sensum, imminuto sensu, in orificio vetriculi superiore, ob pituitæ copiam quæ illic congeritur in ea ætate unde deducit Hipp. Si quando senes crudi & robusti laborent morbo, non egere diætâ æque liberali, atque in illis ætatibus, quæ senectutem antecedunt, decrepiti vero non facile, ieiunium ferunt, quia cum sint extreme debiles, paucò egent alimento, sæpiusque repetito, ne deficiant: adolescentes autem, non patiuntur inædiam facile, ob contrarias causas, nimirum ob caloris innati vigorem, multam dissipationem triplicis substantiæ, & exquisitum suctionis sensum. Quare si quando morbo afficiantur egent copia maiori alimentorum constan-

tes ætate, medium locum tenent inter senes crudos, & adolescentes: quocirca, morbo expressi, mediocri egent diætâ, minimè omnium pueri inediâ patiuntur propter maiorem calorem innatum, dissipationem, & sensum suctionis: ita vt torius ætatis hominis. 4 gradus constituentur. 1. est senium crudorum. 2. constantium ætate 3. adolescentium 4. puerorum. Atque vt inter senes, quidam sunt crudi, & robusti, quidam decrepiti & debiles: ita inter pueros quidam sunt viuido ingenio, & acriore præditi, quidâ hebetiore, promptitudo, illa à calore innato tanquâ instrumento nascitur, in quo verò magis viget calor, in eo liberaliore diætâ est vtendum. Ergo pueris acriore ingenio præditis dum morbo afficiuntur, liberalior diætâ est præscribenda.

Quæ crescunt corpora, plurimum habent calidi innati: itaque copioso cum alimento indigeant, ipsis abundè suppeditare oportet. Alioquin corpus consumitur. Senibus verò parum caloris inest, propterea paucis succendiculis indigent. Exiguus namque ignis fomitis multitudine extinguatur: ob eandem causam nec senibus febres perinde acute fiant, frigidum enim eorum corpus. I 4. I.

Hic Aphorismus continet probatio-
nem superioris: ieiunium enim fertur
facile, aut difficile potissimū propter
copiam caloris innati, aut eius inopiam.
Cæterum crescunt corpora communi me-

dicorum edicto ad 25. annum, eo enim usque ossa quæ sunt reliquarum partiũ fundamenta crescunt, sequacia propter humiditatem, cum autem peruentum est ad 25. annum præ siccitate amplius extendi nequeunt, quare usque illud tempus plurimũ caloris naturalis obtinent homines, quia plurimum humiditatis, quo enim plus humidi primigenij in corpore existit, maior inest copia caloris: humidum namque est pabulum caloris: quo autem calor est maior pluri egent corpora alimento: ergo qui crescunt, cum plurimum caloris innati habeant, egent copioso alimento. Neque tamen id probavit Hipp. per causam: sed à consequenti incõmodo. Ita scilicet quando calori non obicitur alimentum, calor agit in partes solidas, easque consumit, ergo nisi iis qui crescunt abundè suppeditetur alimentum corpus eorum cõsumitur, quod est maximè noxium. Contra verò senes paucum habent calorem innatum: quare exiguo egent alimento, probaturque similiter ab incommodo: Quia si multum exhiberetur alimentum: suffocaretur calor innatus, non aliter quam exiguus ignis extinguitur multitudo liquorũ: Quòd autem exiguum senes possideant calorem nativũ probat Hipp. ab effectu, quia febribus acutis perinde, ac iuvenes non diuexantur. At febris est calor præter naturam, qui contrarius censetur naturali, quare licet paucus sit calor naturalis in senibus nihilominus poterunt laborare febribus acutis.

Negamus, quia febris Hippocrati, calor est naturalis in ignem conuersus: quo ergo calor naturalis est vehementior: eo febres possunt esse vehementiores ratione caloris: licet materia biliosa sit causa aliquando magnitudinis febris, cōtingit nōnunquam in senibus: quare Hippocrates in Aphorismis, inquit, senes raro acuta febre laborāt. & si quando eaprehenduntur periclitantur. quod eorum ætati minus sit congener.

Ventre hyeme ac vere calidissimi sunt, somni longissimi, quocirca his temporibus alimenta copiosiora dari debent: siquidem plus natini caloris habent, pluribus igitur alimentis egent, argumento sunt ætates & athleteæ. 18. 1.

DVcit indicationem diætæ instituentæ, à tempore anni, prout in illo viget calor naturalis, aut debilis est, explicans tantum constitutionem corporis humani, in duabus tempestatibus, ex quibus reliquæ facile intelligi possunt. Contrariorum namque contraria sunt consequentia. Propositio ergo talis constituitur. Hyeme verè victus ratio plenior est præscribenda ægrotis: hoc pacto probandum, quoniam maior est copia caloris in corpore humano, somni sunt longiores, plura sunt ergo danda alimenta vt probatum est, atqui hyeme & vere abundant, multa calore corpora humana, & somni sunt longiores, quàm in cæteris tempestatibus. Ergo in illis plura sunt elargienda

C iij.

alimenta, frigus namque extremum tunc
 temporis cogit corpora: & per antiperi-
 stasin calidiora efficit, & propter copiam
 anatiniascens, siue euaporationis laudabi-
 lis, somni nascuntur longiores, in somno
 verò perfectior fit coctio in ventriculis.
 Ergo hyeme, & verè, quia corpora sunt ca-
 lidiora partibus internis, quas vocat ven-
 tres in quibus sunt coctiones, nempe ven-
 triculo, hepate, & reliquis, plura sunt sub-
 ministranda alimenta, probat verò maio-
 rem argumento puerorum adolescen-
 tum, & athletarum: in quibus quia maximè
 abundat calor ratio victus liberalior est
 concedenda. Cæterum à regione eadem
 indicatio sumi potest: Septentrionales er-
 go nutriendi liberalius, vnde sequitur æsta-
 te propter debilitatem caloris innati à dis-
 sipatione natam, propter æstum, pauciora
 alimenta exhibenda in temporibus mediis
 modo medio: quocirca scribit 18. Aph. hu-
 ius libri cibos æstate, & autumnò difficile
 ferunt, hyeme facillimè, vere minus, vt di-
 stinguat, quod confusè fuerat probatum
 de hyeme & vere in superiori Aph. legitur
 etiam Aphorismus 59. lib. 7. qui continet
 indicationem ductam ab habitu corporis,
 inquit enim, corporibus humida carne
 præditis præferenda fames est. Nam fa-
 mes siccatur corpora, iis ergo pauca in mor-
 bis danda erunt alimenta.

*Impura corpora quanto plus nutries eo magis le-
des. 9.1.*

Hic Aph 9. lib 2. pertinet ad quantita-
tem alimentorum præscribendam:
quare est hoc loco collocandus: in-
telligi namque potest, & de corporibus
morbo affectis, & de cōalescentibus. Cum
enim illis corporibus exhibetur cibus
magna quantitate à pravis humoribus in
corpore contentis corrumpitur, unde ma-
gis læduntur ægroti, quare illis parum ali-
mentum elargiendum est.

*Vbi fauces ægrotant, aut pustularum eruptiones
exoriuntur in corpore, excrementa spectare
oportet, Quippe si biliosa fuerint corpus una
ægrotat. Sin sanorum excrementis similia, tuto
corpus alere poteris. 15. 2.*

Quo modo cognoscantur impura cor-
pora hoc Aphorismo explicat Hipp.
peculiari exemplo. Quo more solito
vniuersalem subintelligit propositionem
nimirum impuritatem corporis per excer-
menta dignosci prava: si quis itaque ex fau-
cium morbo, aut pustularum eruptione in
toto corpore vellet iudicare de impuritate
corporis erraret. Nam licet illa possint
impuritatem corporis denotare, quando
ex illa originem trahunt: potest nihilomi-
nus fieri, vt quæ pauca erat humorum cor-
ruptio in corpore tota expellatur in super-

C iiij

ficiem corporis: quare ne erremus in eo iudicio faciendo respicienda sunt excrementa, quæ si biliosa extiterint corpus una ægrotat: sin sanorum excrementis similia, purum est corpus. Tuncque ob inde nutriripotest tale corpus, est ergo superior propositio vera.

Victus humidus febricitantibus omnibus tum pueris maxime, atque alijs qui tali victu uti consueverunt utilis. 16. 1.

EXemplo peculiari febrientium, & puerorum docet, generalem doctrinam; ut nimirum qualitas ciborum sit contraria causæ morbificæ: verum cur humidum præscribit victum, cum febris intemperies sit calida: præsertim quia omnibus perspectum sit frigidum febricitantibus dare victum, humidum non item, quod multæ feores sanguineæ dicantur, proinde humidæ censeantur. Tamen quia calor siccat, & sit facilius repleti potu quam cibo ex Aphorif. ij. lib. 2. necessarium est ad siccitatis contemperationem, & faciliorem nutritionem humidum exhibere cibum, tum quia siccitas, difficilius emendatur, quam caliditas, ex Gal. in arte par. Parum. namque humiditas actiua, quare merito mentionem fecit humidi victus, non frigidi. Conuenit etiam & illa victus ratio pueris ob similitudinem naturæ, & incrementi materiam, quæ in humido asistit, tum iis, qui eo uti consueverunt, ut indicatio

sumatur, à consuetudine, cui parendum Medico scribit Hipp. sequenti Aph. est namque consuetudo altera natura, quæ conseruanda est similibus: quare pueris etiam ægrotis & consuetis humida debent alimenta exhiberi.

Quos etiam semel, aut bis, & plus minúsve, & minutatim, ac particulatim alere conveniat, spectandum, &andum verò aliquid consuetudini, regioni, & ætati. 17.1.

HUc vsque Hipp. egit de quantitate, & qualitate seruanda, in exhibendis alimentis. superest, vt de modo, quo præberi debent cibi differamus: consistit verò ille modus in numero, tempore, & quantitate exhibitionum. Hipp. admonet Medicum, vt aduertat modum illum, sed modi normam nõ præscribit. Galenus & reliqui Medici, qui commentarios addiderunt in hunc Aph. modi huius indicationem sumendam scribunt: præsertim à viribus ægrotantium, & à causa morbifica, & inter omnes medicos Montanus meo iudicio luculenter huius rei doctrinam expressit, hoc modo: cum penuria humorum est in corp. sine vlllo morbo, vt in his, qui fame sunt exhausti: cum vires sunt debiles, parum, & sæpe alimentum porrigendum, parum quidem ne suffocentur vires, sæpè verò, vt corpus reficiatur. Si verò sit penuria humorum, cum affectu præter naturam duæ simul iunguntur debilitates. Nimi-

rum vna ab indigentia, altera ab affectu contra naturam: tunc dandum sæpius & parum, si autem fuerit excessus humorum distinguendum est, aut enim excedunt humores boni, aut prauī: siquidem laudabiles extiterunt effectus ille plethora appellatur. In hac parum & raro exhibebimus alimentum, ne scilicet plethora augeatur accrescatque metu suffocationis, aut ruptionis alicuius valis. Ex Gal. Comment. In Aph. 3. lib. 1. in copia prauorum humorum victu tenui opus est. Nam ex Aph. 9. lib. 2. impura corpora, quanto magis nutries, eo magis lades. Parum ergo dabimus, ne cacochimiam augeamus, sæpe tamen, ne debiles vires extinguantur. Nā cum cacochimia virium robur numquam coniungitur. Prauorum autem humorum excessus varius est, illi namque humores aut crudi sunt, & pituitosi, aut adusti: crudi, aut coqui possunt, & verti in alimentum, aut nō possunt: siquidem verti possunt, exiguo est vtendum alimento: Parum ergo & raro exhibendum. Nam vt scribit Gal. lib. 4. de sanit. tuend. cum humores crudi in corpore fuerūt multi: non multum nutrire oportet. Si vero humores crudi prauī sint, ita vt extinguant calorem sæpe, & parum, quod adsit penuria bonorum humorum, & prauorum copia. Quare sæpe dandum: parum autem ne augeatur cacochimia: si autem fuerint adusti: illis quoque sæpè & parum dabimus, nam debilis est calor naturalis, & adest penuria laudabilium hu-

morum: cetera fuerunt in superioribus explicata.

Quibus per statos circuitus, accessiones fiunt, nihil dare nec cogere, sed adimere oportet adiectioni ante indicationes. 19.1.

Hic Aphorismus referendus est ad virtutis rationem in quantitate, & anteponi Aphorismo superiori. Auega existimat eundem prorsus esse cum 10. Aph. in quo scribitur nihil dandum in accessionibus. Dominus Duretus comment. in hunc Aph. distinguit accessiones in particulares & generales, illas in febribus intermittentibus vult obseruari has in continuis. Atque hunc Aphorismum contendit intelligi de vniuersalibus accessionibus, scilicet de diebus criticis: vnde sequeretur in diebus decretorius nihil esse dandum, quod absurdum esset, & maximè noxium ægris: Illi namque, qui 20. die sunt euasuri nihil caperent 3. 5. 7. 9. 11. 14. & 17. In quibus vires extenuarentur nimium. In eam venit opinionem meo iudicio, ex eo quod præcipiat Hip. adimendum esse de cibo, ante Indicationem, quod parum ad rem facit, nam in febribus tam intermittentibus, quam continuis paulo ante crisim demere de cibis oportet. Quare hic Aph. reducendus ad decimum.

*Paulo deterior sed suavior cibus meliori quidem,
sed ingrato preferendus. 38. 2.*

Gratificandum ægris suadet Hip. 6. lib. Epid. gratificari verò est aliquid concedere illis quod palato arrideat, etiam si videatur contrarium præceptis, & institutis artis medicæ dūmodo facile possit reparari damnum, quod sequitur, ex usu illius cibi, ut si vinum merum haustum fuerit, potu aquæ frigidæ facile potest contemperari: sed valde non sit prauum illud alimentum oportet: Nam quæ modum in prauitate excedunt reici debent, ut fungi, tubera, cepæ crudæ & alia eiusmodi, & morbus extiterit longus. In acutis namque periculosum est ægri votis in illis conquirere: in longis non item, cum enim longo morbo correpti, ex superioribus, egeant liberaliori victus ratione. Illis concedenda multa præter rationem bene institutæ diætæ, quo appetitus eorum commoueatur sumatque liberalius cibos. Itaque prudens Medicus, in summa inappetentia, debet ægros rogare, quid comedere appetant: hoc modo enim fit, ut per genera ciborum imaginatione percurrendo, occurrat aliquod ciborum genus gratum, licet minus conueniens, quod illis concedere oportet quantitate conuenienti. Qualitas enim non nocet: sed quantitas, ut communi fertur sermone: nam qualitas sequitur, quantitatis mollem. Ita ut in magna mole sit plurimum qualitatis. Est etiam ha-

benda ratio causæ commouentis appetitum: Nam si extiterint humores prauī in ventriculo stabulantes, ut contingit in pica mulierum, illis non est in cibo deprauato eligendo assentiendum: si verò ex consuetudine & natura peculiari indulgendum, ab assuetis namque non fit passio, aut perexigua saltem: si quando verò occurrat, ut æger pertinaciter velit aliquid comedere, quod valde noxium sit, nec possit monitis medici, ab ea opinione diuelli, medici prudentiæ est modum excogitare, quo illi percupitum cibum offerendo æger cibum abhorreat: sit autē hoc nimia quantitate affatim exhibendo, aut modo indecenti, quo potius cibus nauseam quam appetitū moueat: demonstratio verò huius propositionis est: ventriculus exactius concoquit illa alimenta, quæ auidius complectitur: nam coctio ventriculi perfectior fit per contactum. Atqui suauiores cibos arctius complectitur. Ergo melius coquit: Quare licet qualitate sint deteriores, gratia, & suauitate vtiliores habentur, hoc autem ex vi imaginationis pendet, quam magnam vim habere in corporibus nostris a philosophis comprobatum est.

Facilius est impleri potu, quam cibo. 11. 2.

POTUS nomine intelliguntur ea alimēta, quæ liquida sunt, quale est vinum, iuscula distillata expressa, & alia eiusdem generis: per cibos autem alimenta solida:

volunt quidam hunc Aphorismū de con-
ualescentibus intelligi, non de ægris, falso
tamen: nam ægroti egent refectione illa,
quæ facilius perficitur, vt & cōualescentes,
propter virium debilitatem: quare liquida
alimēta illis etiam magis cōuenient, quam
solida: neque tantum propter eam ratio-
nem: sed quia cibos solidos deglutire non
possunt, conualescentes tamen possunt, hi
namque cibi masticandi, masticatio verò
difficilis quando inappetentia adest & pa-
lati tum linguæ deprauatus gustus: deglu-
titio itē est ferè impossibilis, cum siccus sit
Oesophagus, & eius musculi facultate at-
tractrice ferè priuatus: siccitas autē illa, &
attractricis imbecillitas reluctātur deglu-
titioni, liquida autē suapte natura sine at-
tractione vorantur etenim per se fluunt,
& pondere suo in Oesophagum decidunt,
postquam in ventriculum alimenta liqui-
da delapsa sunt minori negotio conficinn-
tur, minus enim resistunt calori agenti: di-
stribuuntur faciliē quia liquida, & in no-
stram substantiam conuertuntur, quia me-
lius apponuntur, aglutinantur, & adhæ-
rent. Ergo verus est Aph. facilius esse reple-
ri potu quam cibo, quare medicus debet
ægrotis præsertim inappetentia laboran-
tibus, præbere potius cibos liquidos quam
crassos: Neque conquerantur ignaræ mu-
lieres, quæ corrupto imaginationis iudicio:
putāt egros fame perituros, qui solis alūtur
iusculis, cū in illis tota insit carnis substan-
tia: faciliusq; sit liquido refici quā solido.

Eorum quæ confertim & celeriter nutriunt, veloces quoque sunt excretiones. 18.2.

Confectarius est hic Aph. superioris, celeriter nutriunt, quæ celeriter, & facile mutantur in substantiam nostrâ, qualia sunt liquidæ & tenuis substantiæ alimenta uti scula potiones, celerius & facilius nutriunt quam cibi solidi: atqui quæ confertim & celeriter nutriunt, celeres habent excretiones, & dissipationes. ergo si quis nutritur liquidis, siue potu, cum eorum fiat dissipatio celeriter, debemus sæpius illi porrigere alimenta, quam si cibo solido nutrire, pertinet ergo hic Aph. ad modum nutritionis.

Quæ longo tempore extenuata sunt corpora, lente reficere oportet, quæ verò brevi breviter. 7.2.

Hic Aph. spectat propriè ad restaurationem convalescentium, morbi violentia extenuata sunt corpora, in convalescentibus de perditione triplicis substantiæ spiritualis, humoralis, & solidæ. Quocirca debilia reddita sunt corpora: cum robur virium in illis consistat: ratione vero consistentiæ earum substantiarum: aliæ aliis citius, aut tardius dissipantur. Spiritus namque tenuiores celerius quàm humores: & hi quàm solidæ partes. quo ergo longior extiterit morbus: eo vires magis sunt debilitatæ, in virium autem prostratione sensim est nu-

riendum nam vires debiles, vt in superioribus demonstratum est, non ferunt magnam alimentorum copiam, sensim ergo exhibere, & reficere oportet corpora, quæ longo tempore extenuata sunt, quæ verò breui, cum facta sit aliqua dissipatio tantum spirituum & humorum, repētē, partes enim solidæ adhuc robustæ, possunt satis largam alimenti copiam conuertere in substantiam: vnde patet veritas Aphorismi.

Quibus noctu bibendi est auaritia, ijs admodum sitientibus obdormiscere, bono est. 27.5.

Sitis nocturna aut levis est, aut magna, in leui somnus humectando remedio est: In magna bibendum parce: & superdormiendum lege plura in Comment. Holerij.

Si à morbo cibum assumens quispiam vires non recipiat copiosiore alimento corpus onerari indicat: si verò modicè epulanti idem eueniat, vacatione indigere sciendum est. 8.2.

Hic Aphorismus continet signum largioris adhibendi alimenti in cōualescentibus: nam cum partes corporis conualescentium exinanitæ attrahant cibos, & conuertant in suam substantiam, oportet eas refici: Si ergo non reficiantur, necessarium est conualescentes plura capere alimenta, quā possint concoquere, & conuertere in substantiā quare verus est Aphorif.

rb

Ubi fames, minimè laborare oportet. 16.2.

EXemplo familiari famis, docet in genere in virium debilitate nihil esse præstandum quod laborem adferat, ut in conualescentibus non est adhibendum alimentum magna copia, debilibus non est proprium medicamentum vehemens: neque sanguis copiosè detrahendus.

Famem vini meracioris potio tollit. 21.2.

SI quis à morbo liberatus, in famem inciderit caninam ob victum deprauatum, meri potione illa fames soluitur, siquidem illa fames cōtigerit à pituita acida & crassa: vinum enim oppugnat causam famis & naturæ oppitulatur.

D j



DE EVACVATIONE, ET PRIMO DE SAN- guinis missione.

*Qui à plenitudine morbi fiunt euacuatione cu-
rantur: & qui ab inanitione proficiscuntur,
sanantur plenitudine, ceterarumque contra-
ria sunt remedia. 22. 2.*



DIXIMVS de ratione victus
præscribenda in morbis acu-
tis, longis, & in conualescen-
tibus, in qua consistit potior
pars curationis. Nunc duas
reliquas aggredimur, quæ in euacuando
præsertim versantur: Sunt vero præcipue
sanguinis missio, & purgatio, in quibus
observantur theorema vniuersale cura-
tionis, contrariorum contraria sunt re-
media: nomine contrariorum intelligi-
mus omnia illa, quæ quolibet modo cau-
sam morbificam oppugnant, euacuando,
alterando, aut alio quouis pacto: more au-
tem consueto Hipp. sub specifica propo-
sitione generalem iam explicatâ est com-
plexus. Plenitudo verò hoc loco intelligi-
tur humorum in corpore nimia quantitas
sive copia, quæ duplex est pro diuersa hu-
morum plenitudine, in generantium dis-
positione, siquidem sanguis solus, aut vna

cum reliquis humoribus multus sit, plenitudinem parit, quæ plethora appellatur. Si humores sint deprauati cacochymiam. A plethora & cacochymia sumuntur indicationes euacuationis, plethora quidem sanguinis missionem cum virium robore indicat. Cacochymia purgationem. Verum quia sanguinis missio ut plurimum est præferenda purgationi: de sanguinis missione primo est dicendum. Ceterum per morbos à repletionem, intelligit, aut præsentem, aut futuros, ut in sequenti Aphorismo patebit. Morbi autem ab inanitione geniti curantur repletionem per alimenta boni succi.

Athletarum plenior corporis habitus, si ad summum sit plenitudinis gradum perductus, lubricus est: neque enim eodem permanere, aut consistere potest: cum verò non consistat, nec iam possit in melius proficere, superest, ut recidat in deterius. Quamobrem illa plenior corporis habitudo haud cunctanter soluenda est, quo corpus novæ nutritionis initium capiat. Non tamen usque eo vacuando pergi velim, ut vasa in se penitus confidant: Hoc enim tutum non est: Sed quantum natura feret, eo usque progredi oportet. Sic & extreme vacuationes periculose: contrariæ repletiones extreme si fuerint periculose similiter. 3. 1.

Hic Aph. pertinet ad doctrinam curatricem, & ad eam partem quæ de sanguinis missione agit, probatur autem per superiorem. omnis morbus præsens, aut

futurus, qui contingit à repletione euacuatione curatur. Atqui Athletarum plenior corporis habitus morbum futurum à repletione significat. Ergo euacuatione curandus: athletæ verò illi dicuntur, qui corpus exercent motibus violentioribus, lucta, pugillatu, cursu, saltu, disco, & reliquis. Nomen habitus dicitur multis modis. Sumitur namque pro qualitate firmiter fixa, apud Aristot. in cathēgoria qualitatis, aut pro humani corporis cōformatione, ut in doctrina Hippocratis. bonus itaque habitus, quem ~~medici~~ appellant medici, bona est partium conformatio, in Atletis quidem consistit, in magna carnis mole, & excessu massæ sanguineæ: Quod ex Gal. illorum studium esset totum in curanda cute, exercitio plurimo & somno longo: bonus autem habitus duobus dicitur modis, aut simpliciter qualis est in bene constituta sanitate, aut comparate, ut athletarum. Quæ ut scribit Plato 3. de Repub. ad sanitatem parum tuta est: his positis inquit Hipp. si plenior habitus athletarum sit ad summum plenitudinis gradum perductus, lubricus est: Probat lubricum esse, & facile labile, in peius, quia, aut permanebit talis, aut mutabitur, in melius permanere nō potest. Nā ut scribit Gal. illis imminet periculum ruptionis alicuius va sis in pectore à distinctione, propter repletionem: Quæ enim nimis replentur: & pistenduntur ruptioni sunt obnoxia, aut suffocationi caloris propter nimiam hu-

morum copiam: non potest autem in me-
 liorem statum mutari cum peruenerint ad
 summum plenitudinis gradū. Tertium er-
 go superest, vt decidat in deterius, nimi-
 rum in eas calamitates, quas diximus: se-
 quitur ergo indicatione sumpta à plenitu-
 dine summa, officium medici esse immi-
 nuere illum habitum euacuatione, per A-
 phorismum superiorem: Quare sanguis
 est detrahendus: Euacuatum enim corpus
 liberabitur, enarratis periculis, & nouæ
 nutritionis principium capiet. Verum
 quia a medicis scribitur remedium debere
 esse æquale causæ morbificæ. Hipp. admo-
 net Medicum, inquiens, ne tamen vsque co
 euacuando pergi velint, vt vasa in se peni-
 tus concidant hoc enim tutum non est. Se-
 quitur enim inde ex Gal. in libris meth. me-
 dendi decoloratio, à priuatione sanguinis,
 & spirituum, hydropes refrigerato hepate,
 ab iisdem causis, Apoplexia, à refrigerato
 cerebro, macies, alimenti penuria, præscri-
 bit itaque Hip. vnde duci debeat indicatio,
 quantitatis detractionis, nimirum à natura
 & viribus corporis, in magna namque
 copia sanguinis etiam multum detrahi
 debet, dummodo vires ferant, vires autem
 cognoscuntur, ex actionum naturalium, vi-
 talium, & animalium robore, aut imbecil-
 litate. Hoc loco quæritur, vtrum sit ducen-
 dus sanguis vsque ad animi deliquium:
 præsertim cum Hipp. Aph. 23. lib. 1. scribat
 euacuandum, vsque ad animi deliquium: si
 ægrotus pat. esse possit: videtur repugnan-

tia contineri in hac sententia, nam par esse, siue ferre posse est, vires esse satis fortes, delinquere vero animo est debilitatis extremus gradus. quidam interpretantur ad ad animi vsque deliquium Id est quousque percipiat medicus pulsum tangendo vires ita imminui, vt si vltius progrediatur euacuando, sunt defecturæ, illudque vocant ad animi vsque deliquium exclusiue, non esse autem animi defectum terminū siue quantitatis sanguinis detrahēdi iustam normam probant multi, ex eo quod aliqui ita sunt animosi, vt non antea deficient, quam totus penè sanguis fuerit detractus, in quibus defectus animi esset mors. Quidam etiam reperiuntur, qui vel ad paucam sanguinis quantitatem detractam deficient. Quare interpretatio iam dicta probanda. Probat autem non esse tutum nimium vacuare quia extremæ vacuationes sunt periculosa: vt extremæ repletiones. Quod vt scribit Aph. §1. lib. 2. Omne nimium naturæ inimicum. Natura namque conseruatur similibus, quæ cum sunt temperata, & com-moderata excedenti offenditur. Ergo omnis euacuatio excedens offendit, moderata secundum vires, iuuat.

Semel multum, & repente, vel vacuare, vel replere, aut calefacere, aut refrigerare, aut alio quouis modo corpus mouere, periculosum. Omne siquidem nimium naturæ inimicum est. Quod vero paulatim fit, tutū, cum alias tum maximè ubi ab vno ad aliud faciēda est mutatio. §1. 2.

Hic Aph. intelligi debet de omni euacuatione, vel repletione: quæ modum excedit. Talis autem est quæ naturæ noxia existit nimirum, quod omne nimium & excedens sit naturæ inimicum. Quod natura gaudeat moderatis, Quod vero paulatim sit tutum: Idcirco melius est incrementum numeri, quam quantitatis: Quare medici in magnis morbis solent paulatim post præparationes purgare, repetito cathartico Illud autem faciendum præsertim quando opus est mutatione è contrario in contrarium: nam vt subita mutatio periculosa esse solet, ita quæ fit paulatim tuta, de qua vide quæ scripsimus, de victus ratione cap. 2. in nostra methodo.

*Fluxiones, quæ ex dorso ad cubitum descendunt
vene sectio soluit. 22. 6.*

IN sanguine mittendo locus, ex quo duci debet designandus. Hip. hoc Aph. locum illum non ostendit: Sed authores, qui explicarunt Aphorismum, licet non esset opus ea explicatione: cum Hipp. Aph. 68. lib. 5. partē ex qua ducere oportet sanguinē denotet. Inquit enim parte posteriore capitis laborante in fronte recta excurrente vena incisa prodest: ac si vellet pronūtiare Hipp. dum materia è parte in partem defluit per contrariam esse euacuandam: vocatur autem illa sanguinis missio, reuulsio. In qua non tantum seruanda est oppositio partis: sed rectitudo, & vasorum

communicatio: Oppositio enim facit, vt ad longinquam partē trahatur materia morbifica, quo autem longius abest, eo minus lædit: Rectitudo verò, vt celerius educatur quia recta linea est breuissima, communicatio autem vasorum præstat, vt euacuari possit. Idem potest confirmari aliis Aph. nempe 11. lib. 6. melancholicis & nephriticis hæmorrhoides superuenientes bonæ sunt, hæmorrhoides namque fluentes purgāt materiā melācholici morbi & nephritis: Quare Medicus imitator naturæ, in illis morbis aperiet venas inferiores, saphe- nam & malleoli: item 21. lib. 6. Insanis si varices, vel hæmorrhoides superuenerint insanix sit solutio: quæ omnia pertinent ad reuulsionē. Nam cum insania fiat raptis ad cerebrum calidis siccis & acrioribus humoribus, secta vena in partibus inferioribus, ad naturæ imitationem morbi curatio sequitur. Quare hi Aph. sub propositionibus specificis continent exempla reuulsionis, & prognostica morborum descriptorum.

Parte capitis posteriore laboranti in frontem recta excurrentis vena incisa prodest. 8. lib. 5.

VNde patet per cōtrariam partem esse euacuandum, dum materia è parte in partem prolabitur, vocatur autem illa sanguinis detractio, reuulsio: in qua non tantum seruanda est oppositio partis: sed rectitudo, & vasorum communicatio: oppositio enim facit, vt ad longinquam

IN APHORIS. HIP. 49

quam partem trahatur materia morbifica
quò autem longius abest eo minimè lædit
rectitudo, vt celerius educatur, quia recta
linea est breuissima: communicatio autem
vasorum præstat vt euacuari possit mate-
ria: idem potest confirmari aliis Aphorif.

*Melancholicis, & nephriticis, hæmorrhoides su-
peruenientes, bono sunt. II. 6.*

Hæmorrhoides námque fluētes, pur-
gant materiam melancholici morbi,
& nephritici: quare Medicus in his
morbis imitator naturæ aperiet venas in-
feriores, saphenam, & maleoli.

*Insanis si varices, vel hæmorrhoides superue-
niant, insanie solutio. 21. 6.*

Quæ omnia pertinet ad reuulsionem:
nā cum insania fiat raptis ad cere-
brum calidis, siccis, & acrioribus
humoribus, secta vena in partibus inferio-
ribus, ad naturæ imitationem morbi cura-
tio sequitur.

*Difficultatem urine phlebotomia soluit: secare
verò interiores conuenit. 36. 6.*

Pertinet hic Aphorismus ad reuulsio-
nem, iuuat siquidem euacuatio facta
per partem proximam, quæ communi-
tatem habet vasorum, cum parte affecta,
inquit ergo Hipp. in peculiari exemplo si

E

50 IACOB. FONTAN.

difficultas urinae sit nata ab inflammatio-
ne vesicae, Phlebotomia eam soluit: siqui-
dem venae secantur interiores tibiaram, ad
educendam materiam inflammationis per
partem proximam vasis communicantem
cum parte affecta, ut ex anatome patet: Ve-
rum si adsit magna Plethora in toto cor-
pore, utilissimum est primo secare venam
basilicam dextri brachij, per reuulsionem,
deinde venam saphenam, aut malleoli in-
terni per derivationem.

*Mulieris sanguinem vomenti mensstruis erumpen-
tibus, solutio fit. 32. 5.*

AD reuulsionem pertinet hic Apho-
rismus.

*Si fluxum muliebrem sistere cupias, cucurbitulam
quam maximam sub mammis adhibe.*

Eodem spectat hic Aph. 50. 5.

*Quibus venae sectio, aut purgatio prodest, his
verè secanda vena est. 47. 6.*

TEmpus designatur sanguinis missio-
nis, ad morborum praecautioem. so-
lent enim multi reuersiuis & anniuersariis
morbis affligi aestate praesertim, quibus ad
praecautioem detrahendus est sanguis
aut catharticum praebendum: Quo autem
tempore id debeat fieri, explicat hoc Aph.
quibus inquit sanguinis missio, aut medica-
mentam purgans confert ad praecautio-
nem, nimirum iis verno tempore illa sunt

IN APHORIS. HIP.

administranda: nam ut sanguis detrahi possit requiruntur vires, atqui vere illæ constant: nam cum ver sit temperatum, & minimè exitiosum ex Hipp. Aph. 9. lib. 3. vires corporis augeat, in eoque plurimum sanguinis gignitur. Ergo vere commodè mittitur sanguis. Ut vero purgentur humores oportet habere naturam faultricem. Atqui vere humores liquefcunt à tepido, & moderato calore, corporaque fluida redduntur. At ex Hipp. Aph. 10. lib. 2. corpora ubi quispiam purgare voluerit facere fluida oportet: cum ergo naturæ, & temporis clementia fiant corpora fluida: tunc erunt purganda, & aliquâdo utrumque præstandum, purgandum scilicet, & sanguis detrahendus: habenda est autem ratio naturæ humorum in tempore purgationis, & temporis reuerfionis morbi; nam si corpus scateat humoribus crassis & frigidis, initio veris sunt purgandi, nisi enim eo tempore purgentur veris tepore funderentur, parentque morbos aliquos, descriptos Aph. 20. lib. 3. si fuerint biliosi in fine veris educendi, ne in principio æstatis incendium concipiant: ratione temporis, siquidem morbus soleat redire initio veris, paulo ante euacuabimus materiam morbi futuri: atque ita faciendum in cæteris præripiendo humores, qui morbi futuri causa essent. Si quis autem quærat, num alijs tempestatibus liceat ad præcautionem euacuare. Respondeo licere, ut autumno, & alijs: sed Hipp. verba fecisse de tempore commo-

E ij

diori, ad id præstandum, verum Hip. nullo tempore præscripsit tempus sanguinis detrahendi, in morbis genitis & præsertim acutis? præfinit quidē: nam Aph. 29. lib. 2. scribit, cum morbi incipiunt, si quid videtur mouendum moue: cum verò consistunt & vigent quiescere melius est.

Cum morbi inchoant si quid videtur mouendum, moue: cum verò consistunt & vigent quiescere melius est. 29. 2.

Hic Aphorismus intelligendus est de omni euacuatione, ita vt familiare sit Hip. vsurpare verbum mouere pro euacuare, ratio autem Aphorismi hæc est: cum ad purgandum corpora, & sanguinem detrahendum sit opus virium robore: in principio vires sunt robustæ, licet aliquando oppressæ, quare in principio, si quid mouendum videtur moue, videri autem potest medico, cum adsint indicationes mouendi, vt si plethora adfuerit, sanguinem detrahare oportet, si adfit orgasmus humorum in principio morbi acuti, purgare est necessarium.

Circa initia & finem morborum remissiora sunt omnia, in vigore vehementiora. 30. 2.

IN principio ergo, cum natura molestat grauioribus symptomatis feret facile euacuationem, in statu non item.



DE PURGATIONE, ET EA QUÆ AD PUR- gationem spectant.

*Corpora, ubi quisquam purgare voluerit, fluida
faciat oportet. 10. 2.*



Hæc sententia pertinet ad hu-
morum præparationem, ante-
quam purgetur: Ita vt flui-
da facere corpora, nihil
aliud sit, quam præparare
humores, & aptos reddere ad purgandum.
Fit autem hæc præparatio imitatione natu-
ræ, nam Hippocrates Aph. 22. 1. scribit, quæ
matura coctæq; sunt medicamēto purgare
ducere, ac mouere oportet: non cruda, nec
per initia morborum, quare Medicus mi-
nister naturæ debet, etiam præparare hu-
mores, antequam purget. Quæritur verò,
num hæc propositio sit semper obseruan-
da. Respondet Hipp. eodem Aph. nisi hu-
mores orgasmum habeant, & turgeant,
quod perrarè fieri solet, extra orgasmum
ergo sunt humores præparandi. vt quidem
sponte natura nunquam molitur purgatio-
nes, nisi humores coxerit. Ita Medicus
nunquam debet arte curationem institue-
re, nisi præparauerit humores purgandos,
præparatio verò sit secundum dispositio-

E iij

nem materiae per contraria, siquidē crassa sit & viscida attenuanda, & incidenda: si verò tenuis fuerit incrassanda, nne tenuis semper incrassanda? respondeo, si ducenda per aluū, aut vomitu reiicienda, facilius tenuis, quam crassa purgatur, si tussi, incrassari debet: nam tenue sputum difficile expectoratur, quod eludat ictum spiritus impellētis, diuiditur namque, & ita pellenti cedit.

Concocta medicari, non cruda, neque in principiis, modo non turgent: plurima vero non turgent. 2.2.1.

Praescribit tempus purgationis, nempe, quo tempore humores peccantes sunt cocti, quorum coctio dignoscitur, ab excretorū coctione, urinae, faecum, & aliorum: nam si cruda educere tentet medicus, commouebit tormina ventris, cardialgias, propterea quod crudi humores agitantur à medicamēto purgante, nec purgantur propter eorum crassitē, & visciditatem: audienda tamen distinctio crudi, quae scribitur à Galen. Comment. in sententiam primam lib. 2. de humoribus. crudum dicitur excrementum, quod à natura victū non est, atque illud duplex censetur, vnum tenue, aquosum, & liquidum: alterum crassum, & glutinosum. Crudum primi generis, non inspectata coctione vacuandum, nam si biliosum extiterit periculum est, ne calore, incendium, & acrimoniam acquirat, si pituitosum, quia facilē

trahitur, educendum. Cruda vero crassa & viscida non sunt purganda. Nam debiles non sunt purgandi. Ad euacuationē namque requiritur virium robur: at cum humorum crudorum copia, nunquam robur coniungitur, tales autem sunt crassi & visciidi, ergo non sunt purgandi. Quæ ratio sequenda est, vbi nullum impendet periculum suffocationis aut decubitus humorum in partes corporis, à nimia repletionē crudorum & viscidorum humorum: sin verò metus sit suffocationis, aut decubitus, satius est ad salutem ægri, illum pati symptomata dicta, à purgante medicamento, quam suffocari, aut pati, quæ à decubitu illorum in partes varias orirentur: maius namque malum est euitandum: at si humores turgeant, & orgasmum habeant, id est, impellantur è parte in partem, quærentes exitum: aut à partium expultrice agitati tunc, ne in partem principem ruant de repente sunt purgandi. Raro autem turgere scribit: quare in principio acutorum morborum, raro purgandum censet: his temporibus, in more positum est, in principio, & incremento morborum acutorum purgare ægros, quod multa colluie humorum scateant, & benigna sint quæ præscribuntur medicamenta, quibus Hippocrates carebat.

Medicari in valde acutis, si materia turget, eadem die, tardare autem in talibus malum est.
10.4.

A Cuti morbi dicuntur, qui celeriter, continenter & cum periculo mouentur, qui sunt, aut cum febre, aut sine febre, vt Apoplexia, tetanus à repletionem natus: in illis cum adfit calidorum, & siccorum humorum copia, nisi turgeant non sunt purgandi, quod purgantia medicamenta, fere sint calida sicca, a quibus magis calefiunt, & siccantur, raro ergo per initia purgantibus medicamentis vtendum, aut si his vti sit necesse, oportet ea adesse, quæ indicent purgationem, vt virium robur, humorum orgasmum, aut ita tenues sint humores, vt facile duci possint & expurgari, in acutis verò ex materia frigida repente natis, citra orgasmum purgare cōuenit, vt in Apoplexia, metu suffocationis, & extinctione caloris innati, tum decubitus humoris illius frigidi in membra, vnde Paralysis solet succedere Apoplexiæ. Ex hoc Aphorif. intelligitur facile 10. Apho. lib. 4.

PUGNANDVM IN VALDE ACVTIS
SI AD SVI EXCRETIONEM INVITET MATERIA EODEM IPSO DIE,
DIFFERRE ENIM IN TALIBVS MALVM EST. Quod periculum sit, ne materia turgescens feratur in partem aliquam mobilem, in qua grauem suscitetur morbum.

Sudor multus ex somno factus, absque causa manifesta corpus uti pluri cibo significat. Si verò parcus epulanti id eveniat, quod vacuatione indiget corpus, ostendit. 41. 4.

NAm cum copia sudoris per somnū sine manifesta causa nascatur, aut à copia cibi, aut humorum, ut patet ex Aph. Si quis frugaliter, & parcus vivat, nihilominus, per somnū sudores emittat multos, onustus est humorum copia, à quibus indicatur purgatio, qui namque morbi à repletionem oriuntur, evacuatione curantur: Sudor vero sine causa manifesta dicitur exire, quando oritur præter exercitium aut medicamentum sumptum, quod sua natura sudores promoveat.

Utero gerentes sunt medicande, si materia turget, quarto mense, & usque ad septimum: sed hæminus: à iuniore autem factu & seniore abstinere oportet. 1. 4.

HOc Aph. Hip. designat tempus commodius purgationis, prænantium nimirum à 4. mense ad 7. usque, in eo enim tempore minus timetur abortus, quam in reliquis, nam ut explicat Gal. lib. de formatione fœtus, ligamenta quæ sustinent fœtum, sunt ita tenera ac mollia, ut facile rumperentur, excutereturq; fœtus, A quarto autem mense ad septimum, illa sunt mediæ substantiæ, nec ita facile dilaceran-

tur. In eo ergo tempore licebit medico tutius purgare: Sed Hipp. apponit, si materia turgeat, ex qua particula quidam interpretantur Hipp. dixisse prægnantem purgandam cū morbo acuto laborat, qui morbus in prægnante ex Aph. 30 lib. 5. lethalis est, in superioribus autem explicauimus in morbis acutis non esse in principio purgandum, nisi materia turgeat: at materia turget, non solum in morbis acutis, verum aliquando in statu neutro decidētiae. quando præsentuntur dolores vagi, & motus humorum è partibus in partes, quare Aphorismus intelligendus de utroque statu. Quæritur, num extra illud tempus præfinitum liceat purgare prægnantes in morbo acuto. aut extra morbum acutum. Respōdemus ex positis, mulieres grauidas morbo acuto correptas lethaliter laborare, Atqui extremis morbis, extrema debentur remedia, quæ sunt potissimum purgatio, & sanguinis missio. Ergo purgandæ extra illa tempora. Opponunt abortum futurum in primis & postremis temporibus: respondemus primo ea esse præbenda medicamenta, quæ parum corpus exagitent, vt Rheubarbarum, mannam, tamarindos, & similia. 2. si mater sit interitura vix à periculo mortis fœtus liberabitur. Satiùs est ergo potiorē habere rationem matris, quam fœtus præsertim cum eodem tempore possimus & fœtui suppetias ferre per vnguenta, linimenta, apposita, & alia remedia. Ergo grauidas purgabimus primis &

postremis mensibus, si adfuerit purgationis indicatio, cum benignis medicamentis. fœtui interim opitulandum. Petitur præterea num extra orgasmum liceat grauidas purgare. Respondemus posse, si quidem adfuerit cacoehymia, præparata prius materia peccante, & præsertim in illis, quæ solent epilepticos fœtus aut graui morbo affectos parere: adhibenda tamen est maxima cautio in illis quæ solent certis temporibus abortum pati, ut vitemus illa tempora.

Menses breues decolores, nec eodem semper modo, & tempore prodeuntes, purgationem indicant esse necessariam. 36. 5.

Menses sua natura fiunt ex puriori sanguine, victimæ recens mactatæ simili, qui si decolores extiterint, significant alium à sanguine humorem redundare in corpore, nimirum pituitam si albicantes, bilem si flauis, atram bilem, si atris fuerint. Vnde capitur indicatio redundantis cacoehymia proindeque purgationis. Pari casu, si menses eodem modo & tempore non fluant, quo solent naturaliter, nimirum semel singulis mensibus. & quantitate consueta, humorum diuersam constitutionem à naturali dispositione demonstrant, proindeque purgationem molendam, unde patet veritas Aphorismi.

Si leucophlegmatia detento, fortis diarrhoea superuenerit, morbum soluit. 29.7.

Medicus ita in ea specie hydropis quæ fit à pituita totum habitum corporis occupante, imitatione naturæ debet purgare pituitam frequenter, & satis forti medicamento. Verum metiendæ sunt vires, siquidem extiterint robustæ, fortis diarrhoea, id est profluuium ventris pituitosum sanat: si verò effœtæ langueant interimit. Caueat ergo Medicus, ne in debilitate virium purgationem illam instituat. Hic ergo Aphorismus est curatiuus, & prognosticus, primo enim docemur in leucophlegmatia constantibus viribus, debere nos purgare frequenter pituitam vt curemus 2. docet prædicere quid futurum sit ex diarrhœa nata in leucophlegmatia, nimirum, si vires sint robustæ sanatum iri ægrum, sin debiles moriturum.

Quæ educere oportet quo maxime vergere videbuntur ducito, vijs ac locis utiliter eò ferentibus. 21.1.

Admonet Medicum, vt purgãdo sequatur inclinationem humorum, si loca sint commoda, nam Medicus est imitator naturæ: hæc vero sententia interpretatione eget. Nam inclinatio humorum, aut est symptomatrica, aut critica. Critica omnis excretio perfecta relinquenda,

Nam scribit Hip. Aph. 20. lib. 1. quæ iudicantur, & iudicata sunt integrè, nec mouere, nec aliud quidquam nouare, vel medicamentis, vel aliis irritamentis, sed sinere oportet. Imperfecta vero crisis iuuanda: ea de causa Hipp. Methonis caput fouit aqua tepida, cum natura per hæmorrhagiam pigrè mouisset excretionem: si inclinatio sit symptomatica, nec iuuat, sistenda. Hæc distinctio continetur Aphorismo 2. libri 4. inquit enim purgantium medicamentorum vsu, talia è corpore ducere oportet, qualia etiam prodeuntia iuuant, contrario vero modo exeuntia sistenda: iuuant vero quæ cocta, & criticè expelluntur, quæ verò contrario modo exeunt symptomatica habentur, & sistenda sunt, si non profint: nam quorum excretio prodest, iuuanda, etiam si fuerit symptomatica: vt quæ excernuntur ab irritatione: in qua fluxus fluxu curatur, quæ vero exeunt propter debilitatem facultatis retentricis sunt sistenda, ne exoluatur penitus natura. Loca vero commoda sunt ea per quæ natura commodè solet sese humoribus prauis exonerare, per vomitum, per secessum, per vrinas, per nares, per palatum, ac alias partes per quas ad naturæ imitationem, debet Medicus humores noxios educere, nisi pars illa, per quam imitatione naturæ ducere debet, sit debilis, & læsa; lien purgatur per renes, arteriarum beneficio, aut per intestina per venas meseraicas. Hoc posito, si in renibus, aut intestinis extiterit vlcus, vel inflammatio, non

ducemus, quæ sunt in liene per ea loca, sed vomitu per ventriculum, per vas illud breue: quod à liene fertur in ventriculū: atque ita in cæteris, quare consilio Hip. 15. sect. 6. Epid. ea quæ cō repunt, quo non est vtile ferri, reuellere oportet, sin quo conuenit, iis vias parare, vt singula eo ferantur, quo conducibile.

Æstate quidem superiorem magis ventrem, hyeme autem inferiorem purgare conuenit. 4. 4.

Non erat satis Hip. superiori Aphorif. pronunciaſſe quæ ducenda sunt ducere, quo magis vergere videtur, per loca commoda, niſi peculiariter designaſſet loca per quæ purgare oportet indicatione ducta à variis rebus. Capta ergo prima indicatione à tempeſtate anni, inquit, æſtate purgandum eſſe ſuperiorē ventrem, nempe per vomitum: hyeme vero inferiorem per ſeceſſum. Per ſuperiorē ventrem non intelligit more anatomistarum caput, ſed œſophagum, & oriſcium ſuperius ventriculi, ad quem bilis æſtate genita ſua leuitate aſcendit: per inferiorem vero fundum vētriculi, & inteſtina, in quibus ſtabulatur pituita hyeme producta. Loca autem commoda ſunt propinquiora, per quæ, vt diximus, natura ſolet purgationes moliri: atqui œſophagus, & oriſcium ſuperius ventriculi ſunt propinquiōres ori, quam ano, ergo per vomitum excludatur oportet, materia bilioſa, in illis contenta,

IN APHORIS. HIP. 63

quæ verò in inferiori, per secessum: id confirmari potest, ex eo quod in morbis biliosis, vt febre tertiana & aliis, Natura per vomitum vt plurimum moliatur excretionem, in pituitosis, & melancholicis per secessum, debet autem intelligi hic Aph. de regionib. calidiorib.

Sub canicula & ante caniculam difficiles, ac molestæ sunt purgationes. 5. 4.

Caniculares dies incipiunt 29. Iulij ad 3. septembris, hoc autem fit propter debilitatem naturæ ab æstu dissipatæ, & potissimum si purgationes constent vehementioribus medicamentis.

Graciles & ad vomendum faciles, per superiora purgare conuenit, nisi hyems adsit. 6. 4.

Dicitur indicatio loci per quem purgare oportet, à corporis habitu, & facilitate expurgandi: per graciles intelliguntur natura macilentia non morbo, aut alio accidente, qui natura sint biliosi propter calorem & siccitatē iecoris, proindeque reliquarum partium: à bilioso aut sanguine amaro, male nutritur corpus, unde macies, nutritionis diminutione: tum facile dissipatur alimentum tenue, per poros quos habent apertos: ex eo etiam contingit, vt venæ calore dilatatæ priuatione carniū apparentes, in illis intumescant: ad vomendum verò illi faciles

sunt, qui ventriculo sunt calido, thorace amplo, & collo, tum qui vomere sæpius consueverunt, calidus namque ventriculus multum accumulat bilis attrahendo: thoracis amplitudo, & colli non reluctantur materiæ per œsophagum in vomitu ascendenti: consuetudo autem facit, vt facilius euomant. hyeme verò incommodus est vomitus, propter rationem iam dictam.

Ægre vomentes, & modice carnosos, quos eusarcos appellant Græci, infer, ne purgato, denitans æstatem. 7. 4.

Aliud est egre vomere particulari partium constitutione, & conformatione, nimirum thoracis angustia, & colli, aliud vomere periculose, & cum damno, vt qui sunt capite debili, quod vomitu illud repleatur, qui reiicere solent sanguinem è pectore, & ventriculo, agitatione namque aperiuntur venæ, vnde sanguinem effundunt. Item tussiculosi tabi obnoxij & Anginæ quibus omnibus est incōmodus vomitus, hi ergo cum ex vomitu damnis augeri soleant: ad vomendum non sunt prouocandi: præterea qui sunt mediocriter carnosii, quos purgandos diximus per inferiora ob copiam pituitosi humoris, quo abundant, euitare tamen æstatem oportet: quod tunc temporis bilis dominans sursum feratur, licet in regionibus frigidis, & paulo moderatioribus, hæc non obseruentur, vt scribit doctissimus Holerius.

Tabi

*Tabi obnoxios per inferiora, cauentes superio-
ra. 8. 4.*

QVorum natura & peculiaris partium conformatio vergit ad tabem, per vomitum non sunt purgandi: Tales autem sunt, qui collo sunt oblongo, capite grandi, pectore breui & angusto, humeris elatis, quos pterygodes appellat Hipp. hi namque tali sunt partium cōstitutione, vt è cerebro excrementis redundante ad perpendiculum cadat humor in pulmonem, ex quo fit, vt pulmo exulceretur: & tabes vlceri succedat: per vomitum autem repletur caput, exagitantur pulmones compressi pectoris angustia, vnde alterantur & debiliores redduntur, proindeque defluxionibus magis obnoxij fiunt.

Melancholicos autem vehementius per inferiora purgabis: eadem ratione contrariam iniens vacuandi viam. 9. 4.

Per melancholicos intelligit humore melancholico, & atrabilario redundantes, quorum humores, cum crassi sint per inferiora purgandi erunt, vt demonstratum fuit. Quæritur vero num vehementi medicamento sit purgandus humor melanch. Respond. concocta oportet medicari non cruda ex Hip. crassi humores melancholici sunt crudi: ergo coquendi, quare in primo vehemēti medicamēto non

sunt purgandi: ad hæc cum cruditate vi-
rium robur nunquam coniungitur. Ad
magnam vero purgationem opus est vi-
rium robore. Ergo vehementi medica-
mento educi non debet. Item experientia
constat in febre quartana simplici per pur-
gationes violentas effectum esse, vt ex
vna simplici duplex quartana, aut triplex
producta sit. In partem contrariam addu-
cuntur argumenta non pauca, cum enim
melancholicus humor sit crassus & con-
tumax, nō potest è corpore educi, à leuio-
ribus medicamentis, deinde Hipp. lib. de ve-
ratto ad Democritum helleboro melan-
cholicos putgandos censet, & Galenus
Comment. In 47. Apho. lib. 6. Mulierem
melancholicam & tumorem cancrum in
mammilla patientem, forti atque frequen-
ti medicamento vtiliter se purgasse scribit.
Ex quibus sequitur melancholicos vehe-
mentioribus medicamentis esse purgan-
dos. Ad conciliandas has differentes pro-
positiones, Respondemus Hipp. & Gal. in-
tellexisse purgandos esse vehementi medi-
camento humores melancholicos præpa-
ratos, Hipp. namque & Galenus nunquam
sibi contradicunt.

*Quorum alui intestinorum leuitate laborant, hy-
berno tēpore per superiora purgari malū. 12. 4.*

Interia fluxus est ventris in quo es-
culenta, & poculenta cruda, vt come-
sta sunt: deiciuntur ob ventriculi re-

ventricem penitus prostratam, propter frigidam intemperiem ventriculi, aut exulcerationem superficialiariam, ab humore acri-
 natam, ut in aphtis solet fieri: aut saniem ab ulcere profectam qua irritatur expul-
 trix ventriculi facultas, in ea ventriculi af-
 fectione à quacunque causa exorta sit, Hip. pronunciat malum esse purgare hyeme per
 superiora. Verum quādo intemperies cum humore frigido causa est lienteriae faci-
 lius est, & conuenientius purgare per vo-
 mitū, duabus rationibus: primo quod iter sit breuius à ventriculo ad os, quam à ven-
 triculo ad anum: secundo quoniam vomitus in hoc affectu faciat ad reuulsionem, quæ supprimendo fluxui videtur maximè accommodata: Respondet Hollerius, vera esse hæc argumenta de particulari purgatione, non de vniuersali: vocat, meo iudicio, purgationem vniuersalem, quando talis pituita è toto corpore descendit in ventriculū, cui expurgandæ secessus aptior est vomitu, præsertim, cum pituitæ copia satis magna contineatur in intestinis, nihil potest per vomitus euacuari, ex Gal. in Comment. huius Aph. Purgatio autē ventriculi particularis est, quando solus ventriculus scatet pituitosa materia, quæ ponderosa hyeme præsertim per inferiora purgari indicat. In aphtis vero, & exulceratione ventriculi non est vomitus accommodatus, quod partibus exulceratis sit maximè noxia exagitatio, quæ leui cathartico detergēdo euacuabimus, per inferiora,

præsertim hyeme: vnde constat veritas
huius Aphorismi.

*Non febricitati cibi fastidium, cordis dolor, ver-
tigo tenebrosa, & oris amaritudo, purgatio-
ne per superiora opus esse significant. 17. 4.*

HÆc omnia signa, sunt indicia ventri-
culi malè affecti ab humoribus bilio-
sis, qui in eo continentur, à quibus cibi fa-
stidium, cordis dolor ab acrimonia, & ro-
sione, in superiore ventriculo suscitatur.
Vertigo vero, à vaporibus è ventriculo ad
cerebrum elatis, oris amaritudo, ab humo-
ribus biliosis ascendentibus à vètriculo ad
os per tunicam interiorem, linguam inuc-
stientem, hæc verò indicare purgationem
per superiora probatur hoc modo. Humo-
res biliosi sua leuitate sursum tendentes,
vomitu sunt purgandi: atqui illa omnia ostē-
dunt bilis dominiū in ventriculo: ergo per
superiora purgationē fieri debere demon-
strāt: maior probatur, ex theoremate prio-
ri: Quæ ducere oportet quo maximè ver-
gere videtur, &c. Probatur etiam ex euen-
tu, & experientia: quod licet hoc modo
affectis præbeamus medicamentum deie-
ctorium, tamem vomitus excitabitur, pro-
pter humores biliosos in ventriculo re-
dundantes, in purgatione vero vniuersali
licebit forsan vti deiectoriis propter ratio-
nem explicatam, in affectis febre biliosa,
idem licet præstare.

*Dolores supra septum transversum, quicumque
egent purgatione medicari per superiora oportet,
qui vero infra, per inferiora. 18.4.*

TOta difficultas huius Aph. consistit in his dictionibus supra, & infra septum transversum, siquidem supra septum transversum existunt partes, pectore conclusæ, pulmones, & cor, tum cerebrum, & quæ interfacent partes: infra verò, partes ventris inferioris, ventriculus, intestina, iecur, lien, renes, vesica, & vterus in mulieribus. Atqui in superioribus asseruimus, humores biliosos in ventriculo contentos, vomitu esse purgandos, qui tamen est infra septum transversum: Puto ego Hip. voluisse septo transverso separare partes superiores ab inferioribus: & merito propter breuitatem Aphorismi, & quod nulla sit aptior ad distinguendas illas partes inter se, diaphragmate ipso: nam perfectè diuidit vnā partem corporis ab alia, nullaque est, quæ proximior existat, mediæ corporis parti: Quare iure significauit, distinctionem partium superiorum, ab inferis, per septum transversum. Ac si diceret, partes, quæ magis accedunt & sua conformatione vergunt ad superiorem partem corporis, per vomitum debent expurgari, si cætera consentiant: vt ventriculus, & pulmones. Quæ verò ad inferiorem partem, per secessum, Quæritur verò, quid intelligat per dolores. Explicat, cum dicit eos, qui

purgatione egent: Tales autem sunt, qui nascuntur ab humoribus, multa quantitate collectis, & per solam euacuationē educendis, nam si fiat euacuatio, per reuulsionem, modo contrario est purgandum, scilicet in dolore renum vacuabimus vomitu. In phthisicos metu, per secessum.

Non febricitantibus, si tormina acciderint, & genuum grauitas, & lumborum dolor, purgari per inferiora oportere significatur 20.4.

Hipp. in epistola de hellebore purgatione ad Democritum addit, Et si menses ægre prodeant: cum autem hæ omnes partes sint infra septum transuersum, ex superiore Aph. per inferiora purgari est necesse. Cæterum tormina nascuntur, aut à flatu intestina distendente, vel ab acri humore intestina erodente. Genuum grauitas proficiscitur, à decubitu humorum è venis in eas partes, vt & lumborum dolor: menses vero suppressi indicant purgationem, per inferiora. Nam, licet illa purgatio, quodammodo deriuat, tamen ad loca promouet, per quæ fieri solet menstruum euacuatio.

Longo alui profluuio laboranti spontaneus vomitus superueniens, morbum soluit. 15.6.

VT in sanguinis missione vacuatio fit per varias partes, prout reuulsio facienda est, aut deriuatio: ita & in

IN APHORIS. HIP. 71

purgatione. hic Aphorismus exemplum complectitur reuulsionis, quæ fieri debet per partem remotissimam, directè oppositam, & consentientem.

Ophthalmia laborantem, alui profluvio corripere bonum. 17. 6.

Pertinet ad reuulsivam purgationē hic Aph. ut quemadmodum natura alui profluvio ophthalmiam sanat Ita Medicus purgatione deiectionis, ei remedium afferat.

Quibus biliosa sunt deiectiones, hæc superveniente surditate cessant, & contra. 28. 4.

Eodem spectat hic Aphor. quo superior: vomitus namque præstat reuulsionem in profluvio ventris. Medici censent, in hac imitatione naturæ, vomitum excitandum in diuturno non in recenti, quod agitetur materia, in recenti, nec perfectè reuellatur. Quādo autem maiori ex parte est purgata: tunc vomitus multum prodesse potest: ad reuulsionem in homine ad vomendum apto.

Erysipelas foris intro malum intro foris bonum. 29. 6.

Intus & foris sunt adverbium differentias sitas contrarias significantia: Inter quas fit reuulsio. In specifico autem erysi-

latis exemplo genericas propositiones intellexit, nimirum omnem motum humorum à partibus internis nobilioribus ad partes externas esse laudabilem: contra vero omnē motum, à partibus externis ad internas nobiles, malum est. per quas propositiones significatur medico, ne purgando aut sanguinem mittendo reuocet humores intro, qui sponte ferebatur ad superficiem. Illi enim ad eam artificio compelli debent: vel attrahi, vt in peste, bubone venereo, parotidibus & aliis.

Qui ad veratrum non facile supra purgantur, eorum corpora ante potionem copiosiore alimento, & quiete præhumectanda. 13. 4.

Hoc Aph. docet Hipp. in quibus adest indicatio purgandi per vomitum, siquidem coniicimus eos difficile vomituros, oportet eorum corpora præparare humectando. Nam humida corpora facilius obsequuntur medicamentis quam sicca, nomine autē hellebori intelligit omne medicamentum violentum, cuius violentia ventriculus excitatur ad excernendum per partes superiores, qualia sunt elaterium, antimonium, mercurij pulvis, quibus in perniciem ægrorum paracelsistæ empyrici carnifices vtuntur.

Pado

Poto helleboro, corpus mouendum potius, quam somno, aut quieti tradendum. Nam vel nauigatio indicat motione turbari corpora. 14. 4.

A Ph. superiori positum fuit hellebori sumptione, id est, violentorū medicamentorum acrimonia, vomitum cōcitari. cum ergo propositū est medico vomitū excitare, oportet mouere corpora deambulatione, aut alio exercitio, quod præcipit sequenti Aph. 15. lib. 4.

Cum helleborum magis mouere voles, moue corpus: cum verò sistere, somnum concilia, nec moue. 15. 4.

P Robat autem motu, cōcitari vomitum per effectus nauigationis: qui enim nauigio sese commiserunt, præsertim maritimo, propter agitationem corporis multa euomunt, vt experientia certum est. Nam motu humores attenuantur liquefcunt, & commouentur, in vētriculo, ex quo excitatur ventriculus ad excludendos illos. præceptum itaque sit generale, quoties sumpto medicamento, vomitum concitare fuerit in votis, oportet mouere corpora: neque tamen prodest solum ad vomendum motus corporis, sed & ad deiciendum: quādo verò volumus prohibere vomitum, quietem & somnū imperamus, non neglectis aliis remediis. quæ vim habent vomitum coercendi.

G

In vomitionibus sponte factis, & perturbationibus ventris: si talia purgentur, qualia purgari oportet, confert, & leuiter ferunt: sin minus contra: sic, & vasorum inanitio: si talis fiat, qualis fieri debet confert, & bene tolerant, sin minus contra accidit proinde & regionis, & temporis, & etatis & morborum habenda est ratio, pro quibus talia vacuari conueniat necne. 2. 1.

DOcet Hipp. hoc Aph. imitatione excretionum sponte ortarum, vt talia purget medicus qualia oportet: vt enim in illis, si talia purgentur, qualia oportet, cōfert & facile ferunt quod ablatio causæ morbificæ sit agroto conducibilis sin minus contra. Id est, si purgentur humores boni, relictis malis intus, in corpore, qui sunt causa morbi, non confert, nec facile ferunt: quia grauioribus symptomatis exercentur agri: non possunt autem medici, educere qualia oportet, nisi norint humores peccantes, signis propriis, & medicamenta norint quæ proprietate sua trahant tales humores: præceptum ergo Hipp. erit, vt Medicus nitatur ante purgationem cognoscere humores peccantes, morbos efficientes, & medicamenta quibus educantur: Siquidem talia præstiterit, eius purgatio conferet, quia auferetur materia, & causa morbi, & facile feret, quia symptomata quiescent, aut saltem imminuentur. Quod si medici imperitia

IN APHORIS. HIP. 75

contigerit, vt talia non purgentur, qualia oportet: non feret facilè æger: sed peius habebit: verum cum morbi ingrauescant vsque ad statum, crescântque proinde symptomata, facile ferre, & conferre non erunt vera indicia purgationis ex arte institutæ: respondeo post purgationem rectè præscriptam æger melius habebit, quam antea: nihil vetat tamen, post purgationē incrementum symptomata: quia natura ea sit morborum & corporum, non purgationis vitium.

Quæ vacuantur, multitudine metienda non sunt: sed si quæ oportet vacuentur, & facilè ferant: atque ubi ad animi deliquium facere conueniē faciendum, si ægrotus par esse possit. 23 l.

Hic Aphorismus intelligēdus, de omni euacuatione sed præsertim de purgatione: in sanguine enim detrahendo, nō aduertimus qualitatem, sed copiam: In purgando verò maior habetur ratio qualitatis, quam quantitatis: nam purgatio est euacuatio humorum qualitate peccantium: Ignari tamen falso imaginantur, & credunt se imperfectè purgari, nisi magna copia euacuetur, quorum opinioni plurimī obsequentes, violenta probant medicamenta: melius consulentes propriæ æstimationi & crumenæ quam ægrorum salutis: Sequamur ergo Hip. edictum in purgādo, & non metiamur euacuationes quantitate: sed potius qualitate, vt diximus in super-

G ij

riori Aph. non est tamen negligēda quantitas. Nam magnæ humorum copię ampla debetur euacuatio : potior tamen est ratio qualitatis quam quantitatis : nam exigua purgatio potest iterari , damnū verò quod cōtingit ex errore qualitatis, nequit resarciri. cætera fuere explicata.

Qui potionē medica, dum purgantur, non sitiunt, ipsorum purgandi finis non sit, donec sitiuerint. 19. 4.

Intelligendus est Aphorismus de purgatione eorum, qui ante quam purgarentur, non sieiebant, & qui purgantur medicamento moderato, sitim minime excitante, quia quando purgatur cum his cōditionibus eorum purgatio debet prorogari, quousque sitiant : sitis namque superueniens purgationi, signum est perfectē purgatum esse corpus: contingit verò illa sitis ob humiditatem vētriculi exhaustam, à qua siccitas introducta, sitim commouet.

Qui salubritate corporum sunt præditi, hi purgantē hausto medicamento statim deficiunt, ut, & qui prauo utuntur alimento. 36. 2.

Prima pars huius Aphorismi in sequenti perfectius exprimitur : cum scribit Hip. *Qui integra sunt corporis valetudine medicationes molestē ferunt.* Quæ autem medicamenta, & purgationes intelligat Hipp explicat 16. Aph. 4. lib. cum scribit hellebo.

rus periculosus, sanas carnes habentibus, quippe convulsionem efficit. Ergo intelligit de medicamentis violentioribus, quæ habent vim, exolutionem, & lypothymiam producendi, aut convulsionem: Præcipitur ergo, ne sanis violenta exhibeamus medicamenta: bene valentibus enim non est opus medicina, & præsertim violenta. Nam cum medicamenti facultas sit attrahere humores depravatos, si nulli extiterint in corpore, ut non sunt in corpore perfectè sano, medicamentum illud exeret suas vires in partes sanas solidas, in quibus efficiet colliquationem & exolutionem per spiritus dissipatos, aut convulsionem, à siccitate, propter nimiam purgationem: neque etiam ea violenta cathartica sunt præbenda iis, qui pravo utuntur alimento: In illis namque adest penuria caloris nativi propter cacochymiam, ex quo facile exoluuntur, tum vapores corrupti ad orificium superioris ventriculi elati pariunt syncopen: denique mordacitate sua, persæpe dolores tantos pariunt, ut lypothymiam accersant: tales ergo benignis sæpius & repetitis medicamentis, purgandi.



DE VSV ALIORVM,
REMEDIORVM SPECTAN-
tium ad prophylaxim, & ad cu-
rationem.

*Que longo tempore assueta sunt, etiamsi deteriora
sint minus ijs, que insueta sunt molestare
consequerunt. Quare ad insolita quoque fa-
cienda mutatio. § 2.*



REMEDIA sumuntur, ex phar-
macia aut chyrurgia, aut ex
rebus non naturalibus: res
non naturales considerantur
pluribus modis, aut vt sunt
causæ procatharticae morborum, vt in 3.
lib. Aph. & lib. de aëre, locis & aquis: aut vt
sunt remedia ægrotis administrata secun-
dum regulam indicationum, contrariorum
contraria sunt remedia: hoc loco illas con-
templamur secundo modo: in primisque
agemus de eorum electione, & admini-
stratione, indicatione sumpta, à consuetu-
dine, cum enim vsus rerum non naturalium
sit necessarius omnino, vt aëris, cibi, potus,
somnia, vigiliae, motus, & quietis, animi pa-
thematū euacuationis, & repletionis, fie-
ri vix potest, vt non assuescamus vsui illa-
rum particulari, vt aëri frigido, aut calido,
assumptioni talis cibi, aut potus, atque ita
de cæteris: Quam ob causam Hip. scripsit

hunc Aphorismum, de consuetudine scilicet, Quæ longo tempore consueta sunt, vtdedere in loco humido, etiamsi deteriora sint, id est, minus conueniant prohibendo, aut sanando morbum, attamen iis, quæ sunt insueta minus molestare solent, quia consuetudo est altera natura: A natura autem sua quisque difficillimè separatur: Ita licet ad curationem maxime conueniat ægris, in molli recubare lecto: tamē pastores, & custodes gregium, lecto molli maximè offenduntur, vt experientia probari in multis potest. Ne autē hoc accadat Hip. suadet faciendā esse mutationem ad insolita, ne sæpe lædamur: Quoniam conditio humana huiusmodi est, vt insolitis sit vtendum necessario. Videamus ergo quomodo sit facienda mutatio, & in quibus: primam partem declarauimus cap. 2. de methodo curandi, secunda explicanda, in iuuenibus in quibus satis superest temporis, ad percipiendum fructum, consuetudinis mutata, faciendā est, sensim mutatio: In senibus autem qualis est talis conseruanda ex Gal. In libris de sanitate tuenda, quod difficillimè à consuetis recedant, nec possint recipere fructum mutationis.

Qui consueti labores solitos ferre, etsi inualidi sunt, aut senes, facilius ferunt, quam qui non sunt assueti, quamuis robusti, & iuuenes. 49. 2.

Huius Aphorismi probatio pendet ex superiore, quæcunque enim conueniunt generi essentialiter, conueniunt & speciei.

Calidum frequentiore usu hæc inuehit incommoda, carnis effeminationem, nervorum Incontinentiam, mentis torporem, profusiones sanguinis animi deliquia, ad quæ quidem mors. 16. 5.

Ad refrigerationem totius corporis & humectationem, ad sanandos dolores, ad alimētū, attrahēdū ad partes laxandas & emolliēdas medici solēt balneis, aut semicupiis, aut fotibus vti ex aqua repente sola, aut herbis adiunctis: in quorum usu Hipp. prohibet frequentiam, quæ corpori hæc inuehit incommoda: carnis effeminationem, nimirum emolliēdo, quæ dura mediocriter esse debent, vt nerui, & calore dissipando, nectar viuificum partium: quare nervos tendines, & ligamenta debilitat, proindeq; tremorem corporis parit, mētis torporē, quod spiritus humidiores efficiat difficilēque mobiles, & ad contemplationē ineptos, profusiones sanguinis excitat, calorem inducēdo, qui attenuat sanguinem, venas aperit emollitas, propter distensionem ab extumescencia venarum: quæ

cum rariora sunt maius occupant spatium: Tandem propter dissipationem spiritus, mortem adfert, præsertim si balneum calidius extiterit. Caueant ergo medici, ne curam balneorum committant mulieribus ignaris, quæ balnea prodesse non posse putant, nisi sudores prouocent, per quos dissolutio spirituum significatur, & paulo post mors contingit, ut sæpissimè aduenit, atque ut balnei frequentiori usu ista incommoda parantur toti corpori, ita semicupio, & fomentis illis partibus, quibus applicantur frequenter.

Frigidum conuulsiones, tetanos nigrores, & rigores febriles adfert. 17.5.

FRigida multa sunt aër hyemalis, aqua, lapides, medicamēta, ut succus lactucæ, mandragoræ, cicutæ, hyoscyami, papaueris, quæ moderate, & loco usurpata multum conferunt, immoderatè vero pariunt symptomata quæ recenset Hip. conuulsiones quidem exsiccando, ut & tetanos, qui conuulsionis est species, rigores febriles retinendo euaporationem fuliginosorum excrementorum, à quibus vellantur partes, & rigorem excitant. Quod illæ partes nitantur excutere, quod illis noxium est.

Frigida inimica ossibus, dentibus, nervis, cerebro, spinali medulla: calida vero utilia. 18. §.

VNa ex præcipuis indicationibus in medendo sumitur ex parte affecta, cuius temperamentum conservandum est similibus, hæ omnes partes, quæ in Aphorismo recensentur sunt frigida: nam spermaticæ sunt, quæ frigida dicuntur. Ergo frigidum illis erit amicum. Respondemus frigidas dici, id est, minus calidas quam sint carnosæ, quare conservari debent calidis moderatis, non frigidis: calida ergo moderata secundum gradum earum partium, temperamento respondentem sunt amica.

Quæ refrigerata sunt ea excalefacere oportet, exceptis ijs unde fluit sanguis copiosus, aut profluxurus est. 19. §.

HIc Aph. reuocatur ad illud generale explicatum, contrariorum contraria sunt remedia: hoc vero loco positus est consecutione quadam. Poterat enim aliquis ita argumentari, quia frigida calidis sunt contraria, Oportet perfrigerata excalefacere, ut contraria expellamus: verum quidem fatemur esse axioma, pati tamen exceptionem, in iis quæ sanguinem profundunt, aut qui breui profusuri sunt. refrigeratio verò nascitur in nostro corpore, multis de causis, nimirum aut dissipa-

IN APHORIS. HIP. 83

tionem caloris innati, quæ refrigeratio dicitur priuatiua, aut vi frigoris externi extinguentis, quæ primo modo refrigerata sunt, indigent moderatè calefacientibus, & humectantibus, per alimenta: Quæ verò refrigerata sunt, à frigore positiuo extinguente calorem, calefacientia postulant moderata: vbi vero aliquis sanguinem profundit, aut mox profusus est non suadet calidum applicandum, etiam si per refrigeratio adfit, quod maius contingeret damnum, ex hæmorrhagia, quam ex reparatione intemperiei: Sanguis enim præterquam quod calefacit, nutrit etiam & reparat humidum naturale exhaustum: Medicamenta vero calida intemperiem solam corrigunt. At causticis vtimur in profundiis sanguinis, vt cauteriis actualibus, & potentialibus, vt puluere calchanti, & aliis respondemus per accidens illa sistere sanguinem, quatenus escharram pariunt, per se verò nequaquam.

Frigidum vlceribus mordax, cutem obdurat, dolorem insupurabilem facit, nigrorem inducit, rigores febriles, convulsiones, & tetanos creat. 20 5.

NE quis lege contrariorum existimaret frigida omnibus supra modum excaletactis adhibenda admonet hip. quibus applicare non debeant, nimirum vlceribus: quia frigus siccando diuellit, & ita soluit continuum, proindeque dolo-

rem procreat mordacem, & vellicantem: Augetur vero acrimonia retentione fuliginosorum excrementorum: frigidum autem obdurat siccando, sicca namque dura existunt: dolorem insuppurabilem facit: hoc loco capit dolorem pro abscessu, dolor namque in pus non vertitur, sed potius materia apostematis, nisi pro suppurari intelligat domari: cum enim suppuratur abscessus, licet dolor accrescat: tamen per absolutam suppurationem cōquiescit. Cætera fuere explicata in superioribus.

Est tamen ubi in tetano sine ulcere iuvene bene habito, æstate media, frigida larga profusio calorem renocat, calor vero hunc soluit. 21. 5.

SI quis autem opponat contra sententias descriptas, frigidum tetanum curare, Respondet Hip. Id fieri per accidēs, neque in omni corpore. Sed in iuvene carnoso, & media æstate: nam iuvenes plurimum habent calidi innati: quare frigida aqua non exsiccabit, neque refrigerabit nervos, ita ut possit tetanum parere: habent autem poros satis densos, per quos aqua non facile potest penetrare, & quod æstate refrigeratio tota sit externa: fit ergo, ut aqua frigida calorem innatum non extinguat, sed potius colligat & vniat & fortiorrem reddat, à quo fortiori effecto iuncitur tetani materia replens: quare veri sunt ambo Aphorismi.

Calidum in quo ulcere pus mouet, maximum securitatis præstat indicium, cutem emollit, extenuat, dolorem lenit, rigores, conuulsiones, tetanos mitigat, capitis gravitatem soluit, ossibus fractis plurimum prodest, maxime si nudata sint, multoque magis si in capite. His etiam prodest quæ moriuntur, aut ulcerantur à frigore. Herpetibus denique exedentibus, sedi, pudendo, utero vesicæ, his omnibus calidum amicum & decretorium, frigidum Inimicum, & interimens. 22.5.

Propterea quod in superioribus pronunciauerat Hipp. frigidum ulceribus esse mordax, argumentando à contrariis, aliquis posset arbitrari calidum ulceribus esse utile mitigando, & mordacitati aduersando, quod in vniuersum est falsum, pluribus namque non conuenit, quibusdam tamen confert, præfinit taq; vsum aquæ tepidæ in ulceribus, Inquiens, calidū, in quo ulcere pus mouet maximum securitatis præstat indicium. Intelligendum itaque quænam sint illa vlcera in quibus calidum suppurationē promouet. Suppuratio, pus est caloris partis solidæ & caloris præter naturam. Sed non producitur ille effectus in omni ulcere, vt in maligno, male morato, & similib. sed cæcroso, fistuloso, in simplicibus, recētibus, & boni moris. At tepida potius impedit suppurationem, quā iuuat. Nā ad suppurationē opus est emplastricis medicamentis ad cohibendum ef-

fluvium caloris Innati, aqua verò tepida laxat poros & aperit, quare suppurandis vlceribus non est commoda. Responde mus plus prodesse tepido illo calore, ad materiæ suppurationem, quam nocere dilatatione pororum, neque intelligēdū tantum ut arbitratur D Duretus de tali vlcere existente in qualibet parte, sed de eo qui sedem obtinet in partibus frigidis, ossibus, membranis, sede, pudendo, vtero, vesica, aut de his quæ fiunt à frigore, ut perniones, quod collegit ex vltima parte huius. Aph. Cum inquit ingens calidū prodesse ossibus fractis, maxime si nudata sint, sedi, pudēdo, vtero, vesicæ, nam pus conficitur ab amico naturæ: calidum his omnibus est amicum, ergo in illis maxime promouebit suppurationem neque conuenit quolibet tempore, nimirum in principio defluxionis, sed defluxione consistente: laxat namque tepidum, & defluxiones auget. In his ergo cum suppurationem promoueat, maximum securitatis præstat indicium: est namq; suppuratio coctio quædam siue pepasmus. At coctio securitatem Indicium pollicetur ex Hipp. In Epid. recenset deinde cætera tepidæ commoda, cutem emollit, humectando, attenuat crassa fundendo, dolorem lenit quia est anodina, calida, humida, tum rigores ex retēione materiæ natos aperiēdo poros, & resoluendo materiam retentam. Conuulsiones, & tetanos, eodem modo tum & capitis grauitates: ossibus fractis

plurimū prodest. Nam in fracturis ossium
 a retenta materia pruritus nonnunquam
 percipitur, cui sedando maxime apta est
 fomentatio ex aqua tepida: est etiam utilis
 quando callus est generandus, quod scili-
 cet attrahat materiam necessariam ad cal-
 lum generandum, maxime si ossa nudata
 sint, Quod calidum sit amicum ossibus
 præsertim si in capite fuerit vlcus. Verum
 Hip cap. de vlceribus nō vult vlcera hume-
 ctari, nec vino quidem, nam vlcera curan-
 tur ex siccatione, aqua vero tepida hume-
 ctat. Respondemus applicari vlceribus ca-
 pitis non qua ratione vlcera sunt, sed pro-
 pter dolorem adiūctum, aut erysipelas sub-
 ortum, quod mitigari postulat, vt etiam
 prodest herpetibus exedentibus. His verò
 tēporibus, in quibus omnia pretio & dis-
 pendii magnitudine ponderantur, aquæ
 tepidæ perfusio non est in vsu: sed loco il-
 lius vsurpantur, decoctiones, linimenta:
 & alia remedia.

*Suffitus aromatum muliebria ducit, ad alia ve-
 ro multa utilis esset, nisi capitis generaret
 grauitatem. 28. 5.*

PROPOSITIO vniuersalis est hæc, aroma-
 tum suffitus sanguinem ducit venarum
 apertione, Omnia enim calida tenuis
 substantiæ sunt aperientia, Generat au-
 tem capitis grauitatem propter reple-
 tionem, & distentionem membrana-
 rum.

*Ad secūdas deturbandas sternutamento Immisso,
nares & os manu obtura. 49.5.*

Est remedium de turbandis secundis
commodum. Quod facile intelligi-
tur.

*Si febris non ex bile sit, multa aqua calida capiti
superfusa febrem tollit. 41.7.*

Quia maxima pars febrium putridarum
nascitur ex bile, aut non sine bile, no-
mine tamen bilis breuitatis gratia Intelli-
git Hip. reliquos humores, ac si diceret, si
febris non generetur ex humoribus, multa
aqua calida capiti superfusa febrem soluit,
nimirum ephemeram ortam ex insolatu
capitis, tum hecticas simplices, & epheme-
ras reliquas in quibus est opus dilata-
tione pororum & humectatione, præsertim,
si totum corpus in balneo tepido ma-
descat.

In his

In his frigido utendum, unde fluit, aut fluxurus est sanguis, non quidem eodem loci, Sed ad ea loca unde fluit admoto: & si quæ partium inflammationes, aut deflagrationes, ad rubrum sanguineum ve colorem tendunt recenti a florescente sanguine, iisdem Ipsis adhibito. Nam Inueteratas nigrefacit. Erysipelas etiam non ulceratum Inuat, siquidem exulceratum laedit. 23. 5.

Hic Aphorismus continet usum aquæ frigidæ & omnium liquorum qui frigidi sunt. Frigida habent vim sistendi, & reprimendi effluxum in sanguinis, Quocirca colligeret aliquis, ad fluxum sanguinis, ad mouendam esse aquam frigidam, quare ut illius usum commodum doceat Hip. scribit in fluxu sanguinis parti, à qua fluit aut fluxurus est frigida sunt applicanda, non quidem eodem loci, sed ad ea loca unde fluit, id est ad partem proximam: si namque applicaretur eidem parti noceret, Quia frigidum vlceribus mordax & Inimicum est partibus spermaticis, quæ in vlceribus detectæ sunt, quare iubet, ut vicinis applicemus: tuncque tale remedium appellatur defensuum, quasi defendat & prohibeat sanguinis effluxum, repellendo & condensando, ut si sanguis efluat per nares defensuum potest apponi fronti, aut collo. Hæc verò debent opponi in principio non neglectis reuullen-

H

tibus remediis cucurbitulis, sanguinis missione frictionibus ligaturis dolorificis paratur defensionum commune ex vnguento de bolo: namque aqua frigida sola aliquando nocet partibus. Illud autem vnguentum eadem commoda præstat, & præterea corroborat partes, nec Hipp. aquam frigidam dicit sed frigidum, subintelligēs omne medicamentū: refrigerās verū quando sāguis fluxurus est, quid vetat partibus, vnde fluxurus est applicare frigidū? cū eius cōtinuitas nondū sit soluta: nihil prohibet: quare Hipp. subiungit applicandum esse frigidum ad ea loca, vnde fluit, si vero fluxurus est loco illi, vnde fluxurum putamus. Intelligit verò illis esse v-tendum in fluxibus sanguinis symptomaticis, qui non Iuant, non in citicis. neque tantum frigida apposita, aut loco proximo in fluente, aut eidem, In fluxuro sanguine profunt, sed aliquando opposito & longinquo: Experientia enim comper-tum est aquā frigidā affusam testibus sistere hamorrhagiā narium retractione facta sanguinis per sensum molestum frigiditatis, Deinde inquit, adhibere oportet partibus ipsis, siquidem in illis sint inflammationes, aut efflagrationes, aut rubores recētes ex sanguine. Nā quia sunt recētes inflammationes, fiunt ex sanguine tenui, qui facile repellitur intro. In diuturnis vero inflammationibus, sanguis crassescit à calore tenuiorem partem dissipante, quam ob causam vi frigidorum, non repelleretur

sanguis, sed crassesceret, vnde nigrescerent illæ partes, vsus autem frigidorum est necessarius inflammationibus, ne tanta copia in partem affectam descendat sanguis, vt calorem innatum suffocet, idem præstandum in erysipelate recenti non ulcerato, eadem ratione, non autem in ulcerato, quia frigidum vlceribus mordax.

Frigida veluti nix & glacies pectori inimica, ruses mouent, venarum ruptiones & distillationes efficiunt. 24. 5.

QVoniam Apho. superiori frigidorum medicamentorum vsus præscripsit, ne quis omnib. partibus, aut proxime, aut ipsismet applicanda arbitraretur, admonet medicum ne in affectibus pectoris, vtatur frigidis nisi moderatis vt syrupo violato, & Papauerico quæ moderate frigida sunt: Id verò patet ex ipso textu, siquidem voluisset omnium frigidorum vsus prohibere, in affectibus pectoris scripsisset frigida pectori inimica esse: quod reprehendendum videretur in disciplina aphoristica. Cum ergo dicat frigida veluti nix & glacies. Intellexit de extremis frigidis, non de illis quæ in frigiditate moderata sunt: ratio autem aph. reddi potest ex Hip. lib. 1. de morbis, Quando scribit pectus carne nudum est & intra se pulmonem mollem continet, qui difficile resistat corpo-

H ij

ri, Præterea cor frigoris violentioris
occurſu, maxime læditur: Quare pectus
oſſeum & cartilagineum, cuius partes ſunt
ſpermaticæ, maxime à frigore offendun-
tur, In pectoris ergo morbis, frigidis Im-
penſe non eſt vtendum: Hæc frigida ſunt
inimica pectori, quod tuſſes moueant,
quæ pectori infeſtæ ſunt quippe motus il-
lius præter naturam: excitatur vero tuſſis
ab intemperie frigida trachæ arteriæ, aut
reliquarum partium pectoralium, aut de-
fluxione in illas, omnibus namque parti-
bus à natura datum eſt, vt expellant quod
noxium exiſtit, venarum ruptiones effici-
unt, quod frigore condenſentur, & dure-
ſcant venæ ſua natura ſiccæ, quæ vero ta-
lia ſunt facile rumpuntur, catharrhos vero
pariunt frigida pituitam generando & ce-
rebrum comprimendo.

*Articulorum tumore & dolores ab, que vlcere,
atque etiam podagricos, & conuulſiones. ma-
gna ex parte frigida largè effuſa lenat & ex-
temuat, ſoluitque dolorem. Nam modicus
torpor dolorem ſoluendi vim habet 25. 5.*

EXceptione explicata, reuertitur, ad a-
lios effectus frigidorum medicamen-
torū, & potiſſimū aque: verū cum arti-
culi ſint partes frigidæ, illis autem frigi-
dum inimicum ſit conſtitutum, quo pa-
cto poterit prodeſſe illarum affectibus? Re-
ſpondemus ratione partis nocerent qui-
dem: ſed quia illæ ſupponuntur affectæ
morbis calidis ab effluxu materiæ calidæ

ortis : ideo non nocet : sed plurimum iuuat repercussione materiae & temperatione. Verum si cōuulsiones procreat ex aph. 17. lib. 5. quo pacto illas iuuare potest. Respondedo, generat conuulsiones exsiccando sanat verò illas quæ fiunt à repletione per accidens vt explicatum fuit 21. aph. lib. 5. soluit autem dolorem à calida intemperie ortum per se : per accidens autem inducendo torporem parti, cui applicatur : à quo fit, vt dolor non sentiatur.

Oculorum dolores, meri potio, aut balneum, aut fomentum, aut phlebotomia, aut purgatio soluit. 31. 6.

Regula est methodi. vniuersalia remedia debet præcedere topica: In hoc aphorismo generalia sūt sanguinis missio & purgatio: Topica vini potio, balneū, fomētū. Ergo generalia sunt præmittēda Quoniam vero remedia diuersa, diuersis accommodantur causis morborum: pars enim hoc loco vnica est. Oportet distinguere causas quibus aptanda sunt remedia illa, vinum est calidum attenuans, conueniet ergo causæ frigidaē superandæ. Si ergo dolor oculorum ortum duxerit à pituita crassa vinum præponendum dilutum iis, qui diluto vti consueverunt, sed paulo meracius solito iis qui meraco vti solent: præbetur autem ieiuno stomacho iis qui capite sunt robustos

Quod vinum feriat caput eique noceat,
capite debilibus à sumpto cibo: In causa
calida acri, est opus tantum fomento, ex a-
qua tepida adiunctis propriis medica-
mentis.

*Non si recta ratione gerenti omnia secundum
eam minus succedant, protinus est ad aliud
transeundum, modo illud constet, quod ab ini-
tio visum fuit. §2. 2.*

EX quo colligi debet si contraria, aut
diuersa appareant signa, quam in
principio: aut quod nouus sit morbus
subortus vt lues venerea in principio, aut si
error contigerit, medici est muneris, mu-
tare remedia cum error, aut morbus inno-
tescit. Sin peruicax morbus exstiterit per-
seuerandum est in iisdem.

*Lac prebere capite dolentibus, febriculosis, &
quibus hypochondria elata, aut murmuran-
tia, & siticulosis malum. Malum item, qui-
bus biliosæ deiectiones, febres acutæ & copiosa
sanguinis euacuatio facta est: Cõuenit verò ta-
bidis, non admodum valde febricitantibus, &
febris longis & languidis dñ nullum ex su-
pradiactis signis adsit & præter rationem ex-
tenuatis. §4. 5.*

NAm hac parte caseosa & butiracea
flatuosum est: à vaporibus augetur
capitis dolor, & quia facile corrumpitur à
calore præter naturam febriculosis non

IN APHORIS. HIP.

99

debet exhiberi. Quare nec sitibundis, nec hypochondriorum murmuri obnoxiiis, nec in biliosis deiectionibus, nec in acutis cum febre, & quibus multus periti sanguis ob refrigerationem: cetera sunt facilia.

Aqua quæ cito calescit, & cito refrigeratur est tenuissima. 26. 5.

QVorsum Hipp. de electione aquæ? cum aqua sit medicamentum refrigerans per se, & calefaciens per accidens, ea autem in praxi medica sit eligenda, quæ perfectius illos præstet effectus, hoc loco agit de ea aqua, quæ aptior est ad eos producendos qui in superioribus sunt enumerati: Talis ea est aqua, quæ facile penetrat ad partes interiores corporis sua raritate: hoc vero deprehenditur, leuitate: quo ergo leuior, eo rarior existit. Talem autem scribit esse Hippoc. eam quæ cito calescit, & cito refrigeratur: nam cum sit rarissima, facile suscipit actionem qualitatū primarum. Verum leuitas, ad pondus spectat: quod est artificiosum. Quare voluit Hipp probare eius leuitatē per effectus naturales. Quod cum sit verum, difficile tamen est id exequi, cum oporteat æqualem esse calorem, & æquale frigus, tum aquæ quantitatem. Quantitas aquæ facile mensuratur vase eodem: sed æqualitas coloris vix potest mensurari. Licet ergo vera sit propositio Hippocratis, difficilis tamen existit expe-

rientia, & probatio in particulari. Quare fatius est ponderare duas aquas, aut plures eodem vase contentas, & leuiorem eligere aut distinguere illas, vt Hollerius in Comment. huius Aph.

Ex duobus simul doloribus, non eundem locum occupantibus, qui vehementior est alterius sensum obscurat. 46.2.

PRecipere intendit Hip. malo vrgētiori esse succurrendum, non neglecto altero. Nam, ab vrgentiori maius impendet periculum, fit autem vt maior dolor minoris sensum obscuret, quod in maiori specie doloris communi sensui oblata, minor contineatur, obiectum autem maius mouet facultatem magis, fit ergo, vt minor licet simul moueat, non videatur tamen mouere, vtrum vero maior dolor, minore ablato imminueretur? credo duos dolores coniunctos esse minores, vno illorum: similia namque similibus adiectione augeantur.

DE



DE PROGNOSI IN MORBIS.

*In acutis morbis, non omnino certa sunt mortis,
aut salutis predictiones. 19.2.*



Hoc Aph. nos admonet Hip.
vt cautè Instituumus prædi-
ctionem, propterea quod in
singulis coniecturalis est, &
vt plurimum incerta: præ-
fertim in morbis acutis, ratio autem in-
certitudinis multiplex est, nimirum mali-
gnitas morborum, & varietas humorum:
malignitas & feritas morborum aliquan-
do latet aliquo tempore, deinde repente
commouetur, subitoque interimit ægrum
cum antea bene habere videretur: In varie-
tate humorum decipiuntur medici? Quod
quidem moueantur humores in incremen-
to, aut in alio tempore, qui antea latita-
bant, quorum motu excitantur noua sym-
ptomata: & nonnunquam fiunt motus ex-
traordinarii illorum humorum ad partes
nobiles inopinatò. hi verò motus, vix pos-
sunt à medico percipi, incertitudinem
etiam prognosis demonstrat, quod pleriq;
suis signis coctionis in excrementis, mor-
bo defunguntur: hoc possumus confirma-
re, ex historia, quam scripsit Gal. lib. de

præcognitione ex pulsibus adolescentis cuiusdam, qui cum crudis vrinis morbo liberatus fuit. tum ex Hipp. Qui lib. 1. Epid. scripsit Methonem cum signis lethalibus sanitati fuisse restitutum: humorum etiam mixtio difficultatem parit in prædicendo. Quare cum varii peccent humores, calor naturalis varios producit effectus diuerso tempore. Quis ergo in tali confusione poterit certo prædicere Crisim, diem illius, cum diuersa sit humorum inclinatio, ad excretionem, & diuersum coctionis tempus multa alia sunt, quæ incertitudinem illius ostendunt, de quibus scripsimus 1. lib. method prædicendi. Quocirca iure Hipp. pronunciauit, acutorum morborum, non omnino esse certas prædictiones salutis & mortis.

Quibus adhuc iuuenibus aluus humida est, iis senescentibus siccatur. Quibus vero adhuc iuuenibus sicca est aluus, iis senescentibus humectatur, laxaque fit. 20.2.

Pertinet hic Aph. ad prognosticam, est namque de futura alui dispositione. Præterea demonstrat, quam parum tuta sit prædictio: cum varia sit corporum affectio pro diuersa ætate, eidem namque iuueni, quia humida est aluus, poterit crisis facile suscitari per fluxum ventris, in quo tamen sene, ob exsiccata aluum commoueri non poterit. iuuenibus vero aluus lubrica est propter bilem, per colido-

chum in intestina delatam, quâ illa irritantur ad excretionem: tum propter ventriculi, ex calore nimio infirmitatem. Quoties enim iecur præcalidum est, quod significatur in iuuenibus ex copia bilis, venter eius est frigidus, propterea quod dissipatur eius calor naturalis, & partes quæ illius coctionem adiuuant extenuantur, priuantur itaque eo beneficio, quo retinebant calorem ventriculi ob densitatem: tum suo proprio fouebat. iisdem autem senescentibus aluus siccior redditur quoniam bilis mitescit: & corrigitur ventriculi infirmitas, ætatis mutatione: quibus verò iuuenibus astricta est aluus, ob corporis raritatem, hepatis calorem, & raptum bilis ad superiores partes, illis in senectute soluitur aluus, corporis densitate, ob refrigerationem & siccitatem.

Non si quid in morbis fiat præter rationem lenius, fidere oportet, nec turbari, si quid temere grauius, acciderit, Istiusmodi enim multa sunt aut incerta, nec durare diu aut persistere solent. 27. 2.

IN prædicendo ex signis, & symptomatis, quæ oriuntur in morbis, solet medicus sententiam ferre, de periculo, aut salute, verum illa signa quæ sunt prædictionis fundamenta, cum ratione oriri debent, id est secundum morbi, causarum eius, & naturæ constitutionem: morbi & causarum ea est conditio, vt symptomata

I ij

varia producant, ut plurimum terrifica,
 naturæ vero spe plena: quæ præter hæc nas-
 cuntur, temere, & sine ratione orta dicuntur.
 Si ergo aliquid fiat leuius in morbis, id est,
 si melius habeat æger, quam morbus ipse
 & eius causa ferant, fidere non oportet,
 nec prognosim instituere, in ægri salutem,
 ut si quis fuerit vexatus prauis symptoma-
 tis, deinde illa quieuerint, sine vlla crisi,
 non est fidendum huic mutationi, quæ fa-
 cta est subito, sine vlla ratione in melius:
 imo mors prædicenda, quod natura euicta
 morbi violentia, certamen deseruerit in-
 tercatque: Contra vero, si quid grauius ac-
 ciderit ægro temere, præter statum mor-
 bi, qui iam superari, à natura videbatur, ob-
 coctionem iam prægressam, non est for-
 midandum, nec prædictio facienda in
 perniciem ægri, quod incerta sit, causam
 enim agnoscunt extra morbi, & naturæ
 statum: Quare durare & persistere diu non
 solent, ut si cocta materia morbifica, deli-
 rium superueniat, propter aliquos fumos
 calidos cerebrum ferientes, Hoc non de-
 bet terrere medicum, temere enim, & ex
 euentu contigit illud delirium sine ma-
 gno ægri damno.

*Senes magna ex parte minus, quam iuvenes a-
grotant. Semei autem diuturnis morbis cor-
repti, fere una moriuntur. 39. 2.*

Pertinet ad prognosim hic Aphorif.
Si quis enim senex diuturno affli-
gatur morbo, periculum mortis il-
li impendet, nascitur autem ex debi-
li actione, in qua materia dissipari non
possit à calore debili: rarius autem labo-
rât quam iuvenes, quia sunt frigidi & sic-
ci: quare nec febribus nec inflammationi-
bus laborant: in quibus est causa morbo-
rum acutorum præcipua.

*In quouis morbo rationem ipsum constare, ac va-
lere, rectæque se habere ad ea, quæ sumuntur,
bonum, contra vero se habere, malum 33. 2.*

Quo plures facultates sunt robustæ,
eo res ægri meliore sunt loco, men-
tis bona dispositio significat anima-
lis facultatis robur, & bene se habere ad
ea quæ sequuntur, demonstrat appetitiuæ
facultatis vim: proindeque naturalis fa-
cultatis, Ergo cum illa adsunt in ægro, bo-
num aliquid futurum præfagiunt. Verum
cur potius mentionem fecit mentis, & ap-
petitiuæ facultatis quàm aliarum? quia cum
mens agrotat dolorem ægri non sentiunt:
vt scribit Aphorif. 6. lib. 2. Quare omnis
generis remedia contemnunt. Qui nam-
que delirant non putant se morbo labora-

I. iij.

re, ex quo omnis generis præsidia, vt plurimum respuunt, quamobrem intereunt. Præterea quando bene appetunt, nutriuntur: in nutritione, vitæ conseruatio: neque omnem appetitum intelligit, vt caninum, sed naturalem: sic contra priuatione nutritionis intereunt: merito ergo harum duarum facultatum, mentionem fecit præcipuæ. verū si alterutra, malè habeat, à quam maius periculum impender? à mente læsa in vniuersum, vt in acutis, & præsertim si delirium fuerit perpetuum, vt in phrenitide propter rationem allatam, tam quod fieri possit, vt cibi fastidium à causa facile sanabili proficiscatur, citra vltimum vitæ periculum. Quæ enim facilius curari possunt, ea minime periculi portentunt. In specie vero & particulari, In pueris ægotantibus, cibi fastidium multo deterius esse consuevit, quam delirium. Nam hi maxime dissipantur: Quare nisi sæpe cibos capiant cito intereunt. deliria vero in pueris fugacia sunt: nec causā habēt firmiter fixam, Quippe raro abundāt humoribus calidioribus: sed à sāguine inflāmato excitantur: quæ deliria, qñoniam cum risu sunt coniuncta, minime molesta esse solent, ex Hip. neq; in illis impediunt remedium assumptionem In senibus contra, delirium peius est, cibi fastidio, quod firmiter delirent: at parum dissipentur difficiliusque sit eorum deliriis mederi, quam in appetentiæ.

In quouis morbo partes, quæ ad umbilicum, & imum ventrem attinent crassiores esse præstat: harum siquidem extenuatio, & tabes mala. Sed ad inferiores quoque purgationes parum tuta. 35. 2.

CRassæ partes nostri corporis dicuntur Hippocrati quando sunt boni succi plenæ, proinde æquales, molles, & doloris expertes, in hydropce namque & obstructionibus ventris inferioris videntur partes crassæ & extumescences, ut re vera sunt, verum talem crassitiem Hipp. non intellexit, quæ contra naturam est, à causis morbificis natam, sed naturalem, quæ laudabilis est in morbis pluribus de causis: significat enim illa crassities, illas optime nutrir, omnis autem facultatis operatio perfecta in bonis duci debet, præsertim cum illa sit, quæ morborum causas debellat: hæc demonstratio à causa petita perfectissima est, Hipp. nihilominus à cōtrariis ducit argumentum, hoc modo, extenuatio, & tabes partium, quæ ad umbilicum pertinent, & ad imum ventrem mala est, ergo crassities naturalis illarum est bona, peiorque censetur macies illarum partium, quam reliquarum, quod venter proxime hepatis nutritionis fonti, facillius nutriatur & melius quam aliæ partes: ex eo sequitur eius penuriā & extenuationem demonstrare, alimenti corruptionem. addit vero extenuationem illarum partium esse parum tu-

tam, ad inferiores purgationes, Quod emaciati muscoli abdominis existant, & expultrix debilis, cuius robore in purgatione est maximè opus, ad expellenda ventris inferioris excrementa.

Qui natura sunt valde crassi, breviorē vitā fruantur, quam graciles. 44. 2.

Natura obesos, inquit, non habitu ac-
quisitio, esse brevioris vitæ, quam
graciles. In quo animaduerti debet distin-
ctio crassi & obesi, crassus namque proprie
ille est, qui carne abundat, & musculosus
est. Obesus autem & pinguis, qui pingue-
dine luxuriat: hoc loco intelligimus pro-
prie dictos obesos, qui frigidiorē sunt
temperamento, quam sit temperatus, unde
omnia eius vasa sunt angustiora, paucum
habent sanguinem, & calorem, densa sunt
cute: ex quibus accidit, ut obstructioni-
bus sint obnoxij: & proinde febribus pu-
tridis, quæ originem ducunt ab obstru-
ctionibus: præterea facile suffocatur ca-
lor naturalis in illis, ob eius debilitatem,
& pinguedinis copiam: in gracilibus om-
nia se habent contrario modo: quare verus
est aph.

Minus periculose egrotant ij, quorum vel natura, vel ætati, vel consuetudini vel tempori familiaris morbus est, quam quibus horum nullo affinis cognatusque existit. 34. 2.

Veritas huius aph. subobscura est obscuritatis causa in eo consistit, quod excessus a suis similibus causis, facile augeatur, unde sequitur maiorem fore morbum biliosum, in bilioso, quam in pituitoso, res tamen contrario se habere modo videtur, ut patet ex Aph. Quare in hoc aph. contemplamur in ægrotante illo bilioso temperaturam calidam siccam, quæ a morbo bilioso exigua distantia separatur: Quamobrem biliosus leui de causa labitur in morbum biliosum: hi autem morbi minus sunt periculosi, quorum causa est minor, periculum namque in morbis pendet præcipue, a magnitudine causæ. Expendamus itaque veritatem primæ partis aphorismi, minus periculose laborant per se, aut morbi violentia, hi, quorum naturæ, temperamento videlicet innato, morbus est familiaris, vel ætati, Quod ætas sit causa procatartica disponens ad facile morbos consimiles recipiendos, vel consuetudini, id est acquisitiæ naturæ, vel denique tempori: Quod ambiguum est. Nam si biliosus v. g. hyeme laboret morbo frigido humido, periculose laborabit, nam omnis recessus magnus à proprio temperamento arguit

morbi magnitudinem. Atqui morbus puitosus, maxime recedit à temperamento bilioso, ergo maxime erit periculosus. Quare tempus intelligit Hip. familiare & consimile temperamento ægroti, non morbo: æstas consimilis est & familiaris temperamento calido, & sicco, sicut hyems frigido, & humido: At dicet aliquis hyeme in frigido & humido homine, morbus frigidus & humidus periculosus erit, Nam quæ difficilius sanatur periculosa existunt. Atqui hyeme difficilius sanantur, quam æstate. Quod scilicet æris constitutio æstiva fauet remedijs, tanquam contraria morbo, & eius causæ: eo quod contraria contrarijs curentur, & similia similibus conferuentur. Respondemus hoc loco morbos non dici periculosiores difficultate sanationis, sed causæ magnitudine, nec difficilis sanatio indicat periculum necessario ratione temporis, cum illa noxa a tempore proficiscens, possit arte corrigi, efficiendo locum, in quo æger manet contrarium qualitate, morbo: Quare tota difficultas sanationis erit collocata in causæ magnitudine, quæ cum parua sit in frigido & humido, propter exiguum recessum, a naturali constitutione, periculum minimum existimabitur. Verum Gal. 5. de sanit. tuenda, raucedinem morbum senum esse dixit, & 40. Aph. lib. 2. raucedines & grauedines, in valde senibus coctionem non admittere, ergo falsus hic videtur aph. Respondeo Hip. in illo Aph. 40. loqui de

IN APHORIS. HIP. 107

morbis acutis, in quibus mortis periculum adest, & licet coctionem non recipiant, raucedo, & grauedo, tamen mortem non afferunt: ad hæc raucedo per se, id est ratione suæ magnitudinis in senibus non est periculosa, sed propter imbecillitatem senum, cuius ratione, quivis morbus alius, in illis senibus suspectus est, dicamus ergo minus periculum imminere à morbis similibus, seu familiaribus, & proportionatis, quam à dissimilibus, & disproportionatis, tamen, tam morbi proportionales, quam dissimiles dupliciter considerari possunt, scilicet absolute aut comparate. Absolute quidem, similes sunt illi, qui conveniunt, cum omnibus conditionibus, hoc est temperamento, ætati, consuetudini, & tempori, ut si pituitosus laboret, morbo frigido humido hyeme, in senectute, & assuetus cibis phlegmaticis. Tunc ille morbus, frigidus humidus erit proportionatus absolute, & minime periculosus, quam alius morbus: Quoniam passio fit à minima causa, quæ cum sit exigua facile abigi potest. Absolute vero dissimiles, sunt ijs contrarij, ut si pituitosus senex assuetus cibis phlegmaticis, hyeme laboret febre tertiana, quæ calida, & sicca existit, tunc febris tertiana erit absolute dissimilis: & ideo periculosior propter contrariam causam maximam, difficiliusque sanatur. Comparate autem similes sunt illi morbi, qui unicam aut duas habent similitudines, ut si pituitosus iuuenis, incidat in febrem ter-

tianam hyeme : Tunc febris tertiana erit familiaris respectu tantum iuventutis. & si senex biliosus, afficiatur æstate morbo calido sicco, tunc morbus calidus siccus appellabitur familiaris, respectu duarum rerum : nempe bilis & æstatis : comparate dissimiles, contrario se habent modo : tamen cum magis & minus sunt in comparatis, comparatio etiam debet esse vnus morbi siue excessus, cum duabus naturis contrarijs, non autem duorum morborum contrariorum cum vna natura : notandum est tamen vt omnia sint paria in magnitudine causæ, symptomatum vehementia, & curandi opportunitate. Ergo vera erit hæc sententia Hipp. accipiendo morbos absolute, aut comparate, cæteris paribus, non quod in se familiares morbi non sint periculosi, sed comparatione facta cum dissimilibus, hoc est comparando morbos similes absolute, cum dissimilibus absolutis & respectiui similes, cum dissimilibus respectiuis, & tunc morbi similes dicuntur minus periculosi, quàm dissimiles, vt v. g. sint duæ febres ardentes, diuersis temporibus procreatæ, vna hyeme, altera æstate, febris hyberna, erit periculosior æstiuæ, quia in illa, causa est magis violenta, & minus cognata, in hac, minus violenta, & magis familiaris ratione temporis, minus igitur periculose laborant ij, quorum naturæ, vel ætati, vel consuetudini, vel tempori familiaris est morbus, quam quibus horum nulli affinis cognatusque existit.



PROGNOSTICA

DE MORBIS ET SYMPTOMATIS,
quæ in capite, aut à capite
ortum ducunt.

*Capite dolenti, & vehementer laboranti, pus, vel
aqua, vel sanguis per nares effluens, morbum
soluit. 10. 6.*



Rognosticum est perti-
nens ad perfectam Crisim
quæ contingit in dolori-
bus vehementioribus ca-
pitis inueteratis, vel re-
centibus, postquam enim
humores qui extiterunt causa doloris a-
cerbi, a natura superati sunt, vi expultri-
ce è cerebro detrudentur, per vias com-
modas, commodæ verò sunt proximiores,
& peruiæ, nares, os, per foramen infundi-
buli, & aures per quas difficillime fit
excretio: via namque & ductus sunt obli-
qui & stricti adhæc tympanum, est exqui-
sitissimi sensus & sua natura densum, quod
fit membraneum. Defluit autem sanguis,
cum dolor nascitur ex phlegmone, aut
pus, quando materia suppurata est, vel a-
qua, cum materia liquida existit, & pitui-
tosa aquea, quæ subigi quidem potuit,
non tamen in pus mutari, quæ cum ita sint

110 IACOB. FONTAN.

medicus imitatione naturæ nitatur dolo-
res capitis sanare, sanguinem detrahendo,
ex venis quæ capiti inserviunt, aut cucur-
bitulis, aquam verò errhinis & masticatori-
is, puris vero confectionem iuuabit cor-
roborantibus cerebrum.

*Qui valentes, capitis repente doloribus corripi-
untur & protinus muti fiunt, & steriunt, In-
tra septem dies intereunt, nisi febris inter-
veniat 51. 6.*

HIp. in Aph. morbi speciem non dete-
xit, quam tamen designat, ex sym-
ptomatibus, nempe doloribus capi-
tis repente natis mutitate siue aponia, &
stertore, Gal. in Comment putat hæc sym-
ptom. significare fortem apoplexiam, ve-
rum apoplexia fortis est incurabilis, ex
Hip. Aph. 42. lib. 2. At hæc affectio, quæ
describitur ab Hip. sanabilis est, à febre
superueniente. 2. fortis apoplexia intra pau-
cos dies interficiet hominem, Hæc vero
septem dies durat. 3. in apoplexia fit sensus
priuatio, proindeq; doloris, quod dolor sit
sensus tristis. Deinde licet febris frigidis
morbis, remedio esse possit, tamē apoplexiā
soluere fortem, non potest, parua namque
febris, non est potis dissoluere materiam
frigidam, contumacem, vehemens autem
dissipat calorem debilem, qui superest in
apoplectis: ergo non potest affectus ab
Hipp. designatus fortis esse apoplexia: nec
debilis quod in ea non sit dolor, oportet

IN APHORIS. HIP. III

ergo inuestigare, quidnam affectus ab Hipp. intelligatur, dolor ab intemperie nasci potest sine materia, at doloribus adiungitur aphonia & stertor, quæ sine materia procreari non possunt, obstruente ductus, per quos spiritus communicantur organis vocalibus, & respirationi dicatis, quinam autem sit ille humor coniici potest, ex repentina doloris commotione, quæ suscitari non potest, nisi ab humore calido, apto ad obstructions producendas. Qualis est sanguis, aut flatus, distentione dolorem generans. Quæritur vero de loco in quo, eiusmodi humor, aut flatus colligitur. Hollerius putat fieri collectionem illius in venis pectoris colli, & plexus choroidis ab atra bile, pituita, aut flatu commotis. Duretus vero i. à flatulento spiritu caput feriente producit affectum, à quo dolor magnus, derepente procreatur: deinde multam pituitæ affluentis copiam promouet, unde obmutescencia suboritur, propter obstructionem instrumentorum vocalium. Secundum horum authorum sententiam suscitatur hic affectus in capite & proximis partibus ab obstructione, cui febris remedio esse potest, dissoluendo quæ crassa sunt, & liberando obstructa. Moriuntur verò intra septimum diem propter morbi magnitudinem. In hoc affectu alienum non fuerit à ratione niti, febrem excitare moderatam, conuenientibus medicamentis quo imitatione naturæ sanari possit tantus affectus.

*Si ebrius quispiam derepente obmutuerit, con-
uulsus moritur, nisi febre corripiatur, aut qua
hora crapula soluitur, vocem recuperet. §. §.*

Generatur hic affectus à solis vapori-
bus calidissimis, & densis, densi con-
ficiuntur, quia pariunt obstructio-
nem instrumentorum vocalium, sensus, &
motus. Etsi enim vox actionum omnium,
à voluntate proficiscentiū sit præcipua, ex
huius tamen noxa Hipp. intelligit, reliqua-
rum actionum vitium à voluntate emanā-
tiū. calidus est vapor quòd intra 24. horas
aliquando dissipetur, quique nisi dis-
soluatur, producat conuulsionem morta-
lem. Calor illius etiam colligitur ex febre,
interdum excitata. Tum quod à vino ge-
neroso originem ducat, huic affectui si su-
superueniat febris, dissoluuntur illi vapo-
res & humores ab illis nati in cerebro, cu-
ius dissipationis beneficio sanantur: eua-
dunt etiam, ope, & beneficio caloris natu-
ralis dissipantis illos vapores. Signum au-
tem euasioneis est redintegratio vocis:
quando crapula soluitur, mortis vero præ-
sagium, conuulsio nata antequam sol-
uatur.

Propter

*Propter plagam in capite acceptam, stupor, aut
desipientia, malum, 14. 7.*

DVplex stupor contingit in capitis ictu, vnus fugax, qui ex leui cerebri concussione ortum ducit, reuocante ad cerebrum spiritum animale, unde reliqua membra manent, cum imminuto motu, & sensu, paruo temporis spatio: Alius est firmus, aut diuturnus, qui perficitur ex reuocatione spirituum animalium in cerebrum propter læsionem magnam, quam recepit, idque naturæ prouidentia, quæ eo solet spiritus reuocare, aut mittere, vbi est magis opis indigens: perseverat autem stupor, Quod læsio nō diminuat, desipientia vero aut loquax est, quæ ab inflammatione aliqua cerebri nascitur, à vulnere orta: aut gesticulosa sine ratione, cum debilitate & infirmitate mentis, propter morbum frigidum cerebri: atqui perseverans, stupor, & deliriū, morborum capitis grandium sunt indicia: Qui omnes periculosi iudicantur. ex vulnere aut ictu capitis stupor diuturnus, & desipientia, malum.

Quibus cerebrum occasione aliqua vehementer concussum fuerit, mutos fieri protinus est necesse. 58. 7.

CVm Aphoniæ sint plures causæ, hoc loco cōtingit ex retractione spirituum animalium ad cerebrum, ob violentiam

K

114 IACOB. FONTAN.

concussionem illius. Deserunt itaque instrumenta vocalia, quam ob causam voce priuantur ij, quorum cerebrum fuit vehementer concussum, ea vti dictum est, non accidit sine læsione sensus & motus, pertinet autem hic Aph. ad prædictionem. propterea quod si diuturna extiterit aphonia, mala censetur ex superiori Aph. sin autē fugax & læuis, non est formidanda.

Quibus cerebrum syderatum est, intra tres dies intereunt. Si verò hos superauerint, sani sunt. § 7.

SYderatur aliqua pars, quando veluti de cælo tacta, nigrescit, & intermoritur, sed eam affectionem præcedit gangrena quæ veluti quoddam principium est syderationis, & sphaceli, in hoc Aph. nomine syderationis, non intelligit syderationem perfectam, in qua nulla vitæ salus est sperabilis: sed incipientem, quam gangrenam, necrosin & mortificationem vocant: itaque cum gangrena, & incipiens necrosis substantiæ cerebri, cito desinat in sphacelum & syderationem, peribunt intra tres dies, quos si effugerint, significatur necroseos sanatio, finitur autem morte, aut salute intra tres dies quoniam gangrena affectus sit simpliciter peracutus, aut acutissimus, qui tertio die vt plurimū solet finiri. dignoscuntur vero hi affectus, ex consideratione membranæ duræ cerebrum obtegentis: si namque ea nigrescere, aut

N.
itaque
sunt voc
in reho
et, non
peru
mum.
mimo.
hinc aut
ca.
reunde
morum
gagri
calit
paur
sunt
sunt
u quo
em vo
cipis
di a m
mura
leat
mot
n quo
us aut
milo
m et
m
IN APHORIS. HIP. 113
durefcere cœperit gangrena afficitur. Cum
vero nigrefcit omnino, & virulento icho-
re difluit, fyderata est.

*In quo morbo, fomnus laborem adfert, lethale est: fi
vero iuuat, lethale non est. 1. 2.*

Theorema est veriffimum, illud exitia-
le cenferi, fi vnde plurimum auxilij
fpectatur, inde fymptomatum malorū in-
crementum fiat. Atqui ex fomno expe-
ctantur refectio totius corporis, reparatio
fpirituum vigiliæ tempore diffipatorum,
Pepafmus materiæ morbificæ: Si ergo
fomnus nihil tale producat, Sed potius ia-
ctationem, delirium, incremētum fympto-
matum, quæ antea aderant, malus & per-
niciofus cenferi debet, hæc ramen, non
funt audienda fine diftinctione: Nam fi
quo tempore aliquid potefte conferre, &
non prodeft, malum eft. Quare videndum,
quo tempore poffit conferre fomnus, in
quo fi noceat malus exiftimandus eft.
Confert fomnus in declinatione, aut re-
miffione morbi, quare fi in illis maxime
noceat malum. Verum in principio paro-
xifmi februm, in perturbatione critica,
dum adefte inflammatio partis alicuius,
nocet femper: Quo circa æque hic malus
cenferi non debet, atque in reliquis tem-
poribus: quod fymptomata terrifica, in il-
lis non tam fequantur fomnum, quam af-
fectiones illas: quare lethalis fomnus non
eft iudicandus, de contrario vero fequitur

K ij

contrarium, vt si iuuat non sit mortalis.

Vbi somnus delirium sedauerit, bonum. 2. 2.

QUæ enim vitijs facultatum sunt remedio, ea bona cenferi debent: atqui delirium est læsio facultatis imaginatiuæ, cui si somnus remedium adferat, bonus est. Sedat vero delirium somnus, humectando cerebrum, & mitificando humores acriores, qui sunt causæ delirij.

Somnus, vigilia, utraque si immoderata existunt, malum. 3. 2.

OMne nimium, & excedens naturæ inimicū, ex Aph. Hipp. l. 2. ex quo sequitur somnum & vigiliam, si modum excesserint, mala esse, & naturæ nostræ inimica. Somnus moderatus ille dicitur, qui a causis naturalibus perficitur, vapore scilicet, & anathymia si benigna, & a calore moderato, quique durationem habet moderatam, vt septem & octo horarum, facileque excutitur, excedens vero diuturnior est, & difficile euigilatur, qui eo detinetur. Quia ergo per eum significantur causæ præter naturam in parte principe, cerebrum nempe, cum facultatis animalis noxa, malus est iudicandus, vigiliæ etiam excedentes malæ, quod denotent intemperiem cerebri siccam, & calidam, vt in febribus, vel frigidam, & siccam, vt in melancholicis vigiliis, præterea anathymia seos inopiam,

IN APHORIS. HIP. 117

vt in famelicis, bilis in cerebrum transla-
tionem, vt in delirijs, & phrenitide, quæ
omnia mala sunt, tum ex effectis, quos pro-
ducunt, quippe cerebrum siccant, corpus
debilitant & crudos humores generant,
& omnem actionem impediunt dissipando
spiritus: vt vero confirmaret specificā pro-
positionem scribit 4. lib. eiusdem: non
satietas, non fames, neque aliud quid-
quam, quod naturæ modum excedat, bo-
num. scribit enim alio loco, labor, cibus,
potus, somnus, Venus, omnia mediocria.

*Apoplexiam vehementem nullo prorsus modo:
debilem agere curaueris. 42. 2.*

A Poplexia multis constat symptoma-
tis, nempe sensus, & motus volunta-
rij priuatione, oblatione principum
facultatum, & difficultate respirationis: ex
illis symptomatis conijcitur eius magnitu-
do, aut paruitas, præsertimque ex differen-
tijs difficultatis respirationis. Nam in re-
liquis symptomatis, quæ in priuatione con-
sistunt nulla differentia potest constitui
secundum gradus: relinquitur ergo, vt ca-
ptetur ex difficultate respirandi. In magna
ergo apoplexia stertor est maximus, rarus,
& cum spiritu frigidus: in debili non ita
magnus, celerior, & spiritus calidus: ve-
hemens autem apoplexia incurabilis est,
ob causæ magnitudinem, nimirum ma-
gnam obstructionem ventriculorum &
substantiæ cerebri, qui nullo artificio ea li-

k. iij

berari possunt. In debili, cum mediocri sit obstructio, liberantur aliquando ægri: non tamen sine difficultate: de hac specie potissimum intelligendus est Aph. non & alijs quæ aut ab interceptione venarum contingunt, aut ab affectione inflammationi simili.

Epilepsia laborantes iuvenes cum loci, temporum, & victus, tum etiam ætatis mutatio liberat. 45. 2.

Hic aphorismus videtur potius ad curationem epilepsie spectare, quam ad prædictionem: tamen, quia mutatione locorum, temporum, victus, & ætatis, nos speramus epilepticos sanatos iri ad prædictionem referetur, omne enim effatum de re futura ad prælagitionem pertinet. Aphorismi vero sensus talis est, cum aliquis puer, aut adolescens, morbo comitiali laborauerit: Is ad iuventutem accedens liberabitur, mutatione loci, temporum, victus, tum maxime ætatis: quæ interpretatio est Holerij valde ambigua: videretur enim velle, hic non posse sanari pueros epilepticos, nisi peruenerint ad iuventutem, atque in ea ad mutandum locum, & victus rationem, quod videtur à ratione alienum, oportet enim omni artificio eniti. Vt quam citissime fieri poterit curentur, & si non possint perfecte sanari, disponantur tamen ad sanationem, ut cum ætas iuuenilis accesserit facilius mutatione ætatis

IN APHORIS. HIP. 119

curentur: Quare loco iuuenum scribendum puerorum, praesertim cum ut scribit idem Hollerius, Hip. lib. de aëre, locis, & aquis, & 6. epid appellat epilepsiam morbum puerorum, quia illis sit familiaris, propter cerebri debilitatem, excrementorum copiam, & victus rationem immoderatam: in cerebro enim, debili corpore, & cæteris frigidis & humidioribus, facile producit cerebri ventriculorum & substantiæ levis obstructio, a qua comitialis morbus ortum ducit. Cum ergo contrariorum contraria sint remedia sequitur, ut mutatione facta in contraria, affectu illo liberentur. Oportet autem locum, & calidiorem, & sicciorum esse, & licet temporum mutatio non sit sita in nostra potestate, possumus tamen ex ea prædicere futurum, ut eius beneficio melius habeat ager, victus etiam instituendus calidus siccus, maxima verò spes euasione collocatur in mutatione ætatis propter effulgentiam caloris innati, à qua humores illi superflui frigidi & humidi coquuntur, & dissoluuntur.

Epilepsia ante pubertatem, a motionem recipit, post vigesimum vero quintum annum, fere comitatur ad mortem usque. 7. 5.

AD 25. annum porrigitur pubertas: in qua spes summa sanationis epilepsiæ est posita, ob rationem iam dictam: si vero post vigesimū quintum annū epilep-

si aliquisprehendatur vix sanationem recipiet: Dummodo laboret epilepsia per se, non per consensum. Nam ex Aph. 34. lib. 2. minus periculosè laborant, quorum naturæ, &c. ergo cum minus conformis sit ætati iuuenum, epilepsia periculosius laborabunt. Quocirca fit, vt ad mortem vsque eos comitetur, Hollerius tamen scribit in declinatione ætatis solui aliquando: si a contrarijs causis ætatis illius originem ducat.

Conuulsio ab helleboro, lethalis. 1. 5.

Conuulsio à repletionem, vel ab inanitione fit, vt & singultus, ex Hip. Aph. 39. libr. 6. Hanc sententiam omnes admittunt: Sed in modo & parte affecta differunt. Gal. namq; existimat conuulsionem esse motum iniustum earum partium, quæ nostro iussu mouentur. Erasius in thesibus de conuulsione putat esse motum iustum, sed deprauatum à phantasia læsa, neque perfici à repletionem, aut inanitionem nervorum, vel musculorum, sed ab inanitionem, aut repletionem cerebri, de qua rescripsimus lib. de sympt. causis, hic vero Aphorismus simpliciter sumptus, falsus esse videtur, vt doctissimus scripsit Hollerius: Quare distinctione eget, excitatur autem conuulsio ab helleboro, aut alio vehementi medicamento, aut dum purgatio fit, aut postquam perfecta est. Dum fit commouetur conuulsio, aut acrimonia medicamenti, aut.

ei, aut materie attracte in ventriculum, quâ malè afficitur eius superius orificium, & conuellit. Hæ omnes conuulsiones sunt sanabiles: Nam eiecto medicamento, aut humore molestante, per vomitum, aut secessum quiescit conuulsio: Si vero sequatur purgationem immodicam, lethalis est: Quod contingat ab extrema siccitate neruorum secundum Gal. aut cerebri, vt censet Erasius, a priuatione autem, habitus denuo non comparatur.

Conuulsio à vulnere lethalis. 2. 5.

EX vulnere multis modis conuulsio nascitur, aut enim propter largam sanguinis effusionem exsiccatur cerebrum, a qua conuulsio lethalis: omnis enim conuulsio ab extrema siccitate, lethalis fuit dicta: aut propter læsionem neruorum, vel tendinum, quibus consentit cerebrum: læduntur autem nerui, aut quia sunt vulnerati, aut inflammati, aut irritati, à pure, sanie, ichore, quæ exitium non habent, hæ omnes conuulsiones non sunt lethales, remedijs enim adhibitis vt plurimum sanantur.

A copioso sanguinis fluxu, conuulsio, aut singultus malum. 3. 5.

Non dixit lethale, quia facile possumus eius effluxui mederi in principio cōuulsionis: ante quam ventum sit ad extremam siccitatem: singultus etiam malus est, à copioso sanguinis fluxu propter eandem rationem.

L

*Purgationi immodica, conuulsio aut singultus
superueniens, malum. 4. 5.*

Hic Aphorismus fuit iam explica-
tus.

*Si muliebri profluuiio, conuulsio, aut animi dese-
ctus superueniat, malo est. 56. 5.*

Nam ab inanitione extrema, ista sym-
ptomata proficiscuntur, quæ mala
fuit iudicata.

*Qui tetano corripuntur, in quatuor dies pereunt:
si vero has effugerint incolumes euadunt. 6. 5.*

Tetanus est in numero morborum
acutissimorum: qui tertio, aut 5. die
solent finire, morte, aut salutari crisi: si ve-
ro hos effugerint nimirum remedijs ap-
positè adhibitis, aut crisi, aut febre super-
ueniente, incolumes euadunt, expurgata
materia, aut dissoluta. Intelligitur autem
Tetanus à repletionem natus, febre vero cu-
rari tetanum, scripsit Hipp. Aph. 57. lib. 4.
cum inquit, qui conuulsione, aut distentio-
ne affligitur, si febris successerit morbum
soluit, dissipatur namque materia disten-
tionis & tetani, à febre succedente, ob
eamque causam curatur distentio: quare
Hipp. Aph. 26 lib. 2. scripsit febrem con-
uulsioni superuenire satius est, quam con-
uulsionem febri: Nam superueniens

IN APHORIS. HIP 123

discutit materiam : si vero succedat febri
conuulsio, signum est eam nasci ab inani-
tione : At conuulsio ab inanitione est le-
thalis, ob eandem rem. Aph. 13. lib. 7. scri-
bit Hipp. propter ardores vehementes,
conuulsio, aut tetanus, malum : ardores ex-
terni, vix tales esse possunt, vt tetanum a
siccitate inducant, nisi sudore effuso, mi-
rum in modum exsiccaretur corpus. Qua-
re Philoteus per ardorē intelligit febrem
ardentem, cui quando succedit conuulsio,
mala est censenda ex Aph. superioribus.

*Deliratio, quæ cum risu fit, tutior: quæ vero stu-
dio adhibito, periculosior. 53. 6.*

Hollerius ex Gal. huic Aph. adden-
dum existimat, quæ vero cum teme-
ritate. periculosissima nomine delirij in-
telligit Hipp. omnem mentis alienatio-
nem continuam, quæ tribus gradibus di-
stinguitur, designatis triplici genere sym-
ptomatum, risu, studio, & ferocitate, prout
tres in corpore denominantur humores,
sanguis, succus melancholicus, & atrabilis:
delirium namque cum risu, à vaporibus
sanguineis ortum ducit : cum studio, à
melancholicis : sunt enim melancholici
taciturni, & cogitabundi : ab atrabilarijs,
cum ferocitate, propter adustionem. San-
guis autem, a quo sanguinei vapores effe-
runtur in cerebrum, benignus est humor,
qui nullum periculum procreare potest
quatenus delirium parit : succus melan-

L ii

cholicus mediam naturam tenet, inter sanguinem & atrabilem: quare periculosius est delirium ab eo natū, quam a sanguine, minus tamen periculosum, quam ab atrabile, a qua delirium periculosissimū nascitur, ob malignitatē humoris naturę aduersissimi: fermentat nāq; & corrodit partes, in quibus est, rātæque malignitatis perhibetur a Gal. lib. de atrabile, vt nullum animal possit gustare sine periculo.

A sanguinis profluvio desipientia, aut etiam conuersio, malum. 9. 7.

DE conuulsione, à profusione sanguinis antea dictū est, nunc de desipientia à profluvio sanguinis nata, verba faciamus. Quando magna copia effunditur sanguinis, dissipantur spiritus: destituta itaque anima suo instrumento aberrat in sua operatione, vnde deliriū accidit. Atque omnis dissolutio spirituum mala est, ergo à sanguinis profluvio desipientia malum.

Ex multa potatione, rigor, & desipientia malum 7. 7.

Aristoteles problemate quinto lib. 3. quærit cur temulenti rigeant: ad cuius propositi enodationem, necessaria est rigoris à tremore distinctio, & separatio: tremor namque est motus membrorum præter naturam, natus à debilitate facultatis motricis, partis trementis, & pondere

IN APHORIS. HIP. 125

ipſius. Eſt nāque in tremore mutua ſucceſſio, roboris attollentis facultatis, & ponderis deprimentis: fit autem debilis facultas terrore, quia ſpiritus ad cor retrahuntur, frigore, quod extinguantur, & intro repellantur: à Venere nimia, diſſipatis & exhalatis ſpiritibus, & ab alijs cauſis. Rigor vero eſt concuſſio corporis, a re moleſtate partes corporis natus, quæ ſeſe colligunt ad expulſionem rei moleſtæ. Vnde motus concuſſiuus: Ariſtoteles intellexit in explicatione problematis de tremore, quod exiſtmet frigus ab excedenti vini copia generari in corpore, propter diſſipationē caloris innati, ſcribit namque vinum calidū, corporis caliditati naturali cōiunctū, efficacius conſumit ea, quæ calor naturalis & proprius, habet pro alimento, quam ipſe calor inſitus: deperdito ergo calore innato propter diſſipationem humidi radicalis, quod eſt caloris innati pabulum, frigefcit corpus, & tremit: probat autem eam propoſitionem, quod temulenti incidant in morbos frigidos, & hydropē, paralyſim, apoplexiam, epilepſiam, & alios ſimiles. Liebauius comment. in hunc aph. inquit, cum vinum omnium celerrime nutriat ſua copia, uſque adeo venas replet, vt cogat naturam eius in modicam abundantiam expellere, vnde rigor. Verum ſupponatur multa potatio quæ facile non poteſt ſuperari a natura, & in alimentum conuerſi. Præterea ſi rigor commoueretur propter eam rationem, vt plurimum copia illa ſau-

L iij

guinis expelleretur per sudorē, per quem fieret temulentiae dissipatio. Adde quod rigor excitatur, ab humore pungente, & vellicāte partes sensibiles, alimentum vero a vino multo procreatū nec acre neq; pungens est, ergo illa opinio vera non est: quā ob causam, Aristotelis ratio praeferenda; contingere in temulentis tremorem à perfrigeratione, per debilitationē caloris innati, propter dissipationem humidi radicalis. omnis vero debilitas caloris innati, non tantū mala, sed funesta censerī debet. delirium autem cōtingit in larga potatione vini, ab inflammatis spiritibus, ergo à multa potatione rigor & delirium simul non tantum mala, sed funesta.

Melancolicis, & nephriticis, haemorrhoides superuenientes, bono sunt. 11.6.

Infantis si varices seu haemorrhoides superuenerint fit insanie solutio. 21.6.

Illi Aph. fuerunt explicati cap. de reuulsione.

In mania, difficultas intestinorum, vel aqua intercutem, vel ecstasis bonum. 5.7.

Omnis permutatio morbi è parte principe in morbū partis ignobilis, per metastasim siue metaptosim facta, nimirum priore morbo cessante, in bonis ducēda; atqui mania, morbi cerebri in difficultatem intestinorum, & hydropē salutarem, quod fiat, sine iecoris sanguifica-

facultatis læsione, est huiusmodi, ergo in mania difficultas intestinorū, aut hydrops bonum. verum mentis alienatio ea lege bona dici non potest, quocirca aliā rationationē inire oportet, hoc modo: ea quę significant morbum mox solum iri bona censenda. Atqui exthasis mania succedēs id significat, quod scilicet, sit sparsa mania materia criticē, per totū cerebrum, unde nascitur maior mentis alienatio, cum bono successu futuro, ergo in mania exthasis bona est: quā vero sit ambignum exthasis nomen, lege apud Hollerium.

In morbis melancholicis ad hæc suspecti, humorum decubitus, vel enim apoplexia, vel convulsio vel mania vel cecitas significatur. §6.6.

Hic Aph. superiori contrarius videtur, quod decubitus humorum ad partes corporis periculosos esse prænunciet. Superior vero translationes, quę fiunt, per decubitum humorum, è partib⁹ in partes, salutare enunciarit. Respondemus decubitus per metastasim factos è partibus nobilibus, ad partes ignobiles salutare dixisse: mutationes autem morborum, quę fiunt in partes nobiles è nobilibus, aut ex ignobilibus in principes, sunt periculose, tum etiā illę quę fiunt è particula alicuius partis nobilis, in particulā eiusdem: ut è partibus cerebri in partes, eiusdem facta translatione, apoplexia nascitur aut mania, aut convulsio, aut furor, aut dela-

L iij

bante materia in oculos, cæcitas: decubitus ergo tales sunt periculosi.

Ophthalmia laborantem, alui profluvio corripit bonum. 17. 6.

Hic Aph. fuit expositus cap. de reuul-
sione.

*Sed in somnis etiã, an de oculis aliquid subappa-
reat, spectare oportet: Nam si quid, non exacte
commisissis palpebris, de albo appareat, modo
non ex alui profluvio, aut medicamenti potione
accidat, malum signum est, & valde perni-
ciosum. 52. 6.*

IN prognosticis additur, nec ita dormi-
re cõsueverit. Illa namque albedo sub-
apparens, significat musculos oculum clau-
dentes, non posse coniungi: accidit autem
illud, aut imbecillitate facultatis musculos
mouentis, aut a conuulsione per inanitio-
nem nata: facultatis vero cuiusque debili-
tas perniciofa. Item conuulsio à siccitate.
Rogandi ergo in tali symptomate ægri
num ita dormire consueverint: aut hoc
contingat propter vacuationem immode-
ratam, sponte aut arte suscitata: debilita-
tis vero, aut conuulsionis signa petuntur à
causis quæ illas possunt generare & ex
aliarum facultatum animalium, vitalium,
& naturalium infirmitate: hoc autem cum
sit periculosum in omnibus, in pueris ta-
men maximè.

Distillationes, & grauedines coctionem in valde senibus non admittunt. 40. 2.

Valde senes siue decrepiti, pauperie caloris innati laborant, omnis vero coctio, siue pepasmus materiae morbificæ, fit à calore robusto, quantoque frigidior est materia, tanto difficilior est eius coctio: Grauedo autem, & raucitas in decrepitis, a pituita excitantur valde frigida, mirum ergo non videatur, si in valde senibus coctionem non admittant.



PROGNOSTICA

AD MORBOS PECTORALES
spectantia.

Quibus ex angina ad pulmonem mali fit conuersio : hi intra septem dies moriuntur : si vero hos effugerint, purulenti euadunt. IO 5.



Angina inflammatio est musculorum laryngis internorum, vel externorum, aut omnium simul : dignoscitur ex difficultate respirandi, & deglutendi: si materia anginae fuerit conuersa in pulmones per metastasim, relicto priore loco, quae translatio cognoscitur ex propriis signis peripneumoniae, aucta nimirum difficultate respirandi, grauitate suborta in partibus internis pectoris, & rubore saturato genarum, moriuntur aegri intra dies septem, numerando à die translationis, quod morbus acutus acuto succedens lethalis soleat existere, quod si effugerint, rumpitur pulmonum abscessus, & effunditur in thoracis capacitatem, vnde empyema suboritur, rumpitur vero post septimum diem, quia pure facto intra septem dies, natura molitur excretionem, quam cum non possit moliri per anacatharsim : propter debilitatem partium pe-

toralium, & infirmitatem facultatis animalis motricis, effundit pus in thoracis capacitatem, facitque Empyema: si vero materia transferatur in pulmones per epigenesim, nullo modo seruantur: Omnis enim epigenesis in his morbis mortalis est.

*Qui gibbi ante pubertatem sunt, ex asthma-
moriuntur. 46. 6.*

Gibberos intelligit Hipp. per luxationem vertebrarum thoracis, nam qui gibbi sunt, luxatis vertebris lumborum, ex asthma statim non moriuntur, quia in illis non imminuitur capacitas pectoris, neque gibberi propter luxationem vertebrarum pectoris, post pubertatem, quod ampla sit iam capacitas pectoris, intereunt ex asthma: Quod ut intelligatur animaduertendum est pulmones, habere suas venas, per quas nutriuntur, & augentur: quæ à gibbositate metaphreni, impediri non possunt à suo officio. Pectus vero cum nutritur a venis diffusis per vertebra metaphreni, non potest ab illis bene nutriri, & augeri, quia comprimuntur à vertebris luxatis: Quocirca pulmo maior sit proportionem, ipso pectore, ex quo sequitur pulmones comprimi, nec libere moveri propter angustiam thoracis. Quomobrem si asthma laboret is, qui ante pubertatem gibber fuit factus, suffocetur oportet, & moriatur, respiratione namque

132 IACOBI FONTAN.

tandem priuatur, cuius priuatio repentina mors est.

Angina correpto si tumor appareat in collo, bonum: foras enim morbus existit. 37. 6.

OMnis namque motus humoris mor-
bifici à partibus internis ad exter-
nas, bonus, cum enim tumor apparet in
collo anginosi, huiusmodi fit motus. Ergo
angina correpto, si tumor appareat in col-
lo bonum: modo id fiat per metastasim,
non per epigenesim.

*Ab angina habito tumor, & rubor in pectore
superueniens, bonum: extra enim uertitur
morbus. 49. 7.*

Non habet hic Aphorismus dissimi-
lem explicationem a superiori.

*Si febricitanti, nullo existente in faucibus tumo-
re, strangulatio subito accadat, lethale
est. 34. 4.*

VT significet suffocationem proficisci
ab angina, scribit, si febre detento:
(Nam febris est perpetua comes om-
nis inflammationis internæ,) & nullo ap-
parente in faucibus tumore, neque exter-
no, neque interno, ut locum affectum
ostendat, ex quo sequitur febrem conti-
nuam cum strangulatione significare an-
ginam, cum vero, angina sit interna, aut ex-

IN APHORIS. HIP. 133

terna, hoc loco internam subintelligit, quæ
latet in musculis internis laryngis, sine ul-
lo tumore apparente in faucibus: est au-
tem illa strangulatio lethalis, quod in fe-
bre sit summa necessitas respirandi, pro-
pter usum auctum: & propter anginam in-
ternam, extrema difficultas ducendi spi-
ritum.

*Si febre detento, repente collum intorqueatur, ac
vix deglutire queat, nullo existente tumore
lethale. 35. 4.*

INtorquetur collum aliquando à tumo-
re unius partis colli, ut videre est, in pa-
rotidibus, & strumis, verum de illa con-
tortione non loquitur Hipp. cum dicat
nullo existente tumore in collo: neque de
angina proprie dicta, nimirum inflamma-
tione musculorum laryngis, quod scilicet
cum difficultate deglutiendi adsit in ea
respirandi difficultas. Quare intelligat
oportet de inflammatione œsophagi, aut
luxatione vertebræ colli: adest tamen ali-
qua difficilis respiratio in phlegmone œso-
phagi, propter tracheæ arteriæ commu-
nitatem: lethalis autem est quod inflam-
matio illa non antea sanari possit, quam
aeger pereat alimenti defectu, aut respiran-
di: vertebræ verò luxatio est omnino in-
curabilis.

Strangulati, aut suffocati : nondum tamen mortui, ad se non redeunt, quibus circa os spuma collecta apparuerit. 43.2.

Quia, qui laqueo suspenduntur mortui non sunt, suffocatio namque fit in tempore : non potest enim intercipi spiritus in temporis puncto, cum transpiratio fiat per poros vniuersi corporis. Ergo qui strangulantur moriuntur, nec mortui sunt, & cum mortui non sunt, possunt reduci ad vitam: non tamen omnes. Signum autem quod non possunt pristinae vitae restitui est, spuma circa os collecta, ea namque significat dissipationem spirituum, à nimia agitatione, & calore, cum quibus humores miscentur violenter : pertinet autem ad prognosticum quia ex presentibus futurum aliquod pronunciatur, nimirum ex priuatione spumæ in strangulatis spes restitutionis in pristinum statum.

Pleuritide, aut peripneumonia detento diarrhæa interueniens, malum. 16.6.

Diarrhæa aut est symptomatica, in pleuritide, & peripneumonia, aut critica: illa significat læsionem partium ventris inferioris, nimirum Iecoris & lienis, perindeque earum debilitatem, Quare cum animalis facultatis læsioni in difficili respiratione constitutæ, & vitalis, ab affectione partium vicinarum proficif-

IN APHORIS. HIP. 135

centi, accedat naturalis facultatis infirmitas, res ægri male se habent, quo enim plures facultates in vitio sunt, eo res ægri peiore sunt in loco: si critica sit, facta per translationem materiæ morbificæ, è pectore in intestina, est salutaris. dignoscitur autem symptomatica, quod cruda sit materia extra diem criticum nata, nec ægri melius habeant, imo damnis augeantur: in critica vero, materia cocta est, die critico excitatur: & ægri melius habent.

A pleuritide peripneumonia, malum. 11. 7.

POtest pleuritis mutari in peripneumoniam, aut per metastasim, aut per epigenesim: hoc modo illa mutatio, non tantum mala est, sed funesta: Morbus enim acutus, acuto succedens, priore non extincto mortalis est. Si verò per metastasim, mala quidem, quod acutus acuto succedens, sit periculosus, non tamen semper lethalis.

A peripneumonia delirium malum. 12. 7.

EA distinctio quæ facta est in superiori Aphorismo accommodari potest huic sententiæ: tamen peior est in hac mutatione translatio, quia fit a parte officiali in principem.

*Qui acidum eructant, non admodum pleuritici
sunt. 33.6.*

Hic Aph. pertinet ad prædictionem, nam ex re præfenti, nempe ructu acido prædicitur futurum, ut aliquis non laboret pleuritide: eadem enim est disciplina contrariorum. Quare priuationis morborum erit prædictio, ut est positionis. causa autem consistit in eo, quod qui acidum ructant, abundant humoribus crassis, viscidis, & pituitosis, aut melancholicis, qui in ventriculo præsertim redundant: Hi autem humores raro per defluxum, procreant tumores lateris, & inflammationes illius: non enim partes illas, densas permeare possunt: Ergo qui acidum ructant non admodum pleuritide laborant.

Qui pleuritide laborant, nisi intra dies quatuordecim supernè purgentur, ijs in empyema fit mali translatio. 8.5.

Consueta, & frequentior pleuritidis solutio, fit per expectorationem, finis autem pleuritidis, quia morbus existit acutus, est decimus quartus dies: si ergo non purgetur pleuritis intra dies quatuordecim supernè, natura coquit materiã pleuritidis, intra membranam costas succingentem, quæ tandem in capacitatem thoracis translata, empyema procreat,
nihil

nihil tamen vetat eam materiam transferri
per vrinas, aut per fæces alui salutariter,
vt vidimus in multis.

*Quicumque ex pleuritide empyj sunt, si a ruptio-
ne empyematis intra dies quadraginta repur-
gentur, liberantur, alioqui transeunt in
tabem. 15. 5.*

EX Aph. 8. libr. 5. qui pleuritide labo-
rant nisi intra dies 14. superius pur-
gentur, ijs in empyema, fit mali con-
uersio: Verum non fiunt empyj 14. die
semper: sed, quo die abscessus rumpitur, &
effunditur pus in capacitatem thoracis: di-
gnosceatur vero puris confectio in pleuri-
tide, ex pondere in latere percepto: tum
ex mutua horrescendi, & sudandi vicissitu-
dine: stimulat enim membrana acrimo-
nia puris, & tenuior illius pars per poros
resudat, cognosceatur vero ruptio illa, quod
lateris affecti grauitas auferatur, & nasca-
tur pondus supra diaphragma, à pure ibi
stabilante, tum difficultas respirandi ma-
ior, ab oppressione præcipui liberæ respi-
rationis instrumenti, tum reliqua adsint
symptomata, quæ empyema conceptum
ostendunt: Numerando ergo ab eo die, si
intra 40. dies, qui terminus est longior,
materia empyematis repurgetur, aut natu-
ra, aut arte ægri liberatur. Sin cōtra tabidi
fiūt, quod diuturnitate temporis, pus illud
malignitatē acquirat, & acrimoniam: vnde
pulmones exulcerantur, ex quo vlcere, ta-
bes contingit.

M

Destillationes in ventrem superiorem ad suppurationem perueniunt intra dies viginti. 38. 7.

PER ventrem superiorem iudicio omnium interpretum Hipp. intellexit thoracem, nomine vero distillationis, inflammationem per defluxum, genitam in partibus internis thoracis: hanc inflammationem superari scribit intra 20. dies, quod illud tempus satis sit ad puris confectionem. Hipp. vero sumit semper terminum mediocrem: quædam enim inflammationes citius suppurantur, aliæ tardius, pro quantitate materiæ, & naturæ viribus.

A sanguinis sputo puris expuitio, malum. 15. 7.

ISTA consecutio sputorum, ut cum sputum purulentum sequitur sanguineum, demonstrat vlcus, aut abscessum in parte illa conceptum, a qua pus dimanat, hoc autem non accidit in cerebro, aut partibus oris, licet enim ex ore & faucibus tum ex cerebro spuendo reijciatur sanguis, Tamen, nulla aut perexigua subsequitur puris sputatio, Aphorismus autem intelligendus de copiosa: parua enim puris reiectio mala, nullo pacto esse potest, atqui multa non potest esse puris excretio, post sanguinis sputum, nisi pulmo, aut pectoris partes afficiantur: quorum affectio mala est. Ergo à sanguinis sputo, puris sputum malum: alia redditur ratio ab Hipp. Apho-

IN APHORIS. HIP. 139
rismo sequenti nempe 16. libr. 7. cum
scribit.

*A puris sputo phthisis, & fluxio, cum vero spu-
tum retentum fuerit, moriuntur. 16. 7.*

A Puris sputo necessario tabes non se-
quitur, nisi puris sputum ab ulcere
pulmonis oriatur. Quare aduerte puris
sputum aliquando nasci, ex repurgatione
materiæ ab abscessu, concepti in latere, aut
alijs partibus pectoris, aut ab empyemate,
quam necessario non sequitur phthisis: nisi
longitudine temporis, illud pus transcu-
ndo per pulmones, illos exedat. Sin autem
nascatur ab ulcere pulmonum, phthisis ne-
cessario sequitur, fluxus autem nomine in-
telligit, vel fluxum ventris, vel capillorum
defluuium, quæ in phthisi sunt periculosa
ex coacis, & prognosticis, tum Aph. 12. l. 5.
propter debilitatem retentricis intestino-
rum, & cachexiam totius corporis, cuius
ratione exsiccati capilli decidunt. in phthi-
si vero si sputum retineatur primo ore-
gmonem parit, & paulo post suffocatio-
nem, & mortem.

*Tabes ijs maximè etatibus fit, quæ à decimo octa-
uo sunt ad tricesimum quintum. 9. 5.*

Est prognosticum tabis futuræ à ru-
ptione venæ, Nam ea ætate maxime
abundat sanguis, rumpitur autem ve-
na è copia distendente, propter efferues-

M ij

centiam, quæ enim feruent maius spatium requirunt.

Quibus per tabem capilli è capite defluunt, ij alui profluvio superueniente moriuntur. 12. 5.

Profluvium alui natum ex ea materia quæ causa est defluuij capillorum in tabe, est mortale. defluunt enim capilli, propter acrimoniam, & corruptionem alimenti partium singularum, cuius quædam portio labitur è cerebro, in intestina, quæ proritantur ad excretionem: fluxus vero, qui constat materia morbifica critice expurgata, salutaris esse solet. de primo intelligendus est Aphorismus cum succedat defluvio capillorum.

Si tabe detento profluvium alui superueniat perniciosum. 14. 5.

Ad explicationem huius Aphorismi, necessaria est distinctio superius explicata, de duplici fluxu, nam si fluxus sit corruptæ materiæ, & crudæ, perniciosus, si vero materiæ morbificæ coctæque, salutaris.

Qui tabe infestantur, si sputum quod extussiunt olet graviter carbonibus iniectum, & capilli defluunt, lethale. 11. 5.

Animaduertere diligenter oportet, num sputum foetidum, aliunde profisciscatur quam ex ulcere pulmonum, nimi-

rum ex ulcere partis alicuius ipsius oris. Si ergo emanarit ex ulcere pulmonum mortis prænuncium est, quia ille fætor soboles existit magnæ corruptionis, & malignæ, qua extinguatur calor natiuus pulmonum, & cordis temperies labefactatur: vicinia, & proximitate tamen, quia sæpe pituita, putret in pulmonibus, quæ in ignem coniecta olet grauiter, sine iudicio funesti euentus. Hipp. ad certio rem, & firmiorem prædictionem addidit, & capilli defluunt, de quo capillorum fluxu in superioribus dictum est.

Si empyis, cum vruntur aut secantur, purum, & album pus effluat, euadunt: si vero subcruentum, fæculentumque & fætidum, pereunt. 44. 7.

IN empyemate concepto, quando metus imminet suffocationis, aut non potest natura pus expurgare, per expectorationem, si vires consentient aperiendum est latus ferro & igne, inter quartam & quintam costam, numerando a prima falsa costa versus superiorem, idque nouacula suprema parte obtusa, inferiore incidente, ne neruus, arteria, & vena secentur, quæ delitescunt, in parte inferiori costæ. Hæc autem sectio debet fieri consilio Hipocratis in coacis animaduersionibus, 15. die post ruptionem apostematis, Quod scilicet intra illud tempus, pus coquatur, crudum enim educere non est æquum, imitatione

M iij

naturæ, quæ prius coquit, quam excernat, nisi necessitas cogat, neque diutius cunctandum, ne acrimonia, & foetore puris à corruptione nata, labefactentur vires vitales, vnde mors: tempus vero ruptionis vomicæ potest animaduerti ex signis præscriptis empyematis concepti: Quare ergo si liceat medico illa cognoscere, pus educetur prauum, cum prauis ægri rebus: Quod scilicet, aliquando vocetur medicus longe post decimum quintum diem, aut talis sit natura puris concepti: eligit ergo potius medicus in summa necessitate, aliquod remedium ad solatium ægri experiri, quam nullum, secando scilicet, vel vrendo: euadunt vero illi ægri, qui secantur, aut vruntur si pus fuerit album, & purum, quia significatur potestas naturæ robusta, quæ potuit tale pus conficere, si vero fuerit subcruentum, fœculentum & foetidum, pereunt illi empyj, quod illud pus significet naturæ debilitatem summam, genitam à corruptione, & deprauatione materiæ purulentæ, a qua mors impendit, notandusque Aphorif. 27. lib. 6. quicumque empyi aut hydropici, vruntur aut secantur si pus aut aqua vniuersim effluxerint omnino moriuntur, propter dissipationem repentinam spirituum quare sensim facienda puris eductio.



PROGNOSTICVM de morbis cordis.

Qui sepe & vehementer citra manifestam causam animo linguuntur, ij de repente moriuntur. 41. 2.



LYpothymia, est præceps virium lapsus, quæ cum agnoscat multas causas, ille vel sunt medico manifestæ, ut penuria alimenti, fluxus ventris magnus, hemorrhagia larga, & aliæ multæ: aut occultæ, ut dissipatio spirituum, à causa interna, ut à tumore præter naturam cordis, à pure transeunte per cor, à copia aquosi humoris à pericardio contenti, & ab alijs causis. Ea quæ pendet à causa non manifesta, aut quidem nota, sed interna & perenni quæ sit occasio frequentioris lypothymia & vehementis, cuius vehementia dignoscitur duratione, longa & difficili virium restauratione, licet commode adhibeantur remedia, repentinæ mortis causa est futura, propter facultatem vitalem dissipatam, frequentia lypothymia vehementioris.



DE PROGNOSTICIS

AD AFFECTVS IMI
ventris pertinentibus.

Quibus elata hypochondria murmurant, lumborum dolore succedente, iis alui humectantur: nisi flatus erumpant, aut vrinae copia prodeat, haec vero in febris accidunt. 73.4.



Vturi fluxus ventris, in febribus praesertim pituitosis, tria signa prodit Hip. elatio hypochondriorum à flatulento vapore, per calorem coquentem excitato: murmur in iisdem perceptū, ex motu flatus mixti cum humore: & lumborum dolorem natum à distentione partium in lumbis iacentium, & praesertim intestinorum, quæ in illis sita sunt: cum enim ibi adsit materia morbifica, natura eam expellet per proxima, & commoda loca, nimirum per intestina, expulsa autem per intestina fluxus alui nuncupatur, tamen necessario his positis, fluxus ventris non concitatur, potest enim in flatus discuti, aut per vrinae vias purgari: quare Hipp. subiungit, nisi flatus erumpat, aut vrinae copia prodeat.

Quibus

Quibus dolor circa hypochondrium est, sine inflammatione, iis febris superueniens dolorem soluit. 40.6.

Dolor hypochondrij, vel circa hypochondrium sine inflammatione natus, significat illum pendere ab humore frigido, aut intemp. frigida, vel à flatu, cui nullum præsentius remedium contingere potest, quam febris superueniens, febris namque omnibus affectibus à frigida intemperie ortis, remedio est vt contraria: quare in illo dolore vtile censetur vti calidis discutientibus, exemplo spontaneæ dissolutionis à febre manante.

Dolores & tumores ventris sublimes, leuiiores, non sublimes, fortiores. 7.6.

Venter inferior mensurandus, secundum profunditatem, cuius profunditatis medium est peritoneum, dolores itaque & tumores sublimes dicuntur qui sunt supra peritoneum, prope musculos abdominis, vel in illis: non sublimes sed profundi, qui sunt in partibus interioribus, qui fortiores proinde sunt quod afficiant partes nobiliores, nimirum iecur, lienem, & reliquas partes internas: sublimes autem sunt leuiiores, quia partes superficiarias lædunt, & facile curari possunt. pertinet vero ad prognosticum hic Aph. quatenus ex illo prædicatur longitudo do-

N

loris, secus enim, est partis affectæ signū:
sunt autem longiores, partis natura &
motu affectionis.

A ventris diuturno dolore suppuratio fit. 22. 7.

Cum suppuratio sit futura post dolo-
rem, ad prognosticum pertinet hic
Aph. Caterum dolor in partibus imi
ventris, potest procreari à multis causis.
Verum quia Hipp. scribit diuturnum dolo-
rem, facile ostendit eius causam esse hu-
iusmodi, quæ facile non possit dissolui, &
tamen in pus mutari queat: talis autem
censetur inflammatio œdematosa, quæ
cum diuturna sit, ratione pituitæ admixtæ,
tādē in pus mutatur: cognoscitur autem
ex febre lenta, tum gravitate percepta in
partibus imi ventris, & renitentia, & de-
mum ex causis generantibus humores il-
los, nimirum sanguinem & pituitam. Ac si
diceret Hipp. tumor œdematosus dolori-
ficus in partibus imi ventris natus, mina-
tur futuram suppurationem, id est puris in
ea parte collectionem.

*In forti dolore ventris, partium extremarum fri-
giditas, malum. 62. 7.*

Doloris vehementioris partium præ-
sertim internarum, ea est conditio,
ut ad se attrahat spiritus, & sangui-
nem, ex quo accidit ut practici medici flu-
xionem maxime reformident, in eas partes

futuram in quibus commouetur dolor vehemens: praterea nihil æque dissipat vires, atque dolor vehemens: Ergo non est mirum, si externa frigeant in doloribus vehementioribus ventris, cum retrahantur spiritus ad partes internas, & dissipentur in toto corpore: atqui dissipatio spirituum ob quam accidit in extremitatibus perfri-geratio mala est, peiorque propter retractionem ad partes interiores, in quibus dolor vehemens existit.

Quibus inter ventriculum, & septum transuersum, pituita concluditur, & dolorem adfert in alterutrum ventrem viam non habens, iis per venas in vesicam versa pituita, morbi fit solutio. 54. 7.

Rarus existimatur huius aphorismi casus, est tamen summi hip. obseruatio rationalis, posito enim possibili nihil absurdi sequitur, at possibile est pituitam posse colligi inter ventriculum, & septum transuersum, & in reliquis corporis spatiis, neque ex his est, quæ fieri non possunt, illam pituitam per urinam expurgari: nam ex principio commentarij. 5. lib. 6. epid. naturæ morborum medicatrices, tum indocta natura, quæ necessaria sunt efficit: Et libro de alimento confluxio vna, conspiratio vna, compatiencia omnia: natura ergo sibi molitur viam nobis occultam, cum corpus sit totum perspirabile & commeabile.

N ij

Quibus prædurum iecur aduritur, si purum pus effluat, & album, salui fiunt, in tunica enim ipsis pus continetur: si verò qualis amurca profluat, intereunt. 45. 7.

Quando critici dies præteriere, nec hepatis inflàmatio vllò genere crissim finitur, quoniã à pure concepto vitiatum iecoris perenchyma, de aperienda vomica est cogitandum, vt puri pateat exitus: quo posito inquit Hip. si pus purum id est album, læue, & æquale effluat, euadunt ægri, ostenditur namque robur naturæ coquentis, Hip. verò aliam reddit rationem, quod scilicet pus in tunica contineatur: quæ ratio subobscura est, nam maior est vis caloris, in penitioribus partibus iecoris, quàm in superficialibus. Ergo longe à membrana internam partem versus, pus debet generari perfectius, secundo, cur postrema parte Aphorismi, non dicit hipp. quia pus in substantia iecoris continetur: & non quòd pus qualis amurca profluat, propter hanc difficultatem, multi huius Aphorismi interpretationem prætermiserunt: Nos vt soluamus illa argumenta, Respõdemus voluisse Hip. significare abscessum iecoris prope membranam inuestientem, ex quo, sectione facta fuit pus laudabile, esse salutarem: illum verò, qui fit in partibus internis iecoris, esse mortalem, non quia sit internus, sed propterea quod aperiuntur, & ero-

duntur illæ venæ, quæ per iecur sparguntur, ex quibus affluens sanguis, causa mortis est, propter hanc rupturam, pus amurcosum egreditur, & fœculentum, quippe mixtum cum sanguine crasso, qui dum coqueretur inflammatio, crassus est effectus.

Hepar durum effici, regio morbo correptis, malum est. 42. 6.

IN regio morbo hepar durum fit, aut ab inflammatione, vel scyrrho, aut à sola obstructione, hæc verò sunt distinguenda signis, in praxi explicatis: omnis autem durities hepatis mala, quod visceris principis læsionem magnam ostendat, quæ mala censetur: peior tamen censetur, quæ ab inflammatione, aut scyrrho ortum ducit, cum enim læditur à causis enumeratis, labefactatur facultas sanguifica, quam labefactionem sequitur deprauata omnium partium nutritio, quæ mala est: Ergo regio morbo laborantibus, iecur durum fieri malum.

Quibus hepar vehementer dolet, iis febris superueniens, soluit aegritudinem. 53. 7.

CUM febris superueniens soluat dolorem iecoris, necessarium est dolorem procreari à frigida intemperie, & à flatu: nam febris est tantum remedio frigidis affectibus. Et quia parêchyma iecoris, non est valde sentiens, quippe neruulo à

sexto pari tantum est donatum. Quare non potest valde dolere: intelligendum itaque locum doloris, esse membranam vestientem, aut ligamentum, quo suspenditur iecur: quibus itaque à frigida intemperie, & à flatu iecur dolet externa parte, iis febris superueniens soluit ægritudinem.

In hepatis inflammatione singultus malum. 17. 7.

Singultus propter iecoris inflammationem nascitur, aut à siccitate orificij superioris ventriculi, aut à bile è iecore in illud orificium regurgitante: omnis talis singultus malus, ab inanitione tamē peior censeri debet, potest namque biliosus humor mitigari, lenientibus, & purgari: qui autem ab inanitione, aut siccitate ortum ducit, vix est curabilis, quia à priuatione habitus vix comparatur.

Qui lienosi difficultate intestinorum corripuntur, iis superuenientem longam dysenteriam, aqua intercutem, aut intestinorum leuitas excipit, & moriuntur. 43. 6.

Hic aphorismo omnino contrarius est 48. huius lib. In quo scribit Hip. lienosis superueniens dysenteria bonum, hæc contrarietas facile conciliari potest distinctione paulo post dicenda: lienosus nomine generali ille dicitur, cuius malè est affectus lien. Hoc loco peculiariter appellatur cuius lien est plenus prauis humori-

bus, quorum repurgatio fit per intestina, nimirum per dysenteriam: ea vero dysenteria, sequitur naturam humoris in liene contenti. Quare si humor fuerit atrabilarius, dysenteriam procreat incurabilem, ex Hip. Aph. 24. lib. 4. si à melancholico succo, qui diuturnitate temporis putredinem, & acrimoniam contraxerit, unde habet vim erodendi & ulcerandi intestina, distinguendum: Nam si ea brevis sit salutaris existimatur; si longa, lethalis. Quocirca Hip. Aph. 43 inquit, si longa superuenerit dysenteria Aphorismo verò 48. loquitur de breui & salutari, longam vero dysenteriam sequitur, aqua inter cutem, aut intestinorum, leuitas, siue lienteria: Hydrops quidem, à refrigerato hepate, lienteria verò propter ventriculi, & intestinorum debilitatem summam.

Quibus tormina adsunt, & circa umbilicum cruciatus, & lumborum dolor, qui neque medicamento, neque per alia præsidia soluitur, in siccam hydropem firmatur. II. 4.

OPortet illa tormina, nasci à flatu cum definant in hydropem siccum, qui à flatu ortum ducit, affectus enim nascitur, à simili causa: cum verò neque medicamentis, neque aliis præsidiis soluitur, firmatur ille hydrops, quod perinde est ac si diceret non sanatur. Quod scilicet mala, quæ non cedunt remediis apposite applicatis, nascantur ab æquali intemperie, quæ hectica dispositio appellatur, incurabilis omnino.

N iiij

Aqua inter cutem laborantibus, exorta in corpore ulcera non facile sanantur. 8. 6.

VLcera sanantur exsiccatione, & carnis regeneratione, atqui in hydropicis præsertim aquosis, adest aquarum copia, quæ exsiccationem ulceris prohibet: & carnis laudabilis generationem. Ergo verus est Aphor.

Aqua inter cutem laborantibus, tussis superueniens, malum. 35 6.


TRiplex in hydrope potest tussis suscitari, prima à defluxu humoris in pulmones è cerebro manantis, quæ cum hydropis non sit consecutaria, nec ab eo villo modo dependeat, mala non potest iudicari: secunda proficiscitur à iecore tumescēte, & diaphragma cōprimente, vnde compressum & molestia affectum, sicca, & tussi inutili nititur frustra, & imaginatione fallaci excutere, quòd noxium est: hæc quidem mala vt symptoma, malè affecti iecoris, partis principis, non tamen ab hydrope manant: tertia est ab aquis in pulmones delatis: quod scilicet aqua hydropicorum eo ascēdat, quæ tussim parit malam, vt signum suffocationis, mox futuræ: laborant namque illi hydropici compressione diaphragmatis & compressionē pulmonum, ex quibus vehemens nascitur difficultas respirationis, & tandem suffocatio: ad hunc

IN APHORIS. HIP. 153

Aphorismum referendus est 47. lib. 7. licet
diuersus videatur.

*Aqua inter cutem correpto, si aqua, quæ in ve-
nis est ad ventrem defluerit, mali fit solu-
tio. 14. 6.*

Non est semper verus hic Aph. quare
distinctione est opus, si quidem flu-
xus aquosus exortus fuerit in hydro-
pe non confirmato scilicet, in quo partes
ad imum ventrem pertinentes, & præser-
tim iecur, sunt adhuc integræ, solaque al-
teratione afficiuntur, non alienatione, is
habet vim soluendi hydropem: cum vero
alienata est viscerum illorum natura, con-
firmatus dicitur hydrops quod intra duos
menses contingere censet Holler. in eo si
fluxerit alius multa colluie aquosa, mor-
bus non soluitur, Desperata enim sunt vi-
tia in vlceribus quæ nullo pacto sanari pos-
sunt, dignoscitur verò alienatio iecoris
præsertim ex vrina sanguinei coloris, aut
vinacei: quæ significat retentricem ieco-
ris, venarum, & renum labefactatam, &
prostratam penitus: eadem est interpreta-
tio Aph. 29. lib. 7.



DE PROGNOSTI- CIS AD RENVM MOR-

BOS, VESICAE, VEN-
triculi, & intestinorum
spectantibus.

*Renum & vesicae vitia, in senibus difficulter
curantur. 6. 6.*



ER vitia intelligit Hip. omnis generis morbos, renum, & vesicae, curantur vero difficulter in senibus, propter naturae debilitatem praesertim, si illi morbi fuerint longi, in superioribus namque dictum fuit rauces & grauedines in senibus non curari. Accidit, quod medicamenta ad illas partes peruenire non possunt integris viribus, praeterea ob affluxum perennem serosi humoris salis & acris per renes & vesicam labentis, ex quo ulcera nascuntur & dolores, nec non inflammationes. Triplici ergo de causa renum & vesicae vitia in senibus difficulter curantur.

*Si quibus vero è renibus laborantibus, praeter
supra dicta signa, dolores etiam circa spinam
musculos fiant, siquidem ad loca exteriora sen-*

tiantur, extrinsecus abscessum quoque expecta: Si vero ad interiora magis vergant, abscessum etiam intrinsecus futurum potius sperandum est. 36. 7.

MOrbos renales intelligit eos omnes, qui nascuntur in regione renum, & circa lumbos. Mala vero signa illa, quæ fuere duobus superioribus explicata, nimirum bullæ supernatantes in vrina, tum pingue, quod supernatat in vrina, quæ longum morbum renum, & diuturnum significant, Bullæ namque demonstrant calorem multum, qui dilatat humorem viscidum illum, replendo flatibus: pingue autem est effectus caloris febrilis vehementioris fundentis, quæ omnia mala sunt signa: ad ea vero si accesserit dolor vehemens, denotant in his locis intemperiem cum materia, quæ temporis progressu mutabitur in abscessum exteriorum, aut interiorum, prout dolor fuerit internus, aut externus.

In morbo diuturno cibi fastidium, & sincera deiectiones malum. 6. 7.

IN morbis longis opus est victus ratio. Ine pleniore, ut vires conseruentur ex lib. 1. aph. Si ergo æger, qui longo laborat morbo, cibi fastidio vexetur, interiturus est alimenti penuria. cibi vero fastidium nascitur ex appetitione prostrata, sincera

136 IACOB. FONTAN.
autem deiectiones, significant debilitatem
facultatis miscantis excrementa, tum con-
sumptionem feri omnis, omnis verò facul-
tatis informitas mala censetur, & quo plu-
res in vitio sunt facultates, eo peiore loco
sunt res ægri.

*Qui sanguinem vomunt, si sine febre quidem, sa-
lutare: si vero cum febre, malum: curare vero
acerbis & refrigerantibus. 37. 7.*

OMnis depletio plethorę, laudabilis e-
xistimatur, atqui vomitus sanguinis
sine febre, est euacuatio eius copię. Ergo
bona est: Si verò cum febre ille vomitus
contingat, quoniam demonstrat vehemē-
tem inflammationem, aut erosionem, vel
ruptionem venę ventriculi, malus est exi-
stimandus, difficile namque curatur, &
ventriculus, in quo est vomitus proxima
causa debilitatur, vnde ventris segnities,
coniungitur cum vasorum impuritate &
sequitur omnium confusio. Hip. subiungit
modum curandi per refrigerantia, & a-
stringētia, vi illius canonis, contrariorum
contraria sunt remedia.

*Singultu fatigante, sternutatio superveniens li-
berat. 13. 6.*

Singultus causa multiplex vna primaria,
altera per consensum: primaria ab ina-
nitione, aut repletione, hic aphorismus
intelligendus est de singultu à repletione

orto, nam cum in eo æger euacuatione molestantis materiæ egeat, sternutamento fit succussio ventriculi, ad quam sequitur euacuatio, materiæ singultum excitantis, est ergo prognosticus hic aph. quoniam suborto sternutamento in eiusmodi singultu sanitatis spes elucet, tum etiam therapeuticus, quod imitatione naturæ post purgationes debeat medicamentis sternutatio commoueri, propter causam dictam.

In longis intestinorum difficultatibus, cibi fastidium malum, & cum febre peius. 3. 6.

Cibi fastidium in longo morbo periculosum, in superiori aph. iudicatum fuit, peius autem censeretur, etiam in longis intestinorum difficultatibus: nam ob fastidium cibi non nutriuntur partes, & propter fluxus alui, deperditur corporis substantia, si ad hæc mala accedat febris dissipans spiritus & humorem radicalem, non tantum male habent tales ægri, sed lethaliter afficiuntur.

In diuturna leuitate intestinorum, si ructus acidus superueniat, qui prius non extiterit, bonum est signum. 1. 6.

Rvetus acidus potest contingere in lienteria, aut in principio, aut longo post tempore: in principio, est iudicium crudæ materiæ in ventriculo residentis, quæ ab

intemperie frigida ventriculi ortum ducit, ructus vero superueniens, qui prius non erat sed longè a principio lienteriae, bonum est signum, nimirum naturæ, aut facultatis coëctricis reminiscens: cum enim effecta esset & languida, nulli suscitabantur ructus, quod potis non esset natura vaporem procreare ex cruditatibus in ventriculo stabulantibus. Cum autem multo post tempore ructus mouet, elucescit coëctricis reminiscens potestas, quæ paulatim vires resumendo, in pristinum statum reuocatur.

Dysenteria si ab atrabile inceperit, lethale. 24. 4.

NON dicit hip. dysenteriam ab atrabile lethalem, Nam si atrabilis excreta fuerit criticè, in bonis ducitur eius excretio. Sed scribit si ab atrabile inceperit, in principio enim, eius excretio critica esse non potest, cum in principio omnia sint cruda, nec pepasmi sit capax, quia tantæ est malignitatis, ut in principio cogat naturam ad sui excretionem. Lethale itaque parit vlcus, tum perennitate affluxus, acerbitate doloris, affectione incurabili, partis vnde promanat, interceptione communis officij intestinorum.

Difficultatem intestinorum habenti, si veluti caruncula deiciantur lethale est. 26. 4.

IN dysenteria crudeli, primò pinguedo deiicitur, qua obliniuntur intestina interna parte. secundò, tunica interior intestini abraditur, quæ alba est, cuius partes *εφελκιδες* aut ramenta intestinorum appellantur. tertio & ultimo substantia eiicitur, mixta ex tunica & carunculis: est enim exterior intestinorum membrana carnosæ, cum eo peruentum est, nihil superest exedendum, nisi tunica quæ intestinis à peritoneo communicatur, corrodat, & perforantur omnino intestina; huius tunicæ carnosæ, vlcera valde sunt periculosa, præsertim in tenuibus intestinis, in colo verò & recto, nō perinde, quod vt scribit doctissimus Duretus nullum superfit regenerandæ carnis fundamentum.

A sincera deiectione, dysenteria. 23. 7.

SVnt, qui addunt malum, cuius nominis Gal. & Holler. nullam mentionē faciūt nec Auega, Valesius eos reprehendit, qui addiderunt: non tamen in re ipsa differunt. Certum quidem est synceram deiectionem acrem esse, præsertim, cum à Gal. dicatur sincera, cui nulla aquosa humiditas est permixta; ea autem potissimum dicitur biliosa, & atrabilaria: nec mirum si acre excrementum erodat intestina, dysenteriaque pariat, quæ non potest esse nisi mala, ratione humoris synceri. Nam omnis sincera excretio mala fuit iudicata,

tum symptomatis, nulla namque dysenteria, nisi critica sit, potest dici, nisi mala, à syncera verò excretionē nata symptomatīca est. Ergo malā, hic aph. pertinet ad predictionem futuræ dysenteriae & ad curationem, ut scilicet medicus his utatur medicamentis, quæ prohibent exulcerationem intestinorum, qualia sunt pingua, & lenientia.

Quibuscunque ileos superuenit & à stranguria, intra septimum diem moriuntur, nisi febre succedente urinae satis effluat. 44. 6.

TOta difficultas huius aphorismi, est posita in hoc, quo pacto urinae stillicidio superueniat Ileus, cui febris superueniens sit remedio, à posteriori sic argumentari videtur Gal. solis illis morbis cōfert febris qui ex frigida intemp. nascuntur aliquando sola, & nonnunquā cum humoribus crudis, & flatuosis spiritibus, ex quibus ita concludit in fine commentarij, multitudinem igitur crudorum humorum una cum multa frigiditate, melius est tallium in ileo casuum, qui dicti sunt causam arbitrari; hic enim sola febris esset remedium dispositionis, & retentorum urinarum euacuatio: his positis perquirendum utrum stillicidium urinae, à crassis humoribus possit oriri: respondeo frigidi humores intestinis inclusi possunt adeo refrigerare vesicam, proindeque eius vim retentricem debilitare, ut inde stillicidium urinae pro-

næ proficiscatur: & ab iisdem in intestinis
 produci potest ileos, præclusis ductibus,
 per quos fæces excluduntur: is ileus acer-
 bitate doloris solet intra septem dies peri-
 mere ægrum, nisi febris superueniat, quæ
 ex Gal. in comment. huius aph. euacuabit
 crassos humores per vrinas, postquam
 confecti, & cocti erunt.

*Ab ileo vomitus, aut singultus, aut convulsio,
 aut delirium malum. 10. 7.*

Ileus, morbus est intestinorum in ob-
 structione consistens, & interceptione
 meatus illorum: cuius causæ proximæ
 sunt crudi humores crassi, fæces exsiccatae,
 enterocoele, inflammatio intestinorum, o-
 mnia denique, quæ fœcibus expurgandis
 viam intercludunt; locus affectus est inte-
 stinum aliquod tenue aut crassum, vt intel-
 ligi potest, ex Galeni commentario se-
 cundo. In lib. 3. epid. vomitus non o-
 mnis est malus in ileo, præsertim in prin-
 cipio, sed is tantum in quo stercus reiicitur
 per os. Cum enim per ventriculum tran-
 seat, inficit partes vitales suo fæore, lypo-
 thymias parit, & signum est futuræ priva-
 tionis nutritionis, quod chylus nec confi-
 ci, nec distribui possit: ab eadem causa sin-
 gultus ortum ducit, quod nimirum, ab ex-
 crementis transeuntibus, per ventriculum
 erodatur superius eius orificium, à quo
 singultus nascitur, qui si sequatur nimiam
 euacuationē, per vomitum factam, lethalis

○

omnino putabitur, desipientia verò nascitur propter fumos ascendentes ad cerebrum, lædentes imaginationem: conuulsio autem si fiat per consensum, cum ventriculo male affecto, & intestinis, mala quidem est; ab inanitione per vomitum genita lethalis omnino.



PROGNOSTICA DE FEBRIBVS.

Febres quæ tertio quoque die vehementius affligentes non intermittunt periculosiores sunt: quoquo enim modo intermiserint periculum abesse significant. 43. 4.



FEBRES intermittentes dicuntur, quarum paroxysmi definunt, ad infebricitationem, periculo autem vacant, quia tempore intermissio- nis, natura reparatione virium studeat, nec proficiantur ab inflammatione, aut corruptione alicuius partis internæ principis, aut officialis, nec à maligno humore, quæ causæ solent periculum in febribus creare: tamen tanta potest esse virium debilitas, defluxio, aut syncope in febribus intermittentibus, ut in principio accessionis, aut in incremento, æger moriatur, non raro in-

IN APHORIS. HIP. 163
declinatione per dissipationem spirituum,
de qua re fusius in praxi.

*Quibus accessiones fiunt, si febres quacunque ho-
ra dimiserit, postero die eadem inuaserit, iis
difficulter soluitur. 30. 4.*

Veritas huius aph. confirmatur expe-
rientia, & ratione, cum vero textus
sit inuolutus obscuritate, cum scri-
bit, si qua hora dimiserit, eadem repetat,
enodandus est: posset enim intelligi, si ho-
ra nona. v. g. finiatur febris hodie, crastina
die, aut alia, hora nona incipiat. Quæ in-
terpretatio non esset cōueniens: quoniam
illa febris mutatio, ratione temporis, non
significaret difficultatem iudicij: sed varie-
tatem, in causis morbificis: quocirca non
de fine vnus, & de principio alterius fe-
bris textus est audiendus: sed de principio
ambarum: & sensus sit, si quacunque hora
inceperit, vno die, altero eadem hora re-
uertatur febris iudicatu difficilis sit, quod
par remaneat quantitas, & dispositio simi-
lis materiæ, naturaque in dies debilitatur,
& debilitata non possit immutare, & do-
mare materiam febrem committentem:
quare morbus saltem est futurus longus:
& non sine periculo, nisi diligens medici
industria, suppetias attulerit.

*Quibus in febribus quotidie rigores fiunt, quo-
tidie febres solvuntur. 63. 4.*

O ij

Rigoris nomine intelligit Hip. nō tantum rigorem propriè dictum: sed refrigerationem, & horrorem, nec de omni febre: sed de simplici intermittente: nam in hæmitritæo, rigores fiunt alternis diebus: non tamen soluitur febris iisdem, rigor namque in febribus, demonstrat materiam extra vasa collectam quæ accenditur, & deinde dissoluitur, aut per sudores, aut per insensibilem transpirationem: quoties ergo rigor adest in principio febr. illiusque materia continetur in habitu corporis, potest prædicare medicus illam solutam iri, accessionesque alias futuras.

Æstivæ quartanæ, magna est parte breves sunt, autumnales verò longæ: præsertim quæ hyemem attingunt. 25. 2.

Causa lōgitudinis aut brevitatis morborum constituitur in copia materiæ, illius consistentia, evaporationis facilitate, aut difficultate, & viribus, pauca enim quantitas materiæ raræ, in corpore meabili tempore æstatis, constantibus viribus facile discutitur, à contrariis causis contrarius nascitur effectus, atqui æstate materia pauca colligitur quia corporis excrementa euacuantur facile, rari sunt humores, biliosi namque potissimum accumuluntur, vi tempestatis facile excutuntur, per poros apertos quibus, si accidat virium robur, morbi omnes solent esse æ-

IN APHORIS. HIP. 163

state breues. verum, quartana à crasso fit humore, melancholico scilicet, aut atrabiliario: verum illud quidem est, nihilominus rarescunt illi humores admixtione bilis, & vi caloris tempestatis: Quare æstiuæ quartanæ magna ex parte breues sunt: magna quidem ex parte, nam si vires sint debiles, & copia crassorum humorum, longæ esse possunt, autumnales ex contrariis causis longæ fiunt, & præsertim si ad hyemem perducantur, propter generationem humorum crassorum, & perspirationis diminutionem.

In febris non intermittentibus, si partes exteriores sint frigida, & interiores urantur, & sitim habeant lethale est. 48. 4.

IN febris continuis non possunt esse partes exteriores frigida, & interiores calida, nisi calor partium exteriorum attrahatur intro, hoc autem non fit, nisi inflammatis partibus interioribus, quarum inflammatio cucurbitulæ modo attrahit sanguinem & spiritum intro: ab inflammatione vero sitis. Lethale autem existimatur tale symptoma, quod ab incendio interno dissipetur calor natiuus & spiritus, quorum dissipatio lethalis est habenda: appositum autem, (& sitim habeat) quod illa sitis magnitudinem inflammationis, & incendij demonstret.

Si in febre non intermittente labrum, aut supercilium, aut oculus, aut nasus peruertatur, si non videat nec audiat imbecillo iam existente corpore: Quicquid horum acciderit mors in propinquo est. 49. 4.

Symptomata quæ enumerantur, pertinent ad facultatem animalem læsam, nam conuulsio labri, supercilij, oculorum, & nasi, est effectus deprauatæ motricis facultatis, visus verò priuatio, & auditus, abolitæ visuæ & audiendi facultatis symptomata existunt, quæ mala censerī debent: tamen quia ut in prognostico dictum fuit, damna facultatis animalis, si exceperis respirationis incommoda, numerantur inter illa, quæ parum medicum terere debēt. Idcirco Hippocrates adiungit alia symptomata, quæ ostendunt facultatis vitalis, & naturalis læsionem: cum ait imbecillo existente iam corpore, robur namque corporis potissimum ab his duabus facultatibus pender, vitali, & naturali, quare si quid horum acciderit cum debilitate facultatis vitalis, & naturalis, in propinquo mors est: Sed præterea animaduerrere oportet, num hæc symptomata sint critica, ad tempus apparentia: an symptomata: siquidem hæc appareant post coctionis signa, medico nullum terrorem incutere debent, sed opinionem suggerere præsentis conflictus naturæ & morbi in quo superabitur morbus: Si verò appareant hæc, cum

TAR.
IN APHORIS. HIP. 167
signis cruditatis, funesta merito iudicari
debent.

*Quando in febre non intermittente difficultas spi-
randi, & delirium accidit, lethale est. 50. 4.*

Difficultas respirandi & delirium signi-
ficant facultatem animalem esse læ-
sam, nempe motricem & imaginatricem:
in febre verò continua, non potest esse re-
spiratio, nisi aut rara, & magna, aut celer,
& magna, aut celer & parua, & aliquando
frequens, magna quidem & rara in delirio,
qui namque delirant obliuiscuntur officij:
quare respirationem suspendunt, vsque
dum necessitate vitæ coacti, respirare rur-
sus incipiant: & quia diu respirationem in-
termiserunt, ex quo magnum in corde in-
cendium conceptum est, quo possint illud
resarcire magnam edunt respirationem:
est vero respiratio aliquando in delirio
parua, & frequens, quia damnum cessatio-
ne contractum magnitudine subsequente
non potest compensari: id autem contin-
git, quia partes respirationi dicatæ offen-
duntur dolore inflammationis, aut alio mor-
bo impediende dilatationem pectoris: Ita
ut magna non possit fieri respiratio, siue
ergo fuerit magna & rara respiratio. aut
parua & frequens, non potest satisfacere
vui, ex quo defectu sequitur dissipatio ca-
loris innati, in ipso corde ab incendio, vn-
de mors.

*Qui in febris, aut in aliis morbis voluntarie
illachrymant, nihil absurdi est. Qui vero non
voluntarie absurdius. §2. 4.*

Lachrymæ sunt excrementa tenuia & aquea tertiæ coctionis, quæ fit in oculis, effluunt verò per glandem lachrymalem voluntarie aut non, voluntarias vocat Hip. quando voluntate consentiente exeunt lachrymæ, expressione aut dilatatione, ut in tristitia, aut lætitia, malum namque apprehensum partes contrahit, quæ contractæ exprimunt humorem: bonum verò expandit & laxat partes, unde humoris effluuium: his autem affectionibus consentit voluntas: quare illæ lachrymæ voluntariæ dicuntur, non voluntariæ autem fiunt, sine consensu voluntatis, & nascuntur vel à causis externis fumo, vento, acrium rerum odoratu, aut ab internis, febre, aut à debili oculorum retentricæ, quæ illas finit elabi: hæ postremæ malæ sunt quod denotent facultatis retentricis debilitatem, omnis vero debilitas, cuiuscunque facultatis, in malis ducitur.

Quibus in febris iuxta dentes lentores nascuntur: iis febres vehementiores fiunt. §3. 4.

Cum febres vehementiores fiunt periculosiores quoque sunt, quocirca hic Aphorismus pertinet ad prædictionem: lentores verò hi circa dentes oriuntur à

tur à vehementi calore exsiccante humores lentos, effectus autem, cum causæ potestatem demonstrent, lentores illi iudicabunt ardorem auctum. hi verò si nigri extiterint, malignæ febris notas præ se ferunt.

Febres ex inguinum bubonibus ortæ omnes mala, præter diarias. 55. 4.

BVbo propriè dicitur inflammatio nata in inguinibus, aut axillis, & licet alij tumores in illis partibus orti bubones vocentur, hoc Apho. tamen inflammatio audienda, cum febrem coniunctam habeat, quas febres omnes malas inquit Hip. præter ephemeræ, nam ephemeræ ut leues sunt cito finituræ, ita prauæ affectionis indicia esse non possunt. Aliæ autem febres quæ denotant, bubonem principia ducere ab aliquo viscere principe aut officiali, quod mittit ad emunctorium materiam corruptam, quam in se concepit, malæ merito iudicari debent: omnes enim affectiones illarum partium magnæ sunt, & præsertim cum bubonem consectarium habeant, eo namque ostenditur: aut copia materiæ corruptæ, aut eius malignitas, qua cogitur viscus illud ad excretionem in emunctorium: omnis verò magna visceris affectio mala est existimanda, præsertim si proficiscatur à copia materiæ corruptæ, aut ab illius malignitate.

P

*Qui ardente febre correptus est, à morbo liberatur
si rigor successerit. 58. 4.*

Superueniens rigor febri ardenti est
nuncius pugnae inceptae naturae, & mor-
bi, illam si sequatur excretio materiae
causae febris, & rigoris per vomitum, alui
fluxum, aut sudorem, liberat à febre arden-
te; quam ob causam hic Aph. spectat ad
praedictionem, cum excretio, res sit fu-
tura post rigorem: eius autem excretionis
futuræ ex rigore non sunt captanda indi-
cia certa: quia semper rigori non succedit
expulsio materiae morbosae: sed ex signis
coctionis praecedentibus. Quoties enim
prægressis coctionis iudiciis rigor com-
mouetur, rigorem excipit materia morbi-
fica exclusio salutaris: Verum si cruda ex-
titerint excrementa, rigor ille symptoma-
ticus est, qui commouet materiam, nec ex-
pellit, ut decet: Quocirca post rigorem æ-
gri perfrigerantur, & peius habent, aut
moriuntur.

*Quibus per febres ardentes aures obsurduerint,
iis sanguis è naribus profluens, aut aluius
turbata morbum soluit. 60. 4.*

Aures obsurdescunt à fluxu alicuius
materiae, in neruum auditorium, aut
dissipatione spirituum, ut in morituris: Si-
gna fluxus materiae sunt, ea quae ostendunt
cerebrum onerari humorum copia: in fe-

bre autem ille humor calidus sit est necessesse, quare sanguis aut bilis, vel vterque humor, quorum indicia in facie apparent, & in cerebro, tumet namque facies & præsertim eius venæ, lucidi sunt oculi, tumentes, intra cerebrum vertigo febricitantem exercet, hebetudo memoriæ, & facultatum reliquarum principum oblæsiō, cum hæc adsunt, effulget spes futuri sanguinis per nares effluuij, in ægri salutem: est ergo conditionalis hæc propositio.

Quibus in febribus morbus regius ante septimum diem accidit, malum. 62. 4.

Multi hunc Aph. falsum existimant, quod experientia multorum acciderit ante septimum diem plures sanari. Amatus Lusitanus, contra calumniam Plinij & Auerrois respondet, curationem quadragesima nona centuriæ tertiæ, Hip. intellexisse ante diem septimum illud tempus, in quo materia cruda est: & quia ut plurimum materia illa biliosa & crassa, quæ non potuit excerni, non coquitur ante septimum diem, posuit terminum communiorē. Aph. ergo probatio talis erit, omnis transmutatio & motus materiæ, qui symptomaticus est, bona censi non potest: Atqui in morbo regio, ante coctionem materiæ est symptomaticus? Ergo malus est censendus.

*Qui in febris morbus regius septimo vel
9. vel 11 vel 14 successerit, bonum nisi dex-
trum hipochondrium durum fuerit : si vero
non, non bonum. 64. 4.*

EAdem est interpretatio huius Aph.
quæ superioris, verum paulo diluci-
dior; ob duritiem relictam in iecore: nam
durities illius demonstrat icterum esse
symptomaticum, proindeque non bo-
num.

*In febris, circa ventriculum vehemens æstus,
& cordis morsus, malum. 65. 4.*

AEstus circa ventriculum maximam
significat inflammationem ventricu-
li, aut partium vicinarum iecoris, lienis,
aut alterius, vt ecphysis, vel copia bilis
æstuentis in illis partibus, cordis morsus
nimirum orificij superioris ventriculi, ab
humoribus calidis & corruptis excitatur,
hec omnia mala censentur, vt causa, quod
dissipetur calor natiuus illarum partium
ab incendio: cibi corrumpuntur in ven-
triculo: vnde suo alimento priuatur totum
corpus.

In febribus acutis conuulsiones, & circa viscera vehementes dolores, malum portant. 66. 4.

IN febribus conuulsio nascitur, aut à siccitate dissipante humidum radicale partium, aut à bile orificium superius ventriculi corrodeute, cuius vehementiæ, dolores circa viscera signum esse possunt: siquidem à siccitate nascatur extrema humidi primigenij, mortalis est: per consensum vero orificij ventriculi genita, non est lethalis semper.

In febribus conuulsiones, aut pauores malum. 67. 4.

PAUORES sunt symptomata affecti cerebri per se, aut per consensum, à repletionem nata, ex vapore aut humore melancholico, aut atrabilario: conuulsio etiam proficisci potest, à siccitate, per dissipationem à calore febrili ortam, vtraque mala est: peior tamen quæ à siccitate ortum ducit, quemadmodum in superioribus fuit explicatum: humores autem illi, qui in cerebro generant pauores, malignæ sunt naturæ: atque ideo eorum effectus mali dicuntur.

In febribus, spiratio offendens, & interrupta, malum: conuulsiones enim significat. 68. 4.

RESpiratio offendens, aut est in febre, aut extra febrem. Idque duobus modis aut in plorantibus, & singultientibus, aut debilibus: in quibus facultas motrix voluntaria, aut impedita: aut debilis, quod vno impetu perficere non potest duobus conatur præstare: hoc loco Hipp. loquitur tantum, de respiratione offendente, aut intercepta à febre nata, quæ à siccitate ortum ducit necessario, atque ita argumentatur, illud quod significat conuulsionem futuram à siccitate malum est, respiratio intercisa demonstrat conuulsionem futuram à siccitate. Ergo mala est: maior potest hoc modo probari: Id quod ostendit partis imperantis & obsequentis in respiratione siccitatem, significat futuram conuulsionem: atqui intercisa respiratio denotat cerebri imperantis, & muscutorum obsequentium siccitatem, quæ febre emanat. Ergo intercepta respiratio patefacit futuram conuulsionem, & per consequens mala est. quoniam conuulsio à siccitate lethalis existimatur.

Si rigor incidat, febre non intermittente, egrum iam debili lethale est. 46. 4.

FRequens & iteratus rigor, significat iteratum & irritum naturæ conatum:

ad excludendam materiam morbificam qui ægrum fatigat, eiusque vires debilitat, supponitur præterea æger debilis, & febris perseverans, quæ dissolvit, & depascitur calorem nativum: quid ergo mirum si æger moriatur in tanta virium debilitate: & licet post rigores iteratos, succederet excretio, vires iam debilitatæ perferre non possent: quare, qui tali modo sunt constituti, moriantur est necesse.

Excretiones in febribus non intermittentibus, liuidæ, cruentæ, sætidæ, & biliosæ omnes male. 47. 4.

AB excrementis, & effectis causarum, & signis medico oblatis, fieri potest iudicium affectionum, causarum, & partium, ex quibus emanant: per quæ, prædictio institui potest. Excretiones, inquit Hip. liuidæ, quæ producuntur per necrosim caloris innati: cruentæ, ab aperto, erosso, aut rupto aliquo vase: fatidæ, ob corruptionem, & putrilaginem humorum: biliosæ, à bile impermixta, & sincera, quæ omnes causæ malæ sunt atque ideo excretiones, malæ referentes naturam causarum tamen licet natura sua tales extiterint, si commode exeant, nimirum die critico, post signa coctionis, quæ significant naturam superasse necrosim inceptam, & causam apertionis, erosionis, aut rupturæ vasorum, & putrilaginem: denique bilis sinceræ ferocitatem, bonæ sunt. theorema est

P iiij

enim catholicum à doctissimo Dureto annotatum: in comment. in hunc Aph. excrementa, quantumvis mala in qualitate, quantitate, aut colore, bonis ægri rebus excerni, si die critico præcedentibus signis coctionis, & cum ægri adiumento excernantur: eadem est ratio cæterorum excrementorum. quare hoc Aph. In specie scribens de excrementis alui, vult intelligi de omnibus excrementorum generibus, vrinis scilicet, mucus, sputis, & sudoribus.

Quibus per febres vrina perturbata sunt veluti iumentorum, eis dolores capitis, vel adsunt vel aderunt. 70. 4.

Vrina perturbata perspiciuntur, & similes vrinis animalium veterinorum: aut cum minguntur, aut multo postquam miſtæ sunt. Hip. intelligit de vrinis recens miſtis, quarum crassities, & perturbatio nascitur ex magna copia crudi humoris, qui cum sero humorum miscetur, & confunditur à calore vehementi, ebullitionem in illis suscitante, ex quibus multi flatus efferuntur ad cerebrum, qui aut præsentem producant dolorem cerebri, aut mor futurum à distentione: & alteratione membranarum cerebri: quare hic Aphr. partim est diagnosticus, partim prognosticus; vrina vero quæ perturbantur longè post miſtionem, perturbationis causam agnoscunt, frigus externi aeris.

Quaecunque febres non intermittentes tertio die validiores redduntur, periculosa existunt: quoquo modo autem intermiserint periculum abesse significant. 43. 4.

H Ip. videtur comparare febres tertio quoque die vehementius affligentes, non intermittentes, cum aliis febrib. scribit enim has esse periculosiores, puto eas conferre cum febribus continuis quæ non exacerbantur tertio quoq; die: sed distantes habent exacerbationes, ut quartana continua: verum continua quotidiana periculosior ea ratione esset, propterea quod frequentius exacerbatur, nimirum quotidie, respondemus biliosas febres continuas, quæ tertio quoque die exacerbantur periculosiores esse, non simpliciter ratione exacerbationis, sed quod maiora adsint symptomata, propter ardorem vehementiorem, à bile ortum, quàm in quartanis, aut quotidianis continuis: continuæ ergo omnes, qua ratione continuæ sunt periculo non vacant, quod natura continuo affligatur: periculosiores tamen sunt illæ omnes, quæ exacerbationem patiuntur, & præsertim illæ, quæ tertio quoque die exacerbantur, propter rationem descriptam: & quia propter continuitatem febres periculosa sunt, sequitur à contrariis, ut quæ sunt intermittentes periculo careant.

In febribus, abscessus, qui in primis indicationibus non solvunt morbum, eiusdem longitudinem significant. §1.4.

Febres longæ solent, ut & alij morbi diuturni, iudicari abscessu, ut breves excretionem: verum ut abscessus per crism transmutationis generari possunt febre cessante: ita symptomatice, ea non desinente: hic Aph. intelligitur de abscessu symptomatice, in febribus, qui postquam natus est, si is indicationibus subsequentibus non solvatur, morbi longiorem durationem significat. cum vero sit abscessus, longi morbi symptoma, nimirum, quia ad vigesimum diem sit protensus, aut ad plures, Si non solvatur vigesimo septimo die aut 34. aut quadagesimo longiorem multo morbum demonstrabit, propter naturæ debilitatem, quæ non potest materiam illius superare.

Febricitanti si sudor crebro accidit, febre non deficiente: malum: prorogatur enim morbus, & multam significat humiditatem. §6.4.

Si febre superueniat sudor, febre non desinente, signum est sudorem illum esse symptomaticum, neque vacuatam materiam morificam: nam ablata causa proxima, febris desineret: quare serosi humores, & fuliginosa excrementa, sudore illo evacuantur: aut tenuior pars materiæ, febre

IN APHORIS. HIP. 179

excitantis, malum autem existimar illum sudorem Hip. quia prorogatur morbus, & humorem copiosum, in corpore redundantem ostendit: quare medicus euacuationis indicationem debet sumere per sanguinis missionem, & purgationem, præsertim si humores habuerint orgasmum.

Corpus eorum, qui non omnino leuiter febricitant, perstare, & nihil comminui, aut magis quam ratio postulet, extenuari, malum. Alterum enim diuturnitatem morbi, alterum imbecillitatem significat. 28. 2.

NON omnino leuiter febricitare, est mediocriter febricitare: intelligit ergo Hip. de ea febre quæ est media inter vehementissimam, & paruam, in qua considerata moles corporis ægri aliquot diebus, post illius principium, quæ si consistat in eadem quantitate aut si intra paucos dies fundatur & imminuatur, vtrumque malum est: nam illa extenuatio corporis subita, nisi sit excusatio alicuius euacuationis magnæ, demonstrat humorem radicalem, & calorem innatum dissipari: proindeque debilitatem virium, vires namque constituuntur, præsertim, in caloris naturalis copia. molis vero corporis permanentia, & immutatio significat, humorum abundantiam, & eorum visciditatem, & crassitiem, vel copiosius alimentum: atqui illi crassi humores non possunt subigi & dissipari, nisi longo temporis tractu. Er-

go morbus futurus est longus. vnde sum-
menda indicatio vacuationis, & præpa-
rationis per attenuantia, & incidentia me-
dicamenta, in copiosiore alimento inge-
sto, vtendum tenuiori victus ratione.

*Quibus febricitantibus sanguinis fluxerit mul-
tius, quacunque ex parte, cum reficiuntur
eis ului humectantur. 27. 4.*

HOlerius censet eruptionem hanc
sanguinis intelligi symptomaticam,
aut criticam excedentem, in qua
maior effluat sanguinis copia, quam par
sit: vnde sequitur refrigeratio partium,
priuatione caloris dissipati per hæmorra-
giam, & præsertim ventriculi; qui frigi-
dus sua natura, maiorem à diminutione
caloris per sentit noxam, ex qua nascitur
fluxus ventris lientericus necessario, cum
non possit benè coquere alimentum, nec
illud idem distribuere in corpus, propter
imbecillitatem partium ex exhausto affli-
ctarum: huius euentus curatio, consistit in
corroboracione ventriculi.

*Febricitantibus si sexto die rigores fiant, indica-
tionem habent difficilem. 29. 4.*

TERTIANA exquisita septenis ad sum-
mum circuitibus iudicatur. sunt e-
nim in ea motus tertiani. In doctrina Hip-
pocr. sexta dies raro perfectè iudicat. sæ-

IN APHORIS. HIP. 181

pius non tantum imperfectè, sed infelici-
ter: hæ propositiones experientia sola pro-
bantur, apud Hippocrat. in Epid. Dro-
meada vxor sexto die rigorem est passa,
deinde interiit. Hermocrates sexto die cœ-
pit regio morbo laborare, vigesimo septi-
mo vitam cum morte commutauit. Gal.
scripsit de tyrannide sexti diei. cap. 4 li-
bro 1. de diebus decretoriis, quoniam au-
tem aliquando contingit, sexto die mor-
bos solui salutariter, huius diuersitatis ra-
tionem afferunt materiæ morbum com-
mittentis varietatem: In biliosis quippe
ait tyrannum esse, in sanguineis non item.
difficile vocat iudicium Hippocr. quia illi
morbi in quibus rigores fiunt sexto die,
aut patiuntur recidiuam, aut mala sym-
ptomata, aut mortem, aut denique longi-
tudinem.

*Qui per febres lassitudinem sentiunt, iis ad ar-
ticulos, & iuxta maxillas potissimum absces-
sus fiunt. 31. 4.*

MOrbi, qui finiuntur abscessu, sunt hi
quorum materia expelli foras non
potuit per aliquam excretionem: sed tran-
sponi, & transmutari, è partibus inter-
nis ad externas, in his vero natura debi-
lis est, ab oppressione, & materiæ crassæ
copia, quæ significatur lassitudine sponte
nata in febribus: lassitudo enim signifi-
cat pondus à quo grauantur partes & de-
bilitatem illarum partium ab oppressione

natam : possunt enim fieri in omnibus articulis & potissimum iuxta aures , quod in febribus præsertim longis , quales sunt hæ , vaporibus & humoribus oneretur cerebrum , à quo in emunctoria post aures , humores depelluntur , & fiunt abscessus.

Quibus spes est ad articulos futurum abscessum, liberat ab abscessu urina multa , crassa , & alba prodiens , qualis in laboriosis febribus quarto die quibusdam exire incipit : si verò sanguis quoque è naribus profluxerit , brevi admodum leuatur æger. 74. 4.

HÆc enim quouis modo exierint educunt materiam futuri abscessus.

Quibus ex morbo conualescentibus pars aliqua laborat, eò abscessus fiunt. 32. 4.

LAssitudo illa & dolor in parte perceptus , signum est humoris iam decumbentis in illam , ex qua abscessus fiet. fit autem hic, in morbis in quibus imperfecta fuit crisis , reliquiae namque materiae morbificæ in partes illas detruduntur.

Quibus arida & dura cutis obrenditur sine sudore moriuntur: quibus vero laxa, & rara, cum sudore vita defunguntur 71. 5.

H Olerius vult hanc sententiam intelligi in febribus acutis, in quibus, qui antea erant molli cute, paulo post arefcit cutis, unde indicium sumitur humiditatis radicalis consumptæ, ex quo fit, vt moriantur exsiccati, conuulsi, aut trementes, sine sudore, quibus vero laxa cutis, & rara, ob copiam humoris cum sudore intereunt: laxitas enim illa ab humore superfluo nata, sudorem futurum denunciat per excretionem.



DE PROGNOSTICIS ad vterinos morbos spectantibus.

Mulierem gravidam morbo quopiam acuto corripi, perniciosum 30 5.



Orbus acutus, aut est cum febre, aut sine febre, quorum vterque periculi plenus est, morbus namque acutus omnis magnus proindeque periculosus, periculosior tamen censetur in muliere gravida ratione febris, & alimenti defectu: febris enim ipsa per se satis est ad foetum interficiendum, Nam dissipat corpus foetus tenerum & molle, vnde abortus sequitur, cum matris periculo grandi. Alimenti etiam defectu foetus est periturus, quod magna fiat dissipatio corporis, & vt plurimum foeta cibi fastidio afficiatur: Si vero morbus acutus fuerit sine febre, vt apoplexia & conuulsio inedia, quae sequitur illorum affectus peribit foetus: ergo verus est Aphorismus: dixit autem perniciosum, non omnino lethale, quod multa opo auxiliorum evadant.

Mulier

*Mulier in utero ferens secta vena abortit, eoque
magis si sit fœtus grandior. 31.5.*

Hic Aph. est prognosticus, quando scilicet fœtus per sanguinis missionem priuatur suo alimento, ex quo abortus nascitur, pertinetque ad confirmationem superioris Aph. Propterea quod in morbo acuto iuncto cum febre ut plurimum sanguis est detrahendus, ex cuius detractio sequitur abortus, unde in periculum conijcitur grauida: inter omnia tempora fœtus, in quibus sanguinis missio est periculosa in grauidis postremum tempus, quando scilicet fœtus est grandior, maius periculum adfert: quoniam in eo maiori alimenti quantitate eget fœtus, quare in fœta debili, & præsertim postremis mensibus, non est detrahendus sanguis, metu abortus: in sanguineis vero, & robustis grauidis, tantum abest, ut sanguinis missio abortum pariat, quin si vena eis non secetur, semel & pluries, patiantur abortum, huius rei faciunt fidem multæ experientiæ, & illæ mulieres grauidæ, quæ pluribus mensibus fundunt copiose menstrua per venas uteri exteriores, quæ nimirum in collum uteri desinunt. Notandaque hoc loco Celsi sententia, atqui (inquit) persuaserant sibi mulierem grauidam, cui sanguis fuerit detractus abortum esse passuram, postea vero usus ostendit, hoc non esse perpetuum. Quare, quando vires adsunt

Q

& magna repletio, sanguis etiam grauidis,
est detrahendus.

*Mulieri menstribus præter naturam deficientibus,
sanguis è naribus profluens bono est. 33 5.*

QUod morbis futuris remedio esse
potest, id bonum censi debet; at-
qui in menstribus suppressis, sangui-
nis è naribus fluxus auferendo, materiam
illam corruptam futuram causam morbo-
rum, illis remedium est: ergo fluxus ille
bonus, cum vero medicus debeat imitari
naturam bene agentem, quæritur vtrum in
suppressione menstribus debeat procu-
rare, vt sanguis, detrahatur ex naribus aut
ex brachio, Respondemus, mulieres, qui-
bus deficiunt menses, aut sunt plethoricæ
solum; aut aliquo morbo laborant par-
tium superiorum phlebotomia egente, aut
nulla plethora laborant, neque morbo iam
dicto Ratione plethoræ ex brachio detra-
hemus, tum propter morbum dictum, qui-
bus sanguis missione ablatis à medico
oportet: Deinde ex venis inferioribus,
sanguinem ducere, si absit plethora, &
morbus, qui indicet sanguinis detractio-
nem, per superiores partes necessarium
est, ad prouocandos menses venas aperire
infernas, & in lochijs retentis, semper in-
fernae aperiendæ: suppressorum enim
menstribus, & lochiorum curatio, est
eorundam prouocatio.

Mulieri sanguinem euimenti, menstruis erumpentibus, solutio est. 32. 5.

Hic Aph. est prognosticus, quod mēstrua apparentia in muliere sanguinem euimente, faciant, vt medicus vomitus cessationem, & sanitatem polliceatur futuram: therapeuticus vero; quod hic Aph. in vomitu sanguinis, ostendat quid sit faciendum, nimirum per reuulsionem aut menstrua prouocare, medicamentis & venarum inferiorum apertione.

Mulieri uterum gerēti, si aluus multum fluat periculum est ne abortiat. 34. 5.

Intelligendus est Aphorismus de omni alui fluxu excedente, lienterico, diarrhæico, & dysenterico, inter quos, duo, nempe disentericus & lientericus, grauiorē existunt: Nam si multus fluxus alui periculum adfert abortus, præsertim propter priuationem nutritionis ipsius fœtus, & imbecillitatem matris: Hi fluxus ergo grauiorē existimabuntur, à quibus, maior sit priuatio alimenti, & matris debilitas: atqui in lienteria præripitur materia futuri sanguinis, in dysenteria autem sanguis iam confectus effunditur, quæ non contingunt in diarrhœa in qua deprauati humores euacuantur: tantum ergo maius abortus periculum afferunt lienteria, & dysenteria.

Q ij

quam diarrhæa : vnde forsan aliquis colliget diarrhæam nullum periculum abortus minari. Respondemus abortum pati mulieres, non tantum propter causas commemoratas : sed etiam ob vteri commotionem, agitationem totius corporis, materię præterfluentis infectionem, tum causæ magnitudinem : cum enim grauidis alius sit astricta, consumptione humoris, oportet magnam subesse causam, quę magnum alui fluxum commouet, in fluxu ergo alui multo excitato in prægnantibus, oportet prædicere periculum abortus, & remedia fluxui compescendo adhibere.

Mulier hystERICA, aut difficulter parienti, sternutamentum superueniens bonum. 35. 5.

HIp. lib. de morbis mulierum arbitratus est in passione hystERICA, siue vteri suffocatione, vterum ascendere versus hepar: atque ideo diaphragma comprimere, parereque difficultatem respirandi: quare cum in sternutamento comprimantur partes ventris inferioris deorsum, tum ipsum diaphragma sternutamenti ope, vterus sursum elatus deorsum deprimetur. Quare bonum erit, atque idem sentiendum de partu, verum illa sententia, merito fuit à Gal. refutata lib. 6. de locis affectis, vt in nostra praxi explicauimus, quare secundum Galen. opinionem sternutamentum hystERICIS vtile est, duplici ratione: primo quod significet expultricem na-

turalem cerebri, & motricem arbitrariam, (quia sternutamentum non possit fieri sine respiratione:) excitari, secundo ob expulsionem auræ venenatæ hystericum paroxysmum suscitantis: ei vero quæ difficulter parit prodest etiam, per compressionem, à qua nascitur expulsio fœtus. Quare si superuenerit illi sternutatio, liberatio à morbo prædicenda est: si non superuenerit artificio excitanda: ergo prognosticus est Aphorif.

Si mulieri uterum ferenti mammae subito extenuentur, abortus sequitur. 37. 5.

Hic Aph. est intelligendus de tempore quo mammae intumuerunt: est autem illud circa tertium, aut quartum mensem, cum fœtus moueri incipit: at quo pacto possunt tunc temporis intumescere mammae, cum fœtus iam grandior factus maiorem copiam sanguinis ad se alliciat. Hoc verum est, sed propter fœtus grandiorem molem partes ventris comprimuntur, proindeque venæ à compressione fit sursum versus sanguinis excretio ex Hipp. lib. de natura pueri: atque ideo lacte turgent mammae, quæ cum sint turgentes, si subito gracilescent abortum significant secundum Hipp. rationem afferunt authores: Quoniam extenuatio illa mammarum denotat fœtum egere alimento, quare à māmīs attrahit, & tandem, cum deficiat alimentum abortus sequitur: verisimilis illa

Q iij

ratio videtur, sed, ut attractio sanguinis à foeta egente alimento, fit sensim: ita extenuatio paulatim debet contingere: quare intelligere est necesse illud (subito) intra aliquot dies: cum vero illa detumescencia significet defectum alimenti, ad quem commouetur foetus, & exitum sibi procurat vinculorum ruptura, vnde sequitur abortus.

Mulier geminos ferenti, si altera mamma extenuetur alterum abortum edet: & si quidem dextra mamma extenuata est marcm, si vero sinistra foeminam abortione excludit. 38. 5.

CAusa abortus explicata fuit, in superiori commentario, verum superest dubitatio duplex, prima quæ sit, ut vno excluso alter foetus in utero maneat: secunda num in dextra parte uteri mares gerantur: primæ respondetur, uteri partes linea distingui, tum foetum quemque suis tegi inuolucris, esseque vasa umbilicalia gemina, quare ruptis vasis umbilicalibus vnius foetus, non est necesse alterius frangi: cum vero uterus aperiatur, dum vnus egreditur, alter qui remanet incurrit maximum vitæ periculum, ab aëre externo, & ab agitatione: non tamen egreditur necessario: potest ergo fieri, ut vno foetu egrediente alter remaneat. ferri autem mares in dextris, & foeminas in sinistris, rationi consentaneum est: propterea quod dextra sunt calidiora sinistris propter iecur,

IN APHORIS. HIP. 791

mas autem foemina calidior intensius:
Quare Hipp. pronunciauit Aph. 48. lib. 5.
mares dextra vteri parte, foemina sinistra
magis gestantur.

*Quibus in mammas sanguis colligitur, furorem
significat. 40. 5.*

Colligitur sanguis in mammis per de-
fluxum, qui ortum ducit à sanguine
redundante, nimirum plethora geni-
ta in corpore, à causis proprijs sanguinem
multum procreantibus, aut à mensū sup-
pressionē, vnde inflammatio producitur, à
qua vapores ascendunt ad cerebrum cali-
di, & acres, furorem commouentes, per
laxionem imaginationis.

*Si pregnantī fiat in vtero erysipelas, perniciosum
est. 43. 5.*

Erysipelas internarum partium est
morbus acutus, atqui per Aphorif. 30.
lib. 5. mulierem gravidam prehendi mor-
bo acuto lethale. esse autem erysipelas
morbum acutum, potest facile probari ex
feb. ardente coniuncta, nam si ex supposi-
tione bilis in vtero parte densa & frigida
collecta sit, in reliquis partibus redundare
est necesse non sine ardore, peius autem
existimatur erysipelas vteri, quolibet alio
morbo acuto, in gravidis nato: propter
proximitatem fœtus, propinquiora enim
magis afficiuntur; vnde ab incendio maius

192 IACOB. FONTAN.
periculum impendit dissipatione spiri-
tuum, & penuria alimenti.

*Quæ præter naturam tennes, utero gerunt,
abortiunt: donec habitiores euaserint. 44.5.*

Hic Aph. referri debet ad præparatio-
nem abortus: cum autem præpara-
tio denotet aliquid futurum, prognosticus
esse potest hic Aph. qua ratione vero ex-
tenuatio est causa abortus therapeuticus,
quod indicet uterum incrassandum, opti-
ma victus ratione, & alijs remedijs: tenuis
autem fit uterus defectu alimenti, & mater
non tantum sibi sufficere, sed etiam foetui
debet: quare fieri non potest, ut nutriatur
foetus in utero extenuato, præsertim gran-
dior factus nutritur: foetus si uterus pristi-
num habitum recuperauerit.

*Quæ gestantes uterum, febribus corripiuntur,
aut vehementer sine euidenti causa extenuan-
tur, & difficulter & cum periculo pariunt,
aut abortientes periclitantur. 55.5.*

Partus est perfecti foetus exclusio: abor-
tus vero imperfecti: febris, quæ præ-
gnantibus accidit, aut est vehemens, aut
lenta: illa contingit, aut multo ante par-
tus tempus, aut partus tempore: primis
mensibus adfert periculum abortus: ipsa
namque ut dictum fuit per se satis est, ad
foetum occidendum, cum vero sit coniu-
cta cum totius corporis extenuatione, quæ
significat.

significat foetum suo priuari alimento, & foetæ debilitatem, magnum abortus periculum portendit. si contingat tempore partus propter easdem causas, partum difficilem efficiet: ad partum enim necessarium est robur matris, & foetus, tum viarum per quas egreditur foetus mollities, at febre debilitas comparata est vtriusque, & resiccatae viæ, cum extenuatum sit totum corpus: ergo difficile pariet, & cum periculo propter causas explicatas: si vero febris lenta sit, cum extenuatione vehementi, diuersa ratione temporis poterit eisdem effectus gignere: sed non æque promptè. *

Menstruis abundantibus morbi eueniunt, & sub-
sidentibus accidunt ab utero morbi. 57. §.

Pertinet ad prædictionem hic Aphoris. nam ex suppressione, aut excedente fluxu mēstruorum, possumus morbos futuros prædicere: menses vero excedunt comparati cum ijs, quæ naturaliter fluunt, & materiali mensura non possunt percipi, quia excipi illa non possunt: sed ex relatu mulieris fluxum mēstruorum patientis, hi autem sæpissimè plures mouentur in mense magna copia. ex illis autem superfluis nascuntur morbi frigidi, ex debilitate caloris innati, debilitatur autem priuatione sanguinis: morbi vero, qui inde nascuntur sunt hydrops, frigida & sicca intemperies totius corporis: si vero retineantur

R

intra venas vteri, & reliquas venas corporis, aut corrumpuntur in vtero in quo inflammationes, scyrrhos, carcinomata generant, vel feruntur ad alias partes, in quibus procreant morbos varios pro diversitate partis obcessæ, & materiæ morbificæ conditione: ex suppressione ergo aut fluxu excedente menstruorum tales morbos prædicere possumus.

Si prægnanti tenesmus supervenerit, abortus est causa. 27.7.

A Vehementi compressione ventris inferioris fit expressio, & exclusio foetus, ut in sternutatione superius declaratum fuit. Atqui in tenesmo est inanis compressio, & frequens: cum enim intestinum rectum pungatur & mordicetur, sese comprimit una cum musculis abdominis, ut excutiat, quod molestiam adfert, ergo tenesmus, cum sit causa compressionis, potest expressione abortum procreare, quocirca tenesmi causa auferenda est lenientibus medicamentis.



DE PROGNOSTICIS deductis ex excrementis & primo ex urinis.

*Quibus in urinis biliosa sedimenta, sed supra
tenuia apparuerint, acutum morbum signifi-
cant. 32. 7.*



IN urinis tres loci norantur,
superior, inferior, & medius,
in quibus potest accumulari
crassior aliqua pars urinae: in
suprema parte dicitur nebula:
aut nubecula: in media encrema: in in-
fima parte sedimentum. quod biliosum, bi-
lis dominium in venis significat, pars au-
tem suprema tenuior bilem tenuem osten-
dit: atqui bilis tenuis acutos morbos pro-
creat ergo veritas Aphorismi elucescit.

*Quibus diuersae sunt urinae, in vehemens fit in
corpore turbatio. 33. 7.*

VRINAE diuersae, & inaequales dicuntur
quae in diuersis partibus urinae, vario
sunt dispositae modo, in colore, substantia
urinae propria, & contentis, aut diuersis
temporibus: Nam ut aequalitas in illis si-
gnificat naturae supra materiam morbifi-
cam dominium, ita inaequalitas eiusdem

R ij

perturbationem, quod in quadam parte natura vincat, in alia superetur, & alio tēpore superet, alio vincatur: vnde periculum significatur, ne ager pereat: Quocirca vt in æqualitate prædicitur salus futura: ita in inæqualitate periculum denunciandum. Quare pertinet hic Aphorismus ad prædictionem.

Quibus in urinis bullæ innatant nephritim, & longam fore inualetudinem, significant. 34.7.

Bullæ quæ in urinis conspiciuntur, aut nascuntur quando vrina est extra corpus, ex agitatione, aut dum adhuc est in corpore, ex humorum aut liquefcentium corporum efferuescentia: possent ergo facillime separari, & distingui, si quis ita mingeret, vt nulla fieret vrinæ agitatio, nimirum caput virgæ applicando fundo matulæ, & sensim vrinam effundendo, sed quoniam mos est viris, & mulieribus ex alto in vas profundum mingere, aliunde quærenda est distinctio, ex eo nempe, quod quæ bullæ ex agitatione nascuntur, cito euanescent, quæ vero ab efferuescentia in partibus internis concepta, diu perseverant: durationis huius causa est materiæ visciditas, quæ flatum intercipit: Quare si bullæ illæ diutius innatent vrinæ, denotant materiam crassam, & viscidam, quæ cum duplex esse possit, aut pituita lenta, aut pinguedo, quæ nascuntur ex pituita viscida, calorem debilem auctorem agnoscunt,

quæ vero ex pinguedine fusa, calorem vehementem: quæ causæ suis signis detegenda, nam in bullis à pinguedine natis, adest ipsa pinguedo fusa supra vrinæ superficiem superiorem, & ipsæ bullæ, colorem pinguedinis referunt. Quæ vero à pituita ortum ducunt, albicant: quoniam vero à viscido humore pituitoso trahunt originem, per renes transeat oportet illa materia, aut in his generetur, & ut plurimum propter meatuum, qui in renibus visuuntur angustiani in ipsis remanet, unde nascitur nephriticus dolor diuturnus, quod materia sit crassa, nec facile possit domari, & cecerni: quo pacto autem hæc vera esse possunt cum sequenti Aph. 35. lib. 7. scribatur, quibus in vrina adipalis superficies visitur, & conferta, ijs nephriticum & acutum morbum adesse significat: Respondemus pinguedinem è renibus effluere confertim, non paulatim: in colliquatione vero totius corporis paulatim, & longo tempore: quare si confertim & paucio temporis spacio vrinæ superficies sit pinguis, significat renū morbum acutum: si vero longo tempore, colliquationem pinguedinis, aliarum partium corporis.

*Quibus pellucidæ & albæ sunt vrinae malæ:
maximè vero si in phreneticis appareant. 72. 4.*

MAlas non pronunciaſſet vrinas Hip.
niſi adeſſet morbus periculofus:
Quando ergo vrinae illæ albæ &
pellucidæ morbi acuti comites, morbi ſta-
tum peſſimum, aut eius in peiorem muta-
tionem ſignificant, malæ ſunt, peſſimum
vocalius ſtatum cum à virium imbecillita-
te morbi vi contracta, pellucidæ & albæ
apparent: inter morientis enim naturæ cer-
ta ſunt indicia, in peius mutationem vero,
quando morbo acuto ſuccedit phrenitis:
in qua vrinae pellucidæ funeſtę iudicantur:
ſi vero ad tempus breue tales conſpician-
tur, ſine mutatione ſtatus, morbi autem
ſpeciei non eſt pertimeſcendum, præ-
ſertim quando hæmorrhagia ſubſequitur,
aut diarrhœa bilioſa, tranſlata bile qua tin-
gebantur vrinę, ad inteſtina, cuius priua-
tione palleftunt, & albeſcunt.

*Quibus die ſeptimo futura criſis eſt, ijs vrina
rubram die quarto nubeculam habet, cæteraq;
pro ratione. 71. 4.*

IN ſpecie Hippocrates ſcribens de nu-
becula quarto die apparente in vrina,
intelligit, in genere de omni ſigno mon-
ſtrante coctionem inceptam, & naturæ ſu-
pra morbum victoriam: vt poteſt intelligi

ex iis, quæ adiungit Hipp. & alia signa pro
 ratione. verum nubecula rubicunda signi-
 ficatur coctionem inceptam? nubecula,
 cum sit contentum densatum, coctionis
 principium demonstrat, Rubra autem fit a
 bile, qua tingitur vrina: morbi vero biliosi,
 cum sint celeres, vt plurimum septimo die
 terminantur, de reliquis signis eodem mo-
 do est iudicium ferendum. Quare si septi-
 mo die futura est crisis, apparebunt quarto
 die signa coctionis, & naturæ superantis:
 Quod perinde est, ac si diceret, cum aliquo
 die critico futura est crisis, in die illius in-
 dice apparebunt signa coctionis, & naturæ
 vinctis.

R. iij



EX SVDOREBVS.

Sudores febricitantibus boni, qui manare cœperunt die. 3. 5. 7. 9. 11. 14. 17. 21. 27. 31. & 34. ij enim sudores morbos indicant, qui secus eueniunt, laborem, & morbi longitudinem, aut eiusdem reditum significant. 36. 4.



Critici dies quidam sunt numero tantum, quidam numero & effectu: sudores, & omnes excretiones, quæ fiunt diebus criticis, numero, & effectu fuerant significatæ, & veræ crises existunt, numero autem possunt contingere imperfectæ, quare non licet colligere excretio facta est die critico, ergo bona: verum si commota fuerit die critico prægressis indiciis coctionis, bona verè censeri debet.

Frigidi sudores, cum febre quidem acuta mortem, cum mitiore vero morbi longitudinem significant. 37. 4.

Frigidi sudores, cum acuta febre significant caloris natui dissipationem, & interitum, nam febris, cum sit intemperies calida sicca, calefacit humores, à quibus emanant sudores calidi, cum vero frigidi

profluant cum febre acuta, signum est refrigerationem esse natam in corpore, non aliunde, quam ex calore innato extincto: si vero febris sit mitior, ex qua non potest duci argumentum interitus caloris innati, sequitur, ut frigidus ille sudor sit soboles erudorum, & pituitosorum humorum, qui causa sunt longitudinis febris.

Sudor multus, frigidus aut calidus semper fluens, frigidus grauiorem, calidus minorem morbum significat. 42. 4.

Multus sudor, & assiduus non potest promanare sine febre dissipate humores, & in sudore conuertente, si frigidus emanauerit, cum acuta febre, iam mortem pronunciare, expositum fuit in superiori Aph. si vero cum lenta febre effluerit morbi longitudinem demonstrat; calidus, vero, nec mortem necessario, nisi sit ephedrosis, nec longitudinem morbi significat: cum enim sit soboles calidi humoris, celerem morbum demonstrat: ergo calidi sudores mitiorem morbum ostendunt, frigidi grauiorem.



DE PROGNOST. quæ pertinent ad morbos externos.

*Erysipelas foris intro conuerſi malum, intus uero
foras exiſtere bonum. 25. 6.*



Æc propositio ſpecifica vni-
uerſalem denotat, nimirum
omnem motum humorum, a
partibus externis ad internas
eſſe peſſimum: Nam damna
partium interiorum, ſunt maiora quam
externarum partium: tum ille reſuſus de-
monſtrat debilitatem viſcerum, nullo
enim modo recurrentem humorem exci-
perent, cum ſit contra naturam, niſi quia
debilitatæ, non poſſunt repellere: quare re-
ſuſus ille damno, & debilitate partium
eſt malus. ex contrarijs rationibus deduci-
tur motum ab internis partibus ad exter-
nas concitatum eſſe laudabilem.

Molles tumores, boni: crudi uero mali. 67. 5.

Molle & durum ſunt contraria, cru-
dum cocto contrarium eſt: Quare
ergo contraria conſequentia poſuit Hipp.
ad diuerſa, non ad contraria: nam molle

IN APHORIS. HIP. 203

est à crudo diuersum, non illi contrarium, verum est in genere molle & crudum esse diuersa, in apostematibus vero molle, quia significat coctum contrarium crudo, quod est coniunctum cum duro, at ædemata sunt tumores molles, & tamen crudi existunt in principio. A repletionem, omnis tumor præter naturam durus, progressu vero temporis, si materia coquatur, eius aliqua pars dissipatur & molefcit, quare cum tumores præter naturam sunt cocti, molles existunt, proindeque boni: cum significant naturam domuisse materiam morbificam: cum autem crudi sunt, duri in principio & proinde mali, quod natura sit inferior causa morbifica.

Quibus in meatu urinario nascitur tuberculum, suppurato eo, & rupto, solutio. § 2. 4.

IN speciali propositione generalem declarat, nimirum omnia tubercula & tumores præter naturam, qui suppurant, & rumpuntur, post suppurationem, esse salutare: speciale autem exemplum & singulare est in meatu urinario, in quo quia externa pars est spermatica, maiori ex parte raro suppuratur tubercula, caloris natiui debilitate.

*Si in vulneribus prauis & magnis tumores non
apparent, ingens malum. 66. 5.*

Magna dicuntur vulnera, & vlcera, quantitate, vt quæ sunt longa, lata & profunda, aut partis conditione, vt in magnis nervis, vel tēdonibus: Si in his tumor non appareat, quod sit rationi consentaneum ad ea vlcera propter dolorem, & partis debilitatem, fieri tumores, per defluxum humorum, conijcere oportet illos humores alio transferri, in partem scilicet nobilem, in qua procreabunt morbum grauem. Ergo ingens malum subsequetur: quare Hipp. Aph. 65. lib. eiusdem scribit, quibus sunt cum vulneribus tumores conspicui, ij non admodum conuelluntur, nec insaniunt. Quibus vero repente euanuerint, si quidem postica parte factum sit, cōuulsiones, & tetani accidunt: si vero à fronte, insania, lateris dolor acutus, empyema, & dysenteria si rubicundi fuerint tumores. Eadem est ratio tumoris retrocedentis, & non apparentis cum apparere debeat, vt enim materia non apparentis tumoris quādo conuenit, ad partes fertur internas, ita & materia retrocedentis. si ergo retrocedat, per posticam partem in spinalem medullam, & cerebrum, nascitur tetanus: illius autem motus signum est dolor in illis partibus perceptus. Si vero humor ascēdat, per partem anteriorem, in cerebrum, fit insania læsa imaginatione. si in latus fe-

ratur, suscitatur lateris dolor acutus: si humor effundatur in capacitatem thoracis empyema: Quando autem tumor retrocedens fuerit rubicundus, facta methastasi materia in intestina, oritur dysenteria: tumoris namque rubor significat sanguinis redundantiam, à qua dysenteria produci-
tur.

Pertusa perfectane vesica, cerebro, corde, septo transuerso, tenui quopiam intestino, ventriculo, iecore, lethale est. 18.6.

PArtes, quæ numerantur in Aphorismo possunt vulnerari aut in superficie, aut transfigi, & perforari: Hipp. ait harum partium transuerberationes, & pertusionem esse lethalem, vulneratio superficialis earum, non est omnino lethalis. Verum hæ partes enumeratæ non sunt vnus naturæ, sed dissimilis: aliæ namque sunt sanguineæ, vt cor & iecur, aliæ vero spermaticæ, vt reliquæ fere omnes: diuersa itaque est ratio huius euentus in illis. Vesica constat corpore rotundo, membranoso, & collo oblongo, admodum carnosio, si corpus eius transfigatur, omnino lethale vulnus existet, quod vesica sit exanguis, nec coalescere possit, at ossa sunt exanguia, tamen rupta coalescunt. Respondeo in ossibus nihil esse, quod impediat topium, in quiete namque tenentur: vesica suos habet motus coarctationis, & expansionis præterea in vesica vrina continetur, quæ non tantum

coalitum impedit : sed dolorem sua acrimonia suscitatur, ex quo in partem fit fluxio, & inflammatio. in collo illius conceptum vulnus sanari, & curari potest, ut videre est in illis, è quibus euulsus fuit lapis è vesica. Vidi ego dum aquis aliquando Sextiis esset, ducem corcicum cui inflatum fuerat vulnus, transfigens, & transfodiens vesicam, sanitati pristinae restitutum : sed rara non sunt artis. Cerebri perfectio, ut plurimum est funesta, propter cerebri motum continuum, & membranas, quæ facile inflammantur. Vidit tamen Gal. Smyrnæ adolescentem è cuius vulnere, cerebri substantia fluxerat per sanatum, vidimus, & nos auenioni in Xenodochio S. Bernardi, cuius caput sagitta eorum, qui ad papagallum collimant fuerat percussum, è cuius vulnere magna copia substantiæ cerebri effluxit, euasit sine vitæ discrimine. In corde superficialia vulnera & profunda sunt lethalia, ob præstantiam cordis, & motum continuum vehementem. In septo transuerso duæ sunt partes, membranosa & carnosa, in illa vulnera sunt funesta, in hac superficialia possunt coalescere, profunda vix vnquam. Tenuia intestina pertusa, nunquam sanantur, crassa, quia carnosa conglutinantur. Ventriculus pertusus non potest curari, quod inflammatio dolorem sequatur, vnde mors. Leue vulnus in toto illius corpore potest sanari, præterquam in orificio superiori ob doloris acerbicatem, propter sexti paris nervos, Iecoris vulne-

ra, si eo deducta sunt vt sanguis effluat, nunquam curantur, nisi valde superficiale sit vulnus, & mox sistatur sanguinis effluuium: sanguis enim qui effunditur corrumpit partes interiores, ipsumque etiam iecur: Vnde & mors contingit. multæ sunt aliæ partes eiusdem naturæ, quarum vulnera profunda, sunt lethalia, vt arteriarum & venarum maiorum, quod sanguis spiritalis, & venalis totus per ea vulnera effundatur.

Perfectum os aut cartilago, aut nervus, aut genæ tenuis particula, aut præputium, neque augetur neque coalescit. 19 6.

PArtes quæ in hoc Aphorismo recensentur sunt omnes spermaticæ: sed eius naturæ vt earum sectio lethalis non sit: faciunt vero ad commode viuendum non ad vitam simpliciter, vt aliæ: quare Hipp. ait tantum, nec augeri, nec coalescere, si diuidantur omnino: partes namque spermaticæ non coalescunt prima intentione, ex materia primaria, scilicet, ex semine, vti sanguineæ, quæ semper possunt resarciri, ex sanguine proprio. secundaria vero possunt per porum siue tophum qui fit ex alimentorum excremento.

*Si vlcera annua, aut etiam diuturniora fiant, os
abscedere neceffe est, & cicatrices canas
fieri. 45.6.*

CUm diuturna sunt vlcera os à pure &
ichore vlcerum corrumpitur, cuius
corruptio caries appellatur: Quoniam
autem corruptum est os, necessarium est
partem cariösam separari à sana, os namq;
vium confortis mortui, impatiens esse so-
let. ossis suppuratio abcessus dicitur, hinc
sequitur, vt huius vulneris cicatrix sit caua:
nam ex superiori Aph. os cum sit pars
spermatICA refarciri non potest, nec porus
generari nisi in fractis ossibus: propterea
supra os denudatum suo perioestio, caro
generari nullo modo potest, ad carnis nã-
que productionem opus est membrana,
supra quam sanguis roris modo sparsus
concresecat.

Circumglabra vlcera, maligna. 4.6.

Hic Aphorif. audiendus de vlceribus,
quæ in partibus nascuntur pilosis, cū
glabricsies sit capillorum priuatio, & casus:
sunt glabræ partes, quoniam pili decidunt,
corrosi eorum radicibus, ab humoribus
corruptis, & malignis, à quibus vlcera cir-
cumglabra & dipilata, maligna appellan-
tur, ob causæ ea generantis malignitatem.

Diuturnas

*Diuturnas curanti hæmorrhoidus, nisi una quæ-
piam seruetur periculum aquæ inter cutem,
vel tabis impendet. 12. 6.*

Sanguis namq; qui effluere solebat per hæmorrhoidas, per palyndromen, recurrit ad partes nobiles, & officiales, in quibus excitat varios morbos, inter quos numeratur ab Hipp. aqua inter cutem: si quidem sanguis recurrat ad iecur: copia namq; suffocat calorem innatum iecoris, unde refrigeratum parit hydropem; & talem: nam recurrando ad pulmones acrimonia exulcerat, à qua exulceratione phthisis controuersia hic nascitur magna inter medicos, de qua fuse disseruimus in nostra praxi: satis nobis erit, si huc transferamus, quæ illuc fuere constituta, quare si laborans hæmorrhoidibus vetustis, sit obnoxius morbo comitiali melancholia morbo, aut tali affectui, qui sanari possit, aut inhiberi hæmorrhoidibus appertis, illis non sunt claudendæ: scribit enim Hipp. 11. lib. 6. melancholia, & nephritide laborantibus hæmorrhoides superuenientes bonum. Si hæmorrhoidum fluxu detentus sanus sit reliquo corpore, ut qui redundet tantum multo sanguine, ob mutilationem, aut otium, illis sunt omnes claudendæ, dummodo detrahatur sanguis iusta copia per intervalla ex brachio, & victus ratio instituat parciore, & commoda: nam in sanis fluxus consuetudo est fugienda: quia ex il-

S

lo immoderato fluxu, idem morbi nascuntur, qui solent oriri ex immoderato fluxu menſtruorum, ſi claudendæ ſint, id præſtandum paulatim, & vna poſt aliam obſturanda ſubita namque mutatio naturæ moleſta eſſe ſolet.

Si in ventrem ſanguis præter naturam effuſus fuerit, is ſuppuret neceſſe eſt. 20. 6.

Pertinet ad prædictionem hic Aph. quatenus ex ſanguine effuſo in capacitatem aliquam extra vaſa prædicitur, puſ futurum: per ventrem, autem intelligit Hipp. omnem capacitatem, quæ eſt extra venas, arterias, & cordis ventriculos, in quibus ſanguis naturaliter continetur: ſuppuratur autem, quia ſuo calore nativo deſtituitur: vnde corrumpitur, non ſtatim, ſed primo nigreſcit, quo tempore vapores ex ſe fundit malignos deinde ſuppuratur.

Qui calui ſunt, iis varices magni non ſunt, quibus verò calius exiſtentibus varices ſuperueniunt. ij ruruſus capilati ſunt. 34. 6.

Quod ex vna præſenti affectione, alia futura, aut non futura prædicatur, facit, vt ad prædictionem pertineat hic Aph. & quia in eo agitur de affectionibus externis inter chyrurgicos Aph. cenſeri debet: ratio autē illius talis eſt, quādo fit trāſlatio humoris melancholici è partibus inferioribus ad caput, varices magni non ſunt. At

IN APHORIS. HIP. 212

qui fiunt calui propter humoris melan-
cholici in capite corruptionem, in illis fit
eiusmodi translatio humoris melancholi-
ci. Ergo qui fiunt, calui, ea ratione in his
varices magni non fiunt, a contrariis de-
monstratur secunda pars Aphorif.

*Quibus occulti cancri adsunt, non curare melius,
curati enim vitius intereunt: non curati vero
longius vitam trahunt. 38.6.*

Cancros occultos intelligit non vice-
ratos, quos canerosos tumores multi
appellant, eos scilicet, qui in superfi-
cie corporis nascuntur: nam, qui sunt in
penitioribus partibus corporis manu chy-
rurgica curari non possunt. Curatio autem
cancri duplex suscipitur, nimirum, aut ad
mitigationem, aut ad extirpationem, miti-
gari semper debent occulti, & evidentes,
curari non item omnes, est tamen ubi cu-
ratio admittitur, nempe extirpatio cancri.
Quando pars est huiusmodi, & cancri con-
ditio, vt omnes illius venæ tanquam radi-
ces secari possint, & penitus extirpari: Vt
in mammis, & alijs partibus exterioribus,
sine incisione insignis alicuius nerui, venæ,
aut arteriæ: tunc enim metu symptoma-
tum curatio non est aggredienda, reliquos
cancros melius est mitigare, quam curare:
nam si cura tentetur mortem adfert irrita-
tione, & incremento symptomatum.

S. ij

Si omentum exciderit, necessario computrescit. 58.6.

IN vulneribus magnis ventris inferioris præteritum hypogastrij, in quibus musculi scēantur, & peritoneū, omentum egreditur, & quia paucō calore innato præditum est, quodque non consuevit aëris iniuriam pati, cito putrescit: quare illa corruptio prædicenda est, eoque pacto ad prognosim pertinet hic Aph. quare ex illo sympt. futuro debet medicus procurare promptam omenti in suum locum repositionem.

Quibus diuturno dolore Ischiadico vexatis femoris caput, coxa excidit, ijs femur contabescit & claudicant, nisi urantur. 60.6.

LVxatio perfecta ossis femoris rara est, potest tamen contingere, quando Ischiadicus dolor est diuturnus, dolore nāque diuturno debilitatur pars illa, ex quo fit ut mucus in ea colligatur, qui causa est, ut caput ossis fœmoris excidat, aut à dolore excitatur defluxio humoris pituitosi in partem illam, à quo humectatur ligamentum, longiusq, fit, quam par sit estque causa luxationis ossis fœmoris, ex ea luxatione sequitur fœmoris tabes duabus de causis, primo quia luxatum os comprimit, venas, arterias & nervos, quibus ad crus alimentum, & spiritus deferrebantur secunda partis

quiete, qua non attrahitur alimentum: Adde quod motus articulis est valde utilis, ait enim Hipp. laborem articulis, somnum vero visceribus, maxime convenire: sequitur etiam inde claudicatio breuitate ipsius cruris, cum in posteriorem partem excidit os, aut illius prolixitate, quando in partem anteriorem: præterea adest magna cruris debilitas, ex qua accidit ut corpus ipsum sustinere non possit, horum symptomatum curam totam collocat Hipp. in vstione, quod remedium topicum est, sed methodi ratio postulat, ut generalia particularibus præponantur: Quare purgato corpore, sanguineque detracto, ad illa, quæ parti apponuntur, descendendum est. Ea Hipp. complexus est unico remedio, nimirum vstione, quæ primo fit cucurbitulis cum magna flamma, secundum locum sibi vendicant vesicatoria, tertium pyrotica potentialia. Vltimum ferrum ignitum siue cauterium actuale, his enim detrahatur humor, qui causa erat claudicationis.

Propter os egrotans caro livida, malum. 2. 7.

Hipp. supponit carnem liuescere propter ossis morbum: Quare non est quod Hollerius dicat, sæpe in tophis luis venereæ, & podagricorum caro liuescit, cum interim os sit integrum, non enim scribit Hipp. carne liuescente, os corruptum esse: sed si propter ossis morbum caro liuescat malum, an vero si caro liuescat.

S iij

malū semper? est semper malū: nam liuor à necrosi, necrosis vero omnis mala, oportet ergo intelligere ossis cariem, & corruptionem esse detectam, in qua si caro vlceris liuescat, malum, quia significat corruptionem ab esse propagari in carnem.

Ab ossis induratione erysipelas, malum. 19. 7.

NAm erysipelas subortum significat carnem scatere colluuiæ biliosæ, quæ carnis regenerationem impedit, ergo malum.

Ab erysipelate putredo, aut suppurato, malum. 20. 7.

Erysipelas est tumor præter naturam à bile natus, superficialius, qui ut plurimum dissipatione materiæ finitur. Quocirca si putrescat pars abcessa erysipelate, aut suppuretur indicium est malignitatis materiæ, à qua mortificatio timenda, quæ mala censeretur debet.

A fortis in vulneribus pulsus hemorrhagia, malum. 21. 7.

Si pulsus magnus in vlceribus, nō aliunde proficiscatur, quam ex multo sanguine arteriali præcalido arteriam insignem mouente, cui succedat hemorrhagia, non potest esse, nisi periculosa, quia arteria magna aperta non facile clauditur.

IN APHORIS. HIP. 215

Sanguis vero calidus, tenuis spirituosus effluit excedenti copia, ex quo pars exulcerata debilitatur, & intermoritur.

Ab ossis vulnere desipientia, si in vacuum usque penetraverit. 24.7.

Hoc Aph. loquitur Hipp. de vulnere ossis capitis: quod si fuerit diuisum usque ad capacitatem cerebri desipientiam habet comitem propter sanguinem, qui in illam capacitatem effunditur, qui dum corrumpitur inflammationem parit, in meningibus, ex qua delirium, & desipientia.

DE DIEBUS



DE DIEBUS CRITICIS, ET DE CRISI.

Index septimj 4. sequentis septimanae 8. initium, spectandus quoque est 11. siquidem, 13. 2. septimana 4. est, rursumque 17. spectandus, 18. enim à 14. 4. est & ab 11. septimus. 24. 2.

VT qui sunt dies critici facilius intelligatur, animaduertendum est, in morbis tria dierum genera notari, quidam enim sunt dies critici, in quibus fiunt crises, & iudicia morborum, alij indices, qui indicant, & significant dies criticos futuros. Alij denique intercedentes, & intermedij, qui neque sunt critici, neque indices, hoc Aph. describit Hip. indices, & criticos ad 17. vsq; hos dies experientia sola probavit Hipp. fracaorius alios constituit, ratione & experientia comprobatos, cuius doctrinam explicabimus, post enodationem aphorismorum de crisi.

Morbi acuti iudicantur intra dies quatuordecim. 23. 2.

Morbi dicuntur acuti, vsque ad 14. ultra quem ad 20. appellantur acuti ex decidenria, post 20. longi nominantur.

Aa

Quibus crisis fit, nox qua accessionem præcedit grauis, qua vero subsequitur leuior solet existere. 13. 2.

ANte crism pugna summa intercedat est necesse naturæ & morbi : Quod scilicet materia morbifica cocta excernatur : præcedit autem hæc pugna crism, ferè semper 24. horarum spatio : scribit verò Hip. illam pugnam superuenire nocte præcedenti, quia ut plurimum noctes in morbis soleant esse diebus molestiores, propter solis absentiam, qui sua præsentia naturam nostram multum iuuat, quare naturæ molestior esse solet morbus noctu, quàm interdiu, nox autem quæ sequitur crism est placidior, quod materia morbifica fuerit expulsa.

Quæ à morbis post crism relinquuntur, reciduos morbos facere consueuerunt. 12. 2.

MAteria quæ relinquitur post crism corrumpit alimenta, tandèmq; ita crescit materiæ corruptæ copia, ut morbi recidua generetur, cuius signa sunt sitis, ciborum fastidium, vigiliæ, somni turbulentia, lassitudo totius corporis, si crisis accidat, nullis antecedentibus signis coctionis, fiatque die non critico.

DE CRISIBVS.

CRISIS in morbis iudicium significat. Crism antecedit naturæ, & morbi contentio, in qua natura, aut victrix, aut

DE CRISIBVS.

3

victa remanet. Crisis Gal lib. de crisis, est subita in morbis mutatio, ad salutem, aut ad mortem, fit enim, per motum alicuius materiae; vel dicitur difficillimum morbi tempus, in quo natura pugnat cum morbo violenter. Vocatur etiam terminus, quia morbi historiam finit & terminat: quo significato crisis lethalium morborum mors dicitur. extra mortem vero, morbi finiuntur crisi, aut solutione: Solutio est morbi terminus, per insensibilem dissipationem factus. Crisis verò ex Gal. sententia fit, aut per manifestas excretionem, aut per effatu dignos abscessus: 1. ab Auicenna lib. de crisis, vocatur crisis excretionis, 2. permutationis: locum enim tantum mutat materia morbifica in abscessu, neque excernitur: verum in hac permutatione, ex eodem Auicenna. non semper nascitur abscessus quem exituram appellant eius interpretes. Verum non raro abit in paralysem crurum, dolores spinæ dorsi, testiculorum, Morbum regium, & alia symptomata: crisis hæc permutationis, est à partibus internis corporis ad externas, aut saltē remotas à principibus, in morbo facta expulsionem sine vlla sensibili excretionem, quam sequitur aut abscessus, aut graue aliquod symptoma: Idem Auicenna lib. de crisis duas causas assignat permutationis materiae in crisis, quarum vna est materiae morbificæ dispositio, qua redditur inepta ad expulsionem, ob eius crassitiem, & copiam: 2. sita est in debili-

Aa ij

tate facultatis expultricis: fit ergo, vt materia, quæ cocta fuit non possit extrudi extra corpus: sed potius deponitur, & transfertur in partem aliquam ignobilem in qua producit, aut abscessum, siue tumore præter naturam, aut parit aliquod graue symptoma. Ab accedentibus nascuntur aliæ multæ criseos diuisiones: Alia enim perfecta dicitur, in qua nihil morbi materiae morbigificæ in corpus relictum est: alia imperfecta, in qua manet aliquid materiae morbum committentis, & natura perfecte materiam morbigificam non superat: hæc vero, aut tendit ad mortem, aut ad salutem. Alia tuta, quæ ratione tantum à perfecta distinguitur: quod scilicet sine periculosis symptomatis accidat, eius contraria periculosa est: alia manifesta, in qua excretio quædam, vel abscessus insignis est conspicuus; Alia occulta, quæ fit sine excretionem, aut abscessu euidenti. Crisis fit in statu, in quo naturæ, & morbi summa sunt omnia. Ex quibus colligere licet morbos in simplici intemperie consistentes non posse crisi finiri: quod in illis nulla possit euacuatio, aut abscessus, vel graue aliquod symptoma excitari ex materia translatione in aliquas partes.

DE CAUSA EFFICIENTE

CRISEOS.

QUæ nobis experientia offert, omnia rationum momentis fulciri non possunt, qualia sunt, quæ ab occultis emanant

DE CRISIBVS.

5.

proprietatibus, nonnulla tamen per experientiam comperta, rationibus possunt stabiliri. Dies critici maiorum experiētia, & quotidiana recentiorum probatur, quorum rationem & causam detegere sunt conati authores medicinæ, celebriores. Experiētia certè varia est apud Hip. Nam alios recenset dies criticos in prognost. & aphorismis, alios in epidem. Incertam autem esse experientiam dierum criticorum apud Hip. arguit illa sentētia in prog. Ille namque postquam enumeravit crifimos dies scribit, neque verò horum quidquam integris diebus exacte numerari potest, cum neque annus integris diebus numerari soleat. Adde quod in recensendis illis diebus per quaternarios bis sit repetendus idem dies 1. septenario. In secundo vero non est repetendus. Præterea Archigenes laudat magis 21. diem in criticis, Hip. vero 27. enumerationem illam diuersam dierum criticorum ex Hip. Antonius petitens cap. 4. lib. de ratione dierum criticorum, refert ad diuersam naturam dierum criticorum & intercidentium, In quibus propter errata dies contingunt, tum ad diuersam Hip. sententiam, qui artis præcepta colligens, multa scripsit diuersa ab his, quæ in Aphorismis, & prognosticis iudicio maturiori pronuntiauit, Verum errores non sunt occasiones, cur crises commoveantur diebus intercedentibus, sed potius symptomaticæ excretiones. Atque si Hip. existimasset, male assignatos fuisse

Aa iij

dies descriptos in Epidemijs, senior & doctior factus correxisset. Hæc cum fraca-
storius vir doctissimus contempleretur,
cerneretque eo, quo erat perspicaci inge-
nio, omnibus fere diebus, pro varijs mor-
bis crises concitari, rimatus est, & forsan
nactus aliam rationem dierum criticorū,
quam authores antiqui, ad quam proban-
dam, vt verus philosophus vtitur quibus-
dam suppositionibus, quas (quia paulo
videntur obscuriores) breui explicatione
elucidare instituius. Neque in refutan-
dis pythagoreorum, & astrologorum sen-
tentijs immorabimur: Cum à fraca-
storio lib. de crisis fuerint confutata. Neque
Augerium ferrerium sequemur, qui sub
finem libri de diebus criticis, dum non po-
test criticos dies omnes, ad numeros, ad
astra, & ad vim naturæ corpus humanum
gubernantis referre, censet illa omnia esse
admiscenda, similis illis, qui metu erroris
& defectu, pluribus chordis suos arcus
armare consueuerunt, in quo perspicue
cernitur incertitudo sententiæ illius. Ad-
monet autem fraca-
storius auditores suæ
doctrinæ, & asseclas, his verbis. cap. 15.
libr. criticorum. Diligenti opus est cura,
anticipationesque paroxysmorum consi-
derandæ, & dies multo studio enume-
randi, & quid in vnoquoque noui acci-
dat. Quare contemplatio hæc, atque
ars negligentis medici non est, aut ad
lucrum euolantis: sed solertis & aman-
tis philosophiam.

Prima suppositio, Duo sunt, quæ expulsiõnem morbificæ materiæ faciunt, vnum est displicentia, siue irritatio, stimulusque, quem corruptus iamque inimicus humor in membra ingerit sensu prædita. Altera est digestio, hoc est, præparatio, quæ requiritur, si expelli debeat criticè humor: omnibus namque partibus à natura datum est, vt expellant, quod noxium existit. expulsio vero censeretur inutilis si materia non esset cocta. Ergo natura sine arte docta ad sui conseruationem coquit ante quam expellat, vt probauimus capite de expurgatione, in nostra methodo. Vtrumque ergo cum simul conuenit, tum maxime expulsio humoris corrupti fit. Quamobrem doctè pronunciatum est à Gal. in paroxysmis, & circa morborum statum maxime excitari crises: in paroxismo enim stimulus atque irritamentum fit maximum: circa statum vero concocta materia est. Cur autem cogatur sæpe natura ante tempus noxia excernere diximus, cap. citato nostræ methodi.

2. Suppositio. Rarissime fit vt trans-eunte in humores vitio aliquo vnus tantum humor corrumpatur: Nam vt plurimum duo, vel plures vitium idem concipiunt, aut simul, aut aliquo interposito tempore, quippè humores in massa sanguinis, qui in tra venas cõtinetur, confusi commistiq; sunt. Verum in illa sunt quodãmodo actu, & quodammodo potentia: potentia

Aa iiij

quidem, quia ad minimas & indicibiles particulas secundum formam, siue formales redacti sunt: nec monstrari possunt separati, hoc esse phlegma, illud bilem, Illud succum melancholicum, nisi particulae, quae sunt simul in massa separentur, & tunc actu existunt. Igitur propter vicinitatem confusionemque eorum, rarissime fit, ut infectionis causa, pluribus non fiat communis. Incipientibus autem his vitari, Tum quod corruptum est secernitur, quantum fieri potest à reliquo, quod sincerum est, ita operante natura quae solet, quantum in ea situm est, corrupta separare, à non corruptis, aut enim quod sanum est, & integrum expellit id quod corruptum: Natura enim consortis corrupti impatiens esse solet: aut quod corruptum est proximum sanum vitiat. In ea secretionem, humorum particulae cumulantur, ac sensibilem copiam conflant, quae dum cocta est expellitur criticè per diuersas partes.

3. Suppositio, Dum natura separat corruptos humores, & actu facit, ita interdum illi separati, ab incorruptis, siue in vasis, siue extra vasa miscentur, ut vnā conficiant formam, siue vnā massam, siue molem, vnumque motum dent, ac morbum vnum, qui rationem dominantis sequitur, vnde cholerae nothae, pituitae nothae, & melancholicae nothae contingunt, à quibus morbi desumunt sua nomina, ut tertiaria notha: æquum namque est, ut humor qui quantitate reliquos superat, trahat

alios in suum motum, & imperum, non tamen sine resistentia, & alteratione: nothæ namque tertianæ longiores sunt propter adiunctum humorem pituitosum, & habent alia symptomata, quàm puræ & simplices tertianæ. Sæpius autem, non vnam omnes formam, & molem conflant, nec vnum motum dant, nec morbum vñ, sed plures: vnde morbi compositi sunt: fit autem illud quando sunt separati in diuersis partibus, aut è vasis in habitum corporis propelluntur. Si igitur, qui pccat humor simplex & vnus tantum sit, aut plures quidem, sed in vnam massam redacti, tunc nulla dies criticorum ratio est expectanda, sed paroxysmi soli considerandi quotidiani, tertiani, quartani, in quos cadent crises. Quando scilicet materia erit cocta. Cognitio huius rei non potest haberi, nisi ex paroxysmis, & intra aliquot dies. In hoc tamen videtur contradictio, quod nulla criticorum dierum ratio sit expectanda. Sed in eos paroxysmos cadere crises. Nam in quibus diebus fiunt crises, Illi critici sunt appellandi: sed intelligenda est hæc sententia nullos dies criticos esse expectandos ex his, qui ab Hip. fuere descripti nempe 7. 14. 20. & similes: & animaduertendos solum paroxysmos, secundum, quos continget morbi solutio, quæ crisis potest dici: Ita in quotidianis, quotidie potest fieri, In tertianis 3. die, In quartanis 4. ad hoc Augerius ferrerius aduertere debebat. Non enim negat fracaistorius vnum

simplicem posse peccare humorē, sed plures corrumpi humores posse fatetur, in vnā formā redactos, qui producūt paroxysmum secundum quem iudicantur: si sint humores sub vna formā, est aliquis humor dominans, cuius motum cāteri sequuntur vt in notha tertiana. At vero vbi plures peccant humores, & non ad vnā formā redacti, sed confusi, solum propriam naturam seruantes, & circumscriptionem, tunc sperare possumus certos dies videre: in quibus crises permultæ fiant, alias in quibus rarissime, Alias in quibus medio modo se habeat natura ad crīsim: quorum omnium causam ac certam rationem habere possumus: ac talis est maior morborum pars; quoniam vti rarum est vnum simplicem humorem peccare, ita & plures ad vnā formā conuenire perrarum est: Quare in multis morbis, aut crises videri possunt, certis diebus, aut motus saltem humorum. Verum facilis, aut difficilis vniō humorum corruptorum contingit ex dispositione eorum. Nam quia pituita non omnis, sed liquida humida sit, & facile idcirco posset diuidi in minimas partes, misceri cum reliquis facile potest: succus melancholicus, ineptissimus ad mixtionem, quia ficior & terrestrior est, nihil tamen prohibet, & phlegma seorsum morbum facere nec cum alio misceri: sed hoc est rarum, & melancholicum succum coire, & misceri cum

alio in vnā formā, Cum scilicet attenuatur: Omnes namque humores consistentia liquidi sunt in venis, licet quidam crassiores, alii liquidiores. Corollarium tertiæ suppositionis tale est.

Cum plures humores in morbis peccant non autem sub vna forma, accidit quidem interdum, vt vnus illorum manifestum paroxysmum producat, cholera quidem tertianarium, phlegma quotidianum, succus melancholicus quartanarium: Vnde & morbi manifeste compositi sunt. Interdum autem accidit, vt non omnes manifestum dent paroxysmum, sed aliquem eorum latentiorē edant, quod motus ille, sit subobscurus & suboccultus, eius autem obscuritatis plures causę sunt: 1. pauca quantitas humoris, quare leuiter exacerbat. 2. quia ille humor per moras putrescit, & sensim, vnde nec horrorem excitat, nec calorē acrem apportat. 3. quia superueniat maiori feбри, à qua minor motus, & afflictio obscuratur. Ex his sequitur contrariorum lege, vt si illud quod mouetur multum sit repēte, & cum violētia inuadat nō sensim, & per articulas, nec maiori alteri morbo superueniat, manifestū edit paroxysmū, & manifestę inde prodeūt febres cōpositę, vt hemitritei. Alia quidem ex cholera alia ex succo melancholico, qui ergo præcipuē peccat humor manifestū edit paroxysmū, qui vero minime præcipuē, latentiorē ex his ratio omniū dierum criticorum pēdet omnis, & eorū quę contingunt in morbis.

Aa vj

Ista vero primis diebus dignosci non possunt, cum nos lateat humorum peccatum numerus & forma eorū, hinc modus mixtionis, tum denique quantitas: Quare ad dignotionem, est opus pluribus diebus. Quam ob causam Galenus cap. 2. libri 1. de crisibus scribit, neque absurdum est, ad duplicis morbi cognitionem duobus opus esse diebus, sicut si triplex fuerit, tribus. Animaduertat ergo medicus istos motus, quo facilius dignoscat, quibus diebus sit futura crisis, paribusne, aut imparibus. Verum cum phlegma quotidie moveatur, qui sit ut quidam dies, sint placidi & sine motu, etiam in compositis morbis: respondet fracaistorius, Quod phlegma ipsum, ut plurimum formam vnam cum alijs constituat & pauca quantitate sit, Ita ut aliorum motum tantum sequatur, dominantium scilicet. Differunt autem dies ratione molestiæ, nam in quibus vnus humor tantum mouetur, acerbisunt, acerbiores in quibus duo, in quibus omnes acerbissimæ. Ex quibus sequitur posse fieri crises in diuersis diebus aptissimas, aut esse illas in quibus concursus sit humorum omnium. Acerbissimus enim tunc paroxysmus fit, & stimulus irritamentumque naturæ maximum, quod est necessarium, ut crises fiāt ex prima suppositione: At illud contingit potissimum, secundum motum succi melancholici: Nam crisis non fit nisi præparato, & cocto humore toto, non potest autem esse perfecta coctio: donec quod

crassius est, ac segnius, coctum digestum-
que sit: crassior vero, & segnior omnibus
humoribus est succus melancholicus.
Quare fit vt potissimū circa humoris me-
lancholici motus, & crises animaduertan-
tur, in illis morbus vbi confusus, & non
perfectē alijs mixtus peccat humor me-
lancholicus, hoc argumentum appellat
sophisticū Augerius ferrierius, iectius ap-
pellasset non necessarium, probat autem
quod ex indefinitis componatur, quæ nisi
particulariter sumpta veritatem nō con-
tinent: logici distinguunt æquipollentiam
indefinitarum propositionum, secundum
materiæ conditionem. Indefinitæ enim in
materia necessaria respondent vniuersa-
libus: In contingente verò particularibus.
At propositiones illæ sunt ex materia ne-
cessaria compactæ, ergo æquipollent vni-
uersalibus: Et vt contrarium probet fer-
rierius, inquit, neque enim in crisibus om-
nium humorum est expectanda coctio:
sed eius tantum qui morbum induxerit.
Nec fracastorius aliter sentit, vt demon-
strauimus in explicatione tertiæ supposi-
tionis: Sed supponit si succus melanco-
licus peccauerit simul cum reliquis hu-
moribus, crisim non fieri, nisi cocto &
præparato succo melancholico, quod est
necessarium. Si namque crisis excitetur
incocto humore melancholico, non esset
crisis, sed symptomatica excretio. Quare
argumentum est necessarium in sorte.
Quod autem opponit. Omne quod cras-

sum est, id melancholici succi permixtionem non habere: suam enim quisque humor habet crassitudinem, Quam ex propria ipsius materia metiuntur, omnes medici, non ex alterius permixtione. Hoc verissimum est, sed fracastorius intelligit simul cum crassa natura domatu esse difficile succum melancholicum, ut potest colligi facile ex longitudine morborum à succo melancholico nascentium: & quod succus melancholicus sit præditus duabus qualitatibus natura penitus contrariis. In hac itaque fracastorij propositione consistit huius opinionis præcipuum fundamentum est autem maximè probabile. Cum quotidie cernamus multos morbos constare pituita, & bile, & tamen vno die simul & semel fieri perfectam crisin. Tardius namq; pituita coquitur quàm bilis, & succus melancholicus, quam reliqui: satius tamen videretur si natura coctum expelleret. Deinde semel concoctum perfecte coqueret, nam oneris parte leuata, melius quod reliquum est coqueret. Verum exciutioni & coctioni non potest simul vacare natura, vel minus in cōmodum sequitur ex mora materiae coctæ cum coquenda, quàm ex depulsione iam coctæ, coctione perseverante, materiae resistentis ciudæ ut explicauimus in nostra methodo. Fracastorius confirmat hanc opinionem cap. 10. de crisi- bus sua experientia, tum ab his, quæ ab Hipp. & Gal. sunt constituta: Quid enim aliud inquit monstrant dies illi, qui

DE CRISIBVS.

15

indicatiui dicuntur , qui omnes quarti sunt à die in qua perfecta crisis futura est . Quid aliud indicat totus progressus criseorum qui non per septenarias , sed per quaternarias periodos pergit . Quarum duæ , septenarium vnum faciunt . Hipp. quoque rem istam innuere fere videtur cum dicit quaternarios motus in morbis expectandos esse : Ne quis autem existimaret se velle Hipp. & Gal. decretis studio contradicendi refragari : respondet se eos motus non fingere , demonstrasseque sapissimè cœtaneis suis : Hippocratem & Gal. etiam eosdem dies vidisse : sed fors ita tulit , vt ad causam non aduerterint : & fortè Hippocratem animaduertisse asseri potest ex iis quæ scripsit in Epidemijs. lib. 1. in quo numerat dies criticos 4. 6. 8. 10. 14. 28. 30. 40. 60. 80. 100. Et alios pares : in aphorismis autem multos pares , alios impares . His addenda est suppositio alia , ex doctrina fracaſtorij : vt patebit in progressu : Morbi diuiduntur in acutos mediocres , & chronicos , ratione durationis acuti sunt , aut acutissimi qui quarto die finiri possunt , aut mediocriter acuti qui 7. aut segniter acuti. qui 13. verum Hippocrates scribit in Aphorismis acutorum morborum 14. esse extremum . Respondemus fracaſtorium in his obseruasse motum humorum præsentium , secundum dominium humoris melancholici in quibus decimus-

tertius est finis : si inceperit corrumpi
1. die : Decimus autem quartus est , prin-
cipium mediocrium secundum fracasto-
rium quorum finis est 20. & secundum
Hip. acutorū simpliciter dictorum : Nam
ex eius doctrina alij sunt simpliciter acuti,
qui finiuntur 14. die alij exacte acuti, qui
9. aut 11. alij peracuti, qui 7. alij simpliciter
peracuti, qui 3. & 5. Mediocres autē morbi
ex fracastorio, vt dictum est, cum incipiāt
14. finiūtur 20. deinde chronici incipiūt. 21.
ad 40. & vltcrius. His positis subiiciamus
exemplum fracastorii, sit inquit, qui prin-
cipaliter humor peccet cholera; Non qui-
dem pura, sed mixta cum phlegmate sub
forma vna, cum melancholico succo vi-
cinitate sola, & confusione. Subpeccet
autem melancholia, ac non multa, nec
valde crassa; sed subtilior, in summa, quæ
cito terminum dare possit, datum hoc est
possibile, vnde nihil absurdi sequitur. Igi-
tur putrescente cholera, simul quidem &
eodem die cumputrescet, & melancholi-
cus succus, morosusque satis erit paroxis-
mus ille primus, vtpotē duorum humo-
rum, Dixit autem satis, quod ex Hip. in
principio & fine mitiora sunt omnia. 2.
autem die quietissima redibit. In qua nul-
lus humorum motus fiet: non suppositum
fuit cōmixtam esse bilem cum phlegmate
sub bona forma. At 3. paroxysmum cho-
leræ sentiet, nam in mixtura illa domina-
tur bilis; tamē crism non faciet, tum quia
stimulus nondum est maximus tum, quia

totum non est digestum: non concurrit enim motus melancholiæ cum motu bilis. 4. autem dies motum habebit melancholiæ sed latentiorē, quia non multum est id quod tunc mouetur de melancholia, partim quidem, quia sub peccat solum, partim quia eius putrefactio quodāmodo pēdet à cholera, qua cessante in die quarta aliquem quidem motum dat melancholia ob concepta putrefactionis semina sed paruum & latentem, quoniam origo & fomes putrefactionis quiescit. Quinta verò cholerae motum videbit. Sexta nullus, aut perexiguus erit. At verò 7. acerbissimum omnium paroxysmum apportabit, concurrētibus simul humoribus, qui peccabant omnibus, ac paulò largius melancholia, quoniam ex alterius contagione & impulsu non parum motionis recepit, qua die quoniam digesta est materia, & præsertim succus melancholicus. Fuerat enim suppositus subtilis & paucus, proindeque natus cito terminum recipere contingit itaque crisis: stimulus enim est acerbissimus, & totum digestum: In aliis autem diebus, aut stimulus absuit, aut digestio. Hæc doctrina progreditur per suppositionem, ac medicus practicus ex effectis colligit causas. Progredietur ergo ex molestia & placabilitate paroxysmorum & dierum: ex quo sequitur, non posse quidquam certò prædicere de crisi futura, nisi antea obseruarit aliquos dies: & licet excrementa signa suggerant humorum

dominantium, tamen modos non possunt significare mixtiones diductæ in vnam massam & formam, ac confusio- nis humoris. Securitatis signa, pericu- li, & mortis sumentur semper ex co- ctionis signis, cruditatis, & ex alijs quæ ab Hippocr. descripta sunt. quibus au- tem diebus sit futura crisis, ex his quæ di- ximus secundum fracastrum pater: re- uertamur ergo ad illius suppositionem; per præscriptum (inquit) exemplum monstrari fortasse potest, quomodo 4. & septima dies criticæ sint. At quo pa- cto & 11. & 14. & 20. & 21. criticæ sunt demonstrari quidem non potest: Nam per assignatum exemplum, melancholicæ motus sunt, 4. 7. 10. 13. 16. 19. 22. 25. & 28. in quibus nec 11. nec 14. 20. 21. 27. locum habent. Ergo quo pacto, & hi quoque sint critici expediamus: Cum experientia sit probatum criticos esse. Primum autem illud scilicet ponamus, quod cum reliquis humoribus peccet suc- cus melancholicus. Præterea prætermi- tamus melancholicæ modos, & condi- tiones multiplices esse: sæpè enim pauca est, sæpè multa: Interdum crassior inter- dum tenuior, modo soluta magis, mo- do calidior, modo frigidior, similiter se habet cholera. Ex hac diuersitate fit vt putrescente cholera, quandoque simul & eadem die, cum putrescat & melancho- lia, modo in principio paroxysmi, modo in medio, modo in fine: Quod tunc ma-

ximè fit, cum pauca est subtilior & calidior magisque admixta bili: tum enim in ipsam citissimè transit infectio. nam quæ pauca, facile & cito vincitur, subtilis, cito penetratur, calida concipit putredinem. Interdum non simul & eadem die moueri melancholia accidit, sed secunda, interdum tertia, fortasse etiam & quarta solum. In acutis enim morbis prima die motus fit vtriusque humoris, acuti namque morbi, à tenuiori, pauca & calida materia fiunt. In tardis autem, quoniam crassiorem illi, & multam, & tenacem frigentemque materiam habent, moueri quidem melancholicam accidit, non nisi tertio, etsi materia crassissima sit: fortasse non nisi quarto: in mediocribus, autem morbis quorum & materia est media quantitate, crassitieque, talibus accidentibus, die quidem secunda recipitur in melancholia putredo. Igitur si i. die cum bile, simul & succus melancholicus putrescat, & commoueatur, quod in acutis fit morbis, Quartanarij quidem erunt periodi. 4. 7. 10. 13. raro enim ultra hos protenditur status in acutis. Si ergo quam acutissima sit ægritudo, tum crisis in quarta fieri potest, his enim materia paucissima est, & subtilissima, & feruens: si vero acuta segnior ad decimum-terrium protendetur eius status, si mediocriter acuta sit ad 7. in media autem cum sit 7. in ea finitur, qui mediocriter acutus est.

morbus. Media verò sæpiùs, quam extrema contingunt. Inde fit vt in genere acutorum, dies septima maximè critica sit: rarius enim est, morbum quam acutissimum esse, rarius quoque si acutus est, vt ad 13. producat statum. Nititur reddere rationem fracastorius eius, quod experientia constat nempè 7. Inter omnes dies criticos, esse maximè & sæpissimè criticū, quod scilicet, media sæpius contingant, quam extrema, Tamen eorum, quæ maiori sunt numero aliqua sæpius contingere rationi est magis consentaneum. Atqui extrema plura sunt: medium vnum est, 7. autem dies est vnus inter quartū & 13. Quare sæpius contingent extrema quam mediū: certè medium absolutum quantitatis vnicum est, à quo æqualiter extrema distant, at mediū per cōparationem ad extrema multiplex est: Illa nempè quæ sunt à 1. vsque ad aliud extremum sunt omnia media, Qua ratione 3. & 4. & cæteri ad 13. essent medij dies, fracastorius non ita intelligit: sed ratione causæ morbum committentis: vt ostendit ratio subsequens nēpè, quod rarius sit morbum quam acutissimū esse, quia vt plurimum multa in morbis accumuletur materia crassa, rarius quoque, vt acutus perducatur suum statū ad 13. quod experientia comperitur. Nam si acutus sit, raro materia est ita crassa & multa, vt perducatur eius coctio, ad 13. Quare septimus cum medius sit inter 1. & 13. frequentiores crises habebit. Ergo ratione

materia 7. est medius, & frequētius criticus. Septenarij numeri dignitati attribuitur, hic effectus à pluribus medicis: verum res quæ illo numero contingunt, septenarium faciunt nobilem, nec res ipsa à numeris accidentibus, quippe & quantitativibus, suam mutantur dignitatem, quod nec agant nec actionum possint esse instructæ: si tamen quandoque ad 13. prorogetur crisis, totus dierum progressus ita se habet 1. quidem dies tristis est, & inæqualis duos enim habet motus, 2. placidior redit, nisi duplex sit febris. 3. motum cholerae sentit. 4. melancholiae, sed latentem ac morosum: tamen 5. reuersionem cholerae videt. 6. mitis pergit. 7. valde quidem acerbata est, non tamen crisin dat: quoniam non planè digestus est melancholicus humor 8. suavis dicitur 9. grauior, propter cholerae motum 10. latentem habet cholerae motum 11. cholerae manifestum. 12. placida est At 13. fauissima & crissim adfert cum irritamento maximo: digesta enim materia est: si vero non 1. die, sed 2. solum motum dederit succus melanch. qui mediocribus morbis acutis accidit, tum quaternarij fiunt paroxysmi. 2. 5 & 8. 11. 14. 17. 20. ultra hos autem rarissimè in mediocribus producit status. Critici autem sunt 11. 14. 17. & 20. sed 11. criticus quidem est, si in hoc genere materia non multa sit, & acutis propria: si vero in eodem genere crassior sit: & chronicis vicinior, tum crisis ad 20. protendi-

tur: si vero in omnibus mediocris ad 14. Quoniam autem media sæpius quam extrema contingunt, Inde est quod 14. maximè critica fit in mediocribus morbis, modo 11. modo 17. Illud tamen non ignorandum in tertianis, quæ simplices sunt, pares dies raro criticos videri: eo quod in ijs paroxysmus non accidat, nisi anticipatio forte fiat, quare, vt nec 4. nec 14. In his critica valde videntur, quoniam tamen in tertianis sæpè accidit, vt non simplices sint: sed duplices tum & sæpè continuæ, nec non, & anticipatio quoque paroxysmorum contingat, Ex his euenit, vt 14. dies multas habeat crises & 20. sunt enim ex Gal. lib. 2. de crisis: Quædam febres, quæ semper anticipant, & quæ subsequuntur. Hoc si attente legissent, qui fracastorij sententiam improbant, non absolute pronunciaissent illum contendere, nunquam humorem purum etiam impermixtum in corpore reperiri. Subit autem mirari in progressu imparium dierum eos progredi ad 11. vsque, alternatim vno scilicet tantum die placido interiecto: ab 11. vero vsque ad 20. interponi duos dies nisi fiat 11. mutatio materiæ, vt humoris biliosi in melancholicum succum, quod falsum percipitur: Nam in omnibus non fit mutatio in illum, multæ enim crises per excretionem biliosas cernuntur. An quia ad 11. vsque motus est factus: secun-

dum bilis dominium, Nam bilis 3. quo-
quo die commouetur, atque intra illos
coctafuit, quæ expelleretur tota, nisi suc-
cus melancholicus superesset concoquen-
dus. Cum ergo matura perfectè non ex-
pellat, nisi cocta tota materia morbifica,
perseuerat in coctione succi melanco-
lici cessantibus paroxysmis à bile natis.
Et tunc progrediuntur paroxysmi, per
quaternarios: Qui vero in hoc progressu
sint leues dies, qui acerbiores qui acerbis-
simi ex subscripto schemate, quā manife-
stissimū potest esse 1. (2) 3. 4. (5) 6. 7. (8) 9. 10.
(11) 12. 13. (14) 15. 16. (17.) 18. 19. (20.) At si 3.
solū die motum incipiat melācholicus hu-
mor, quod in chronicis morbis fit, in quib⁹
crassa valde, & tenax & multa materia est:
(Quod autem tale existit tarde coquitur,)
periodi tunc erunt 3. 6. 9. 12. 15. 18. 21. 24.
27. 30. raro autem vltra contingunt cri-
ses: maxime autem harum criticus erit. 21.
27. & 15. si enim materia crassa quidem
ac tenax extiterit, pauca autem, ad 15.
status erit: si vero crassa ac valde multa
ad 27. si mediocris ad 21. quod idcirco sæ-
pius euenit, quoniam in medio est, qua-
les autem dies sint futuri ex hoc schemate
percipies. 1. 2. (3.) 4. 5. (6.) 7. 8. (9.) 10. 11.
(12.) 13. 14. (15.) 16. 17. (18) 19. 20. (21.) Con-
cludit ex his quæ dicta sunt & soluit diffi-
cultates, in quibus primæ notę autores sūt
versati, redditque rationem breuiter om-
nium criticorū dierū: hoc loco excusādus
est fracaſtorius: quod vtatur nominibus

admodum diuersis ab illis, quæ solent v-
surpari à Gal. & alijs medicis, vocat enim
morbos ad 21. pertingentes chronicos,
comparatione facta cum acutis, cum antea
absolute sumendo diuidat morbos in acu-
tos mediocres, & chronicos, acuti proprie
finiuntur. 13. mediocres 20. Chronici verò
incipiunt 21. ex his omnia illa monstrari
possunt, quæ circa crises spectantur. At
primum illud, cur tam 20. quam 21. critici
sint. In quo tantopere Gal. laborauit mē-
sem nimirum componit suo instituto ac-
commodatum, & horas subtrahit, vti libet:
Patet enim in mediocribus 20. esse criti-
cum, in chronicis 21. vter autem criticus
magis sit, difficile est certè iudicare, casu
enim fieri potest, vt aliqui plures in 20. alij
plures in 21. crises perspexerint propter
quod Archigenes magis 21. probarit. Hip.
vero 20. illud quoque percipi potest, cur
dierum aliqui præstent principatu, aliqui
sint principatu minores; & cur alij critici
sint, alij non, alij medio modo se habeant.
Si 5. die incipiat putrescere melâch. succus
ita progredietur, & sic in alijs licet nume-
rare. 1. 2. 3. 4. (5.) 6. 7. (8.) 9. 10. (11.) 12. 13. (14.)
15. 16. (17.) 18. 19. (20.) 21. 22. (23.) 24. 25. (26.)
27. 28. (29.) 30. a. 5. duc. lineam ad 8. ab. 8.
ad 11. ab 11. ad 14. à 14. ad 17. à 17. ad 20.
a 20. ad 23. a 23. ad 26. a 26. ad 29. Ergo
inter omnes criticus maximè dicebatur 7.
Quod idcirco fit, quoniam maxima cri-
seon pars in acutis fit morbis in iis enim &
stimulus ingens fit & materia subtilis est,
media

media vero vt demonstratū fuit frequētius
cōtingunt, quam extrema: ab hoc secūdus
principatu ponebatur, 14. Nam et si quar-
tus & 13. in acutis versantur rarius tamen
est, vt morbus acutissimus sit, qui soluatur
quarto rarius item vt in acutis simpliciter
status protendatur ad 17. quam ob cau-
sam 14. crebriores crises videt, quod in
morbis mediocribus sit, & in his maximè
criticus existat: propter eādem causam &
20. & 21. & 11. magis etiam critici sunt
quam, 4. & 13. inter ipsos autem. 20. & 21.
superant principatu 11. nam quamquam
11. sit in mediocribus morbis, rarius ta-
men sit in illis vt status acceleretur ad 11.
hoc loco per mediocres oportet intelli-
gere mediocriter acutos, qui à 4. ad 11.
protenduntur. à quo ad 13. sunt segni-
ter acuti, aut criticus in mediocribus est
21. vt si 2. aut 5. incipiat moueri melancho-
licus humor. Notandāque illa distinctio
criticorum dierum in criticos numero, &
effectu in quibus scilicet re vera contin-
gunt crises: numero autem in quibus pos-
sunt accidere: non critici autem erant plu-
res 6. 8. 10. 12. 16. 19. 22. 23. 25. 26. 29. ac
6. rarissimè crises videt, quoniam in eo nec
cholerae motus sit, cum sit par, neque me-
lancholiae, nisi forte in periodis 31. diei, Id
est quando succus melancholicus incipit
moueri. 3. die, at in illis multo lōgior spe-
ctatur crisis, qua de causa in sexto crises
non fiunt, nisi forte aut paroxysmus 7. diei
anticipet, aut materia furens sit, aut abun-

dantissima, neque vt diximus propriè crises sunt: sed magis violentæ quædam & symptomaticæ excretiones, propter quas rationes consuevit dici sæuus, & tyrannus dies: 8. quoque propter eandem causam, non est criticus, quod nec bilis motus, nec succi melancholici experiatur, nisi in periodis 2. diei, id est quando motus humoris melancholici incipit 2. die morbi, Quod ille humor non possit esse coctus 8. die, quare in illo commouebitur quidem, sed non expelletur: numero ergo erit criticus, non effectus. 10. vero bilis motum non habet, quamobrem fit, vt quamquam motum 1. diei habeat, non possit tamen critica esse, quod motus humoris melancholi. i. non fiat eo die nisi latens. At 12. & par est & motum habet humoris melanch. 3. diei, id est quando incipit moueri succus melanch. 3. die morbi, quod serius crisin faciat. 16. periodum habet 1. diei. Sed ad illud non protenditur status in acutis morbis. Consimiliter & 9. motus habet primi diei, vnde nec ipse crisin videt sed neq; 12. eadē de causa. Vigessimus tertius autē periodum habet 2. diei. Sed in mediocribus morbis, dictum est, statum non protendi vltra 20. Ad 25. autem transirent periodi primi diei si morbus non ante diiudicaretur. Idem de 26. & 29. dicatur. de 28. vero dubium apud antiquos fuit: Multi enim prætulērunt 27. quod quidem verum esse potest: si forsan melancholicus succus die quarto moueri in-

ciat sic enim periodi erunt, 4. 7. 10. 13. 16. 19. 22. 25. 28. 31. quem motum nos semel obseruauimus in cōtinua febre, in qua duplicis tertianæ correspondentia fuit: acerbæ autem dies censentur esse. 7. & 10. in quo exacerbationes tertianæ cessarunt, exinde verò, cum continua, quartanarij motus solum nobis apparere. Sæuissimi verò omnium fuerunt, 22. 25. & 28. in quo æger supræmam obijt diem, medij autem dies erant, 3. 5. 9. 13. 18. ac 3. 5. & 9. Ita se habent, quoniam in tertianis puris & ijs, qui non puræ sunt habent, aut vnā formā, multæ contingunt crises. 13. vero ad criticos propinquus est, vt diximus, quoniam, & impar est & inter periodos, primæ diei cadit: quare & ipse dies nōnullas crises videt. 17. aut periodos habet secundæ diei, & in eo sæpe crises etiam fiunt. at 18. periodum sortitur diei 3. & quasdam etiam crises dat, vel anticipantibus paroxysmis, vel in duplicibus tertianis: Indicantes vero dies sunt in quibus materia non est omnino digesta, proxima tamen vt digeratur: quoniam vero natura, quoties irritatur expulsionem nocentis tentat, vnde fit, vt certis diebus crises quædam appareant imperfectæ: aut potius aliquæ excretiones, vt per vrinas, quæ eius crisis nunciæ sunt, quæ perfecta futura est. Vt patet ex Hipp. In aphorif. nubecula enim rubicunda 4. die in vrinis appatens. 7. die crisim futuram prænunciant. Crisim quidem atque expulsionē tentat natura quo-

Bb ij

niam stimulat: imperfectam autem facit
expulsionem, quia non omnino digesta
est materia in parte etiam expelletur, pro-
pinquissima vero digestionem cum sit, nun-
ciat quidem in sequente periodo, futuram
esse perfectam crisin: Atque idcirco indi-
cantes dicuntur illi dies, in quibus imper-
fecte contingunt excretiones propinquis-
simae vero perfectis: omnes autem quater-
narij sunt à die perfectae crisis, secundum
Hipp. quod apertissime monstrat, ratio-
tionem criseon à melanch. humoris motu
potissimum dependere. Dixit potissimum
& saepius repetiuit: ne putent reprehen-
sores fracastorij, eum negasse, morbos
alios habere progressus, quam eos, qui à
succo melancholici corruptione nascuntur.
Quartus igitur nuncius est septimi, 11. 14.
& 17. 20. 18. vero 21. unde autem nos & 8. in-
dicatiuū fuisse ea in muliere quae tertiana
febre laborabat cognouimus, cuius acer-
biores dies fuere. 2. 5. 8. Erat enim mota
melancholia 2. die, in 8. autem vrina facta
fuit sanguinea, unde indicauimus in 11. cri-
sim futuram esse per menstruum sangui-
nem, quod non secus atque existimaue-
ramus euenit, nihil enim prohibet & eos
dies, qui vt plurimum indicantes sunt
quandoq; principes in crisi fieri. Hinc po-
stremò argumento facto ad confirmatio-
nem motus humoris melancholici, Diffi-
cillimum est respondere, cum sit ex Hipp.
Nam licet septimus sit impar, est tamen
quartus à quarto: interponuntur nimirum

duo dies in quibus quiescit humor melan-
cholicus qui commotus fuit, 4. & 1. die
morbi: huc vsque fracastorius totus fuit
in probatione proprię opinionis de dieb⁹
decretorijs numerandis, secundum mo-
tus melancholici humoris, in morbis in
quibus ipse dominatur: nunc vero docet
præuidere futuras quietes, & molestias
dierum, tum etiam crises: hoc autem (in-
quit) non est cuiusuis inuestigare: sed so-
lertis & amantis philosophiam. (inquit,)
itaque percurandum est si fieri possit, pri-
mam ægritudinis diem rescire: si igitur,
circa initia datum fuerit accedere, ad hæc
attendere eum oportet, qui eius progres-
sum noscere volet. In primis videat qua-
lisnam ægritudo oblata est, acuta medio-
cris an chronica, quod ex his signis co-
gnosceret, quæ à medicis tradi solent, vt
nos declarauimus in nostra methodo cap.
de motu morborum. quod si acutam esse
ægritudinem viderit, materiamq; aeream
& tenuem, siquidem cholera pura iudica-
bitur, ad impares tantum dies animaduer-
tat: neque enim in ea melancholiæ perio-
di, separandæ erunt. Quid dilucidius dici
potest, quid autem stupidum magis fingi,
quam non aduertisse hæc verba: At si non
syncera fuerit bilis, sed sordidior quo-
dammodo, admixtione succi melancho-
lici, tum separari poterunt quaternarij illi
motus, qui ordinem in crisis præbent.
Quare ad primum paroxysmum aduerte,
si simplex est, Si tempora seruat sua, an

B b iij

magis, si aliquam recipiat diuersitatem. Quod si circa augmenta aut status, aut declinationem, contrahi rursus pulsus videatur, atque extrema frigere, suspicio quædam est, motam simul atq; eodem die fuisse melancholiam: quamquam id non est necessarium, possunt enim hæc eadem, aut ex motu phlegmatis, aut ex alia parte cholerae prouenire. Verum quarta dies in eo dubio certitudinē dabit: si enim debeat ea sine febre fieri, tristem tamen appor- rarit diem, & occultam quandam, sine vlla causa manifesta, ægro perturbationem immiserit, magnum quidem iudicium erit die prima motam simul fuisse melanco- liam, quare inspecta vrina, & alijs dig- estionis signis, ad 7. animaduerte, In quo aut crisis fiet, si indicata in quarta fuerit, aut ægritudo soluetur, aut status erit. Si vero prima nullum dederit signum, com- moti melaneh. humoris, percipias autem signis materiam crassiusculam, tunc in- dica morbum ultra hebdomadam tran- siturum, quare nec quartum nec septimum diem curato, Si opus fuerit sanguinem mittere, aut pharmacari: Neque enim iste teneat timor ne impedias crisin. Ad secū- dum vero diē respice, in quo vide, si quid- quam commoueatur an nihil, quod si ali- quid commoueatur videto, an clarus sit paroxismus & priori similis: forte enim febris erit duplex, an magis latens motus, & sine manifesta causa tristior, quo casu & ad quintum respicito si sauum reportaris

paroxysmum, si longum, inæqualem, non humorosum: sed siccum cum declinatione longa, morosa, quæ si contigerit, dubitare nihil debes motum die 2. fuisse melancholicum humorem. computa igitur periodos secundæ diei, & metire materiam, qualitatemuè eius, & quantitatem, ac digestionem: si enim mediocris in omnibus visa fuerit, ad 14. portedit statum: si crassa medio modo. At multa ad 20. si tenuior & non multa ad 11. cognosces autem, & quæ quietiores, & quæ acerbiores dies erunt, nimirum, in quibus fit motus alicuius humoris, aut plurium. At si neque prima, neque secunda die, signa vlla videaris motæ melancholiæ, tum ad tertium te conuerte, & materiam bene examinato, quod si notæ apparebunt quæ suspicionem dant eius motus, tunc ad periodos tertiæ diei spectato. Si igitur & 6. & 9. tibi responderint, quaternarios motus spectanti, tunc chronicam ægitudinem futuram. Tunc etsi materia crassa quidem videbitur, mediocris autē quantitate, ad 21. decernere statum videtur: si vero multa ad 27. Hoc postremò capite docet frastorius, qua ratione morbi 1. dies possit dignosci à medico, qui longe ab ægitudinis principio fuerit accersitus: nec ab astantibus rescire potuerit. Inquit itaque, quoniam autem non semper aduocari medicum ad initia morbi accidit, siquidem primas dies vidisse non dabitur, percunctare tamen quæ 1. fuit dies, qualesque re-

Bb iiij

liquæ præteritæ, fortasse enim hoc modo periodos 1. 2. 3. diei nouisse poteris. Nam si quaternarios ullos motus deprehenderis facta ad diem primam supputatione, videbitis cuiusnam diei illæ periodi sint: Quod si nec 1. dare, nec aliarum ordinem æger sciuerit, aut astantes, tu tamen morbi motus observa: raro enim fit, vt re diligenter perspecta, non sese offerant tibi quaternarij aliqui motus melancholiæ: quod si ullos videre poteris, considerato & signa digestionis, & propinquitatem status, & distantiam, nec non materiæ qualitatem: sic enim non modo futurarum, sed & præteritarum cognitor esse poteris. Quemadmodum non multo iam elapso tempore, contingit mihi: cum enim accersitus ad ægrum quendam, multis, post morbi initium diebus quæsiissem, qua die primum ægritudo inuasisset, nescire se æget & astantes dixisse. Tum quæsiui quæ saltem grauioribus præterissent dies, hesternam inquit æger, & dies martis, grauioribus fuere, fuerat autem quam hesternam dixerat veneris dies, 4. quidem à die martis. cognoui igitur melancholiæ motus illos fuisse: cum vero, & vinam & alia signa digestionis examinassissem, vidissimq; quamquam iam plures à prima præterissent dies, statum tamen adhuc longinquum, iudicatiui periodos illos martis, & veneris 3. diei fuisse, quare & ægritudinem ad 27. transituram: facta vero die 3. comparatione, tandem compertum est ægritudinem die mart.

33 DE CRISIBVS.

Primo incepisse ac tum 19. agi quæ Saba-
thi die erat, vti apparet ex schemate sub-
iecto. Mar. Merc. Io. Ven. Sab. Dom. Lun.

1. 2. 3. 4. 5. 6. 7. 8. 9.
Mar. Mer. Iou. Ven. Sab. Dom. Lun. Mar.

10. 11. 12. 13. 14. 15. 16. 17.
Merc. Iou. Ven. Sab. Dom. Lun. Mar. Mer.

18. 19. 20. 21. 22. 23. 24. 25.
Iouis. Veneris.

26. 27.

DE CAVSIS AFFECTIO-
NUM QUÆ IN TEMPESTA-
tibus, & ætatibus contingunt.

HÆc morborum consideratio pro-
dest ad cognitionem illorum: Nam
ex anni tempore coniectura, & argumen-
tum petitur probabile morbi in eo nascē-
tis. & ad prædictionem: Nam ex Aphor.
34. lib. 2. minus periculose ægrotant, ij.
quorum vel naturæ, vel ætati, vel consue-
tudini, vel tempori familiaris morbus est,
quàm quibus horum nulli affinis cogna-
tusque existit: & ne quis existimaret Hip.
doctrinam, de causis horum morborum
necessariam tradi, scribit aph. 19. lib. 3. qui-
libet in quibusuis temporibus morbi fieri
possunt: nonnulli tamen, in quibusdam
magis tum fiunt, tum irritantur, vt signi-
ficet à tempore anni, ad morbi speciem
non esse necessariam consecutionem, fieri
tamen aliquando. Quod vt cognoscatur.

B b v

videndum num morbus, qui proponitur, sit Epidemius. Is namque ab aëris constitutione proficiscitur, sparsus: qui à victus ratione, aut à cuiusque temperamenti vitio ortum ducit. Aduertendum præterea, non omnes morbos tempestatibus proprios, habere ipsas tēpestates familiares: Nam in tempestatibus fiunt morbi, aut ratione temporis aëris, vt estate febres ardentes: Quod tunc temporis magnus fiat prouentus humoris biliosi: aut ratione motus humorū: quo pacto vere cutaneos morbos producit, depulsis foras humoribus: aut causa præcedentium temporū: hoc modo vel procreat sudores, epilepsiā, melancholiam, ob humores genitos autumno, qui excludi, aut cōmoueri hyeme non potuerunt: sed veris tepido calore excitantur: debet autem doctrina tempestatum vniuersalis, precedere particularē. Idcirco Aph. 15. lib. 3. pronuntiatum est, ex tempestatibus anni in vniuersum, siccitates imbribus assiduis sunt salubriores, & minimè lethales, quod in pluuiosis temporibus multi humores superflui colligantur, & retineantur in corpore: vnde putredines excitantur: In magnis tamen siccitatibus ex Aphorismo 7. eiusdem libri febres acutæ fiunt, ob humorum biliosorum prouentum maximum: neque satis erat tempestatis salubritatem in vniuersum designasse: sed oportebat præterea explicare morbos proprios harum tempestatum. Quare Aph. 16. scribit morbi

per assiduos imbres, magna ex parte fiunt febres longæ, materiæ quantitate & qualitate, nempe visciditate densitateque, tum prohibitione perspirationis putredinem producentis: alui fluxus, collectione excrementorum, humiditatum copia, tum vaporibus humidis, corpus nostrum lubricum efficientibus, & obstructione pororum: At in pluuiarum copia, Auster flare solet, Qui cum aquiloni sit contrarius, diuersum parit effectum planèque contrarium. Aquilonia autem tempestas cogit corpora ex Aph 16 huius lib. Ergo sequitur austrinam tempestatem aperire, quare obstructionem non parit. Verum perspiratione prohibetur corpora, pororū constrictione, quæ generantur à tempestate Aquilonia, aut obstructione: ab humiditate austrina tempestate copiosa: à qua fiunt putredines, ex quibus vlcera & febres putridæ, morbi comitiales, ob collectam copiam crassorum humorum, præsertim in capite eorum, qui illud debile habent: Ex iisdem causis auctis fit apoplexia. Angina vero ex prolapsu eorum humorum in fauces. Per siccitates vero, morbi tabifici, à distillatione in pulmones, à qua exulceratur. Ophtalmiæ, quæ ab eadem causa contingunt. Articulorum dolores, stillicidia vrinæ, ab acri humore bilioso cum vrina mixto, tum resiccata glandula, quæ humiditate sua lenta, obtundit vrinæ actimoniam: & dysenteria, ab acri & rodente humore prolabente in.

Bb vj

intestina. Atque hæ affectiones solent diurnas illas tēpestates sequi, quotidianæ vero tempestates, & quæ sunt paucorum dierum, suos præducunt in corporibus humanis effectus, ex quibus iudicare possumus de salubritate, aut morbo: idcirco Hip. scribit, Quotidianæ tempestates aquiloniæ cogunt corpora, frigore condensante poros, firmanque retento intus calore nativo, & moderata partium siccitate, mobilia item & expeditiora reddit, facultatis animalis virtute & instrumentorum mouentium robore, quod puri sint spiritus priuatione vaporum, & neruificciores: coloratiora, quia ut se habet alimentum partium ex 6. Epid. Ita & color, atqui melius coquit calore concentrato, ob id enim hyeme & verè ventres sunt calidiores, huic sanguinis copia & bonitas coloris: auditu valentiora reddit, & reliquis sensibus. facultatis naturalis virtute, instrumentorum proba dispositione, & externi medijs puritate: cum his autem salutaribus effectis, nonnulla incommoda pariunt aquilonē tempestates, alios namque siccant priuatione generationis serosi excrementi, tum quod externa corporis superficies resiccata, attrahit ab interno corpore humiditates, quibus faeces humectatæ facilius fluere: mordent oculos, quod frigore maximè exponantur, raritate autem dispositionis facile admittant frigus, à quo resiccati quodammodo diuelluntur, à diuulsione nascitur mordica-

tionis ille sensus: Et si dolor aliquis thoracem prius exercuerit exasperant, inspirato aere frigido, à quo læditur thorax, frigidum namq; ex Hip. partibus pectoralibus est inimicum. Contra Austrinæ tempestates corpora languida efficiunt, & humectant: vnde instrumentotum mouentium laxitas, ex qua inertia prouenit, auditum hebetant, ex cōtrarijs causis earum quæ de Aquilonia tempestate dictæ sunt, caput grauant; humoribus genitis & contentis in eo per tales tempestates. Vertiginem pariunt ab inordinato motu spirituum animalium, vaporibus crassis fœdatorum, oculis & corporibus tarditatem afferunt, propter easdem causas, quæ iam sunt dictæ, & aluum humectant, quod humore abundet multo, & coctrix retentrixque sint debiles, propter calorem præternaturam genitum, & humiditatem contrariam retentioni: generalibus ita constitutis ad particulares tempestates accedit Hip. Aph. Itaque 10. scribit, vere infaniæ, melancholiæ, morbi comitiales, propter causam iam dictam: sanguinis profusiones, natura grauata, quantitate sanguinis, quam hyeme collegerat & vere pepererat: Ita vt non possit vasis contineri, vel irritata à qualitate, quando sanguis, aut acrior est, aut salsus: Tum quod verè sanguinis copia magis procreetur quam in reliquis tempestatibus. Anginæ præsertim à sanguine pituitoso in fauces prolabente, ob eandem causam fiunt, & grauedines, rau-

citates, rufles, producantur & lepræ: impetigines, vitiligines, pustulæ ulcerosæ, plurima tubercula, articulorum dolores: Quod eo tempore natura incipiat expellere noxios humores, extra cutem, tum attenuentur humores, & pori extendantur corpore rarefacto. Æstate autem nonnulli horum nascuntur, nempe sub finem veris & initio æstatis, vsque ad mensem iulium. Febres continuæ, quod putredines ab externo aëre generentur. in maioribus vasis febres ardentes, & tertianæ plurimæ à bile, Illo potissimum tempore dominante: quartanæ in quas sæpè degenerant superiores, adustione humoris biliosi. Vomitiones, alui profluvia biliosa, lippitudines à bile aucta, aurium dolores acuti, ab eodem humore, oris exulcerationes, genitalium putredines & sudamina id est pustulæ quædam miliares toto sparsæ corpore, à materiæ sudorificæ acrimonia: Autumno vero, æstiuæ etiam morbi multi fiunt: Nam frigus autumnale materias ab æstate genitas cogit & compellit intro: Quocirca exortantur æstiuæ morbi: febres quartanæ & erraticæ, illæ quidem ob atrem bilem per adustionem flauæ genitam: istæ vero ob materiam heterogeneam: lienes magni, ob melancholici succi abundantiam. Hydropes à succo melancholico, iecur refrigerante: tabes siue totius corporis siccitas, ob frigiditatem, siccitatem, & inæqualitatem autumni: urinæ stillicidia, à bilis acrimonia quæ poris obstructis à fri-

gore autumnī, non amplius euaporatur: sed in vesicam deerrat, excitatq, sua acrimonia, vrinæ stillicidia: hienteriæ, id est, cibi incocti citissimæ deiectiones, ab exulceratione interioris tunicæ ventriculi, & intestinorum: & a magna & insigni intemperie orta: dysenteriæ, ab acri humore bilioso intestina errodente: Coxæ dolores, à malignitate, & acrimonia humorum in coxas decumbentium. Fiunt etiam eadem ratione morbi articulares, Anginæ, à bile & atra bile: Asthmata, à descensu humoris, in pulmones debilitatos ob frigus: Ilei ob inflammationem & obstructionem intestinorum, Idque propter debilitatem eorum à frigore: insaniæ & melancholiæ, ab humore melancholico & atro dominante. Hyeme pleuritides prolapsu pituitæ tenuis, aut admixtæ, cum aliqua portione bilis in latus. Promouetur autem defluxio à frigore externo comprimente partes superiores, & exprimente humores in latus. Pulmonis inflammationes, quæ eandem agnoscunt causam: lethargi, à pituitæ putridæ copia cerebrum occupante cum febre continua, & dormiendi cupiditate: grauedines raucedines: tussēs: à pituita ex cerebro in nares & fauces delabente: dolores pectoris, qui procreant vt plurimum notam pleuridinem, à pituita & à flatu laterum, & lumborum, à frigore & catharro: cephalalgia à pituita cerebrum replente: vertigines à flatu in cerebro nato ex pituita: apoplexia, à pituita perfectè ob-

struente ventriculos cerebri & substantiā.
Secundum ætates, qui morbi fiunt paruis
quidem & recens natis puerulis, oris vl-
cera, siue Aphthæ, à causâ triplici, nempe à
mollitie oris interioris, ab acrimonia la-
ctis nutriticis, vel ab acri humore defluēte
in os: vomitiones à voracitate, quia plus
lactis hauriant quàm possit ferre stoma-
chus: tusses ob humiditatem cerebri mul-
tam delabentem in asperam arteriam, &
pulmones: vigiliæ ob dolores, & tormina
ventris, pauores à falsis imaginationibus:
umbilici inflammationes, si is non præ-
scindatur aut præciso non adhibeantur re-
media conuenientia. Aurium humiditates
à cerebro distillantes. Quod maximè ple-
num sit. Aduentante dentitionis tempore
gingiuarum pruritus: quia dentes erum-
pentes pungunt, & configunt ipsarum car-
nes: aut à materia serosa & salsa: febres, ob
inflammationes ginginarum: hæc vero fe-
bris fundit plenitudinem, & copiam crudi
humoris in cerebro, Vnde conuulsiones:
ab eadem copia & cruditate, fiunt alui pro-
fluua: hæc autem accidunt maximè cum
caninos emittunt: Quod fit maxima ex
parte 10. & 12. mense, & his pueris, qui sūt
pleniores ab humoribus superfluis, quos à
voracitate colligunt, & qui aluos duras
habent, in quibus maior fiet prouentus
humorum superfluatorum: ipsis vero gran-
diusculis, tonsillarum inflammationes, ab
humoribus acris & calidis, qui defluunt
ad tonsillas: vertebræ in occipitio intror-

sum luxationes, quod partes faucium inflammatae, trahant in consortium nervos, & musculos: unde retrahuntur luxationemque afferunt vertebrae colli. Asthmata, ex defluxu crudi humoris in bronchia pulmonis, quibus oppletis angustior fit via respirationi dicata. calculi duabus causis. 1. ob intemperantem victum, multi humores crudi collecti, una cum urinis ad vesicam confluunt, qui calculi sunt materia. 2. ob calorem, qui materiam indurat, unde calculus nascitur. vermes à putrente pituita in intestinis, ij autem sunt lumbrici rotundi, aut ascarides, ex hollerio in Aphorismum. verrucae pensiles à materia crassa & viscida ad cutem erumpente. Satyrismi hoc nomen ambiguum est. Oribasio verrucarum est turba, in qua maiorem circundant aliae minores: Aristoteli est morbus in quo propter flatus facies tumida repraesentat satyrum. Galeno lib. de tumoribus praeter naturam, est elephantiasis, & lepra, quia consumptis musculis temporalibus fit ossium eminentia. Ita ut caput in modum satyrorum cornutum appareat, alij vocant affectionem penis. Cum turget à flatu maligno venereo, nec dissolui potest tensio: aut significat glandularum tumores prominentes circa aures, Qui hoc loco sunt intelligendi. Stranguriae siue urinae stillicidia, à retentricis ipsius vesicae imbecillitate: strumae, à pituitae copia in colum prolabente: aut à melancholico succo, & alia tubercula quae

sunt inflammationes glandularum, præsertim in inguinibus, & axillis: grandioribus autem, & ad pubertatem accedētib, superiorum etiam morborum, multi accidunt, vt febres diuturniores, quatuor de causis. 1. ob materiæ quantitatem copiosam. 2. propter frigidiorē, & crassiorē materiā à voracitate natam: 3. ob densitatem corporis 4. propter imbecillitatem viriū, proficiscentem à copia humorum, quæ parit oppressionem viriū. Sanguinis ē naribus copiosa profluuiō: propter sanguinis copiam, & veneris vsum: Iuuenibus sanguinis spuitiones, tenuitate, scilicet, & copia eius sanguinis: tabes nam à sputo sanguinis puris (sputum, & inde tabes: febres acutæ ob bilem dominantem, & vitæ errata: morbi comitiales propter victum intemperatum, à quo magna pituitæ copia cumulat in cerebro, vnde epilepsia. vltra hanc ætatem prouectis, ad annum. 60. Asthmata: quia propter intemperantem victum colligitur in cerebro pituita, quæ labitur in bronchia pulmonum iam imbecillum: pleuritides, à bile tenui in pleuram illabente, pulmonis inflammationes, ob eandem causam. Lethargi, à pituita substantiæ cerebri impacta, quæ putrescit, & malignam febrē parit; diuturna alui profluuiā, à multitudine materiæ biliosæ permixtæ multis cruditatibus. cholera morbi, ab eadem causa vellicante ventericulum & intestina, proindeq; excitante vomitum & alui fluxum: difficultates in-

testinorum, leuitatēque eorundem: aut à cruda pituita chilum deturbante, aut ab vlceribus ventriculi: aut à debilitate re-
tentricis eiusdem: hæmorrhoides, ijs præ-
sertim quibus suppressa solemnis aliqua
euacuatio: addenda est etiam apoplexia
quæ à 41. anno ad 60. fieri maximè solet
ex aph. 37. lib. 6. Senibus autem difficultas
spirandi, distillationes, & tussēs tribus de
causis: Nam senibus fit cerebrum frigi-
dus, & imbecillius, quare prompte à cau-
sis externis patitur, vt ab aëre, & colligit
excrementa, deinde thorax, qui calore
gaudet, is vero calet minus, imbecilliorq;
est: quocirca fluxiones recipit facilius. 3.
corpus habet siccissimum, poros astrictos,
compactos: vt non transpirent excremen-
ta: ob id senum morbi, sunt interiores, ma-
gisque à superficie intro demersi. Strāgu-
riæ quoque, & dysuriæ, quarum affectio-
num causæ sunt propriæ, & communes.
Communes existunt imbecillitas vesicæ,
excrementorum copia collecta, ob imbe-
cilliolem calorem natium: Tum propter
astrictionem cutis; quæ etiam ab excre-
tionibus cessant: causæ vero propriæ sunt,
quia stranguriæ materia, humor est acrior,
& ferè pituita salsa in senibus, a qua exci-
tatur vrinæ ardor, proindēq; stillicidium.
Dysuriæ, siue suppressionis vrinæ causa est,
materia crassior & frigidior, à qua prohi-
betur exitus vrinæ, propter obstructions.
Articulorum dolores ab eorum imbecilli-
tate, & excrementorum copia: Nephriti-

des, id est, dolores à calculis renum, qui generantur in senibus, à copia excrementorum viscidorum, & caloris acrimonia: nascuntur autem in renibus potissimum, Quod cum magno calore sit opus ad calculi generationem, vesica senum frigida est, renes illorum calidiores: & præsertim si extiterint temperamento calido & sicco: vertigines à vaporoso spiritu, qui ortum ducit à debili calore senum: & debilitate spirituum. Apoplexiæ à multa pituita, & succo melancholico: cerebri ventriculos, & substantiâ eius obstruente: malus corporis habitus, ob debilitatē vetriculi, & hepatis, vt & pruritus totius corporis. vigiliæ, à falsa pituita cerebrum vellicante, aut priuatione benigni illius vaporis qui somnum concitare solet. Humiditates ventriculi, à deprauata coctrice, humiditas narium, ab eadem causa: Nam cerebrum humiditatibus serosis repletur. Hebetudines oculorum, à copia frigidi humoris cerebrum occupantis. Glaucedines ab exsiccatione oculorum, ob penuriam humidi radicalis: & auditus hebetudines, ob copiam frigidorum humorum. Hic morborum grauissimorum catalogus, apertè ostendit verissimam esse sententiam Hip. i. de dieta: nempe senes omnes esse morbosissimos cui tamen aduersatur aphorismus 39. lib. 2. Inquit enim Hip. senes magna ex parte minus, quàm iuuenes ægrotant: Semel autem diuturnis morbis correpti, ferè vna moriuntur. respondemus, Minus

DE CAUSIS MORB. 45

ægrotant victus ratione, non ætatis salubritate: quod senes sint cautiores, & victus rationem corruptam (pericula experti) fugiant; ætatis vero ratione morbosiores, propter senectutis debilitatē naturalem. Est enim ipsa morbus: tum quia vitæ præcedentis errata efficiunt senum corpora languida & effœta commoriantur vero morbis frigidis. præsertim, quod coctionem in illis non recipiant propter debilitatem caloris.

DE MORBIS, CAUSIS

MORBORVM, ET SANITATIS:

*De signis eorundem, & partium
affectarum.*

*Quicumque parte aliqua corporis dolent, &
dolorem omnino non sentiunt ijs mens æ-
grotat. 6. 2.*

Signum mentis alienatæ est, dolorem non sentire: oportet ergo doloris causam adesse nimirum intemperiem, aut continui solutionem: verum mentis alienatio, aut est cum morbo, vt in phrenitide, aut sine morbo, vt in iratis, multi enim ira accensi vulnerantur, sine sensu vulneris, est autem in ijs non mentis alienatio: sed potius alio conuersio.

*Dolores & febres, accidunt magis, cum
pus sit quàm iam confecto. 47.2.*

HOc aphorismo continentur signa vigentis & declinantis inflammationis: sunt autem dolores & febris, qui cum viget inflammatio, viget. Cum remittuntur declinat: ratio vero horum symptomatum, pender ex causis doloris & febris, vigenti enim inflammatione, magna est in parte intemperies, & à distensione solutio continui, tum euaporatio multa feruens ad cor fertur, vnde febris & dolor suscitatur: ijs remissis, dolorem & febrem imminui est necesse.

Quibus est aluus humida in iuuentute, meliore sunt conditione: quam quibus astricta est. Verum senectute difficilius defunguntur, ipsis siquidem senescentibus resiccatur. 53. 2.

EX 20. aph. 2. lib. qui habent humidam aluam in iuuentute, habent siccam in senectute, & contra. Nunc vero comparat illas dispositiones, secundum commoditatem sanitatis, & morborum: Cum vero ventris laxitas, sit præferenda, propter excrementorum euacuationem, quare in quacunque ætate aluus extitit lubrica, ea est commodior ad salubritatem, & ad morborum curationem: verum, quia qui iuvenes habent aluum liquidum, in senectute

alstrictam patiuntur, commoditas iuuentutis, incommoditate senectutis mulctatur. Quare fit, ut qui iuuenes propter aluum liberam melius haberent, cum perueniant ad senectutem, peiori sunt in statu, quàm senes: quorum aluus fuit sicca in iuuentute, & in senectute fluida est. Referatur ergo hic aphorismus ad simioticam. Nam aluus fluida naturali constitutione, significat ætatis bonam diathesim, siue dispositionem.

Magnitudo corporis iuuentuti liberalis est, nec indecens: senectuti vero inutilis, & peior paruitate. 54. 2.

Referendus hic aphor. ad simioticam præsentis constitutionis, aut futuræ. In iuuentute namque magnitudo corporis speciositatis est indicium, & signum senectutis illius viri incommodæ: Quod tales viri incuruentur, & propter debilitatē minus commode possunt mouere & agitare molem illam vastam corporis. Ex paruitate contraria sequuturi.

Qua parte corporis sudor est, ibi morbum esse ostendit. 38. 4.

Sudor in parte aliqua suscitatus, est signum morbi, in ea parte existentis, à materia namque ibi contenta sudor emanat, aut multitudine materiæ, vel retentricis imbecillitate, vel robore naturæ. Est

autem hic sudor symptomaticus, si copia
materiæ, aut partis imbecillitate fluxerit.
Criticus si robore naturæ.

*Et qua parte corporis calor, aut frigus est, ibi
morbus existit. 39. 4.*

EXtra febrem intelligendus est aphor.
& à re per se, & continenter à causa
morbifica emanante.

*Quibus tusses sicca modice incitantes, in ar-
dentibus febribus diu durant, ij non ad-
modum siticulosi fiunt. 54. 4.*

Signum febris ardentis est sitis inexpl-
bilis, quæ ægrum non præmit, quoties
tussis adest sicca, sine expectoratione mo-
dice irritans pulmones, & tracheam arte-
riam. Nam ex eo quod sicca est, tenuis
humoris significatur defluxio, & quia mo-
dice irritat, benignum humorem demon-
strat, quo irrigantur fauces, & lingua: hu-
mor vero illa est pituita aquea, per quam
sitis causa extinguitur Si quis ergo in ar-
dente febre, non sitiat, aut significatur il-
lius partis insensibilitas, in qua est sedes si-
tis, aut irrigatio ab humore frigido hu-
mido, quæ ostenditur tussi sicca modice
irritante. At in febre ardente qui potest
fieri ille defluxus cum bilis & pituita salsa
In cerebro adsint, non autem pituitæ te-
nuis copia?

Quibus

*Quibus cum urina crassa exigua caruncula,
aut veluti pili una exeunt, ijs à renibus
excernuntur. 76 4.*

Signum proprium & inseparabile vlce-
ris renum est; carnularum excretio
cum vrinis, magni vero vlceris signum esse
est necesse, siue carunculae fuerint verae,
aut substantia carunculis similis. Cum
enim sit firma & dura renum caro, non fa-
cile eroditur, nec per frustula separatur.
Est ergo non tantum vlcerationis, sed
prægrandis signum: secundum signum
nec proprium nec inseparabile est pilus;
pilosa namque illa substantia, per vrinas
excreta potest fieri in venis, in iecore, in
vteribus, & in vesica, ex pituita viscida
& à calore vehementiore.

*Quibus in urina subsident sabulosa, ijs ve-
sica calculo laborat. 79 4.*

Non scribit Hip. arenulas, sed sabu-
losa, quæ referunt speciem arenæ,
arena autem non sunt. Nam arena sola
mixta, cum sit in sua specie & forma perfe-
cta, indicat causam procreatricem, & ma-
teriam commodam ad procreandum cal-
culum, nullo autem pacto calculum; præ-
ter rationem hanc, experientia fidem fa-
cit: hoc signum neque proprium est ne-
que inseparabile præsentis calculi, licet
fieri possit, vt existente calculo in vesica

C c

arenæ mingantur: sed non est necessariū. Est ergo censendum hoc signum, in ijs, quæ dispositionem ad calculum demonstrant: non quæ procreatum ostendunt.

Si quis sanguinem, aut grumos meiat, aut urinam guttatim emittat dolore ad hypogastrium pectinem, & perinaum pertinente, ad vesicam loca laborant. 80.4.

Multum interest an coniunctim legatur an disiunctim hic aphorismus. D. Duretus præceptor meus. i. modo legendum existimat, putatque certum minimèque fallax, vesicæ graui aliquo affectu laborantis signum esse, si in liquidi aut grumosi sanguinis mictione, imus venter, & perineum doleant: certius vero, si iam dolor accidat in urinæ stillicidio: certissimum autem, si tribus hisce symptomatibus vna conspirantibus, dolor vesicam, partesque vesicæ annexas ac vicinas exerceat, dolor hypogastrici, pectinis, & perinæ, vesicam affici demonstrat: nisi sit suspicio aliqua, tumoris alicuius præter naturam dolorifici, partium extimarum illius regionis; si cum his signis vesicam affectam declarantibus, adiungatur mictio sanguinis, aut grumorum illius, aut urinæ stillicidium, certum est loca ad vesicam laborare: urinæ quidem stillicidium est symptoma vesicæ affectæ proprium, vt enim mictio est propria vesicæ actio, ita deprauata mixtio & imminuta, illius propria

DE CAUSIS MORB. ^{si}

sunt symptomata: ex his ergo sequitur esse affectam vesicam. Sanguinis vero mictio neque proprium, neque inseparabile, sed iunctum cum alijs sit proprium, aut primarij vesicæ affectus, aut secundarii: potest enim sanguis aliunde in vesicam descendere, ibique corrumpi, & parere reliqua symptomata. verus ergo est aph.

Quibus cum urina crassa, quadam furfurosa unà exeunt, his vesica scabie laborat. 77. 4.

Furfurosa cum urina eiecta, aut in febre ardente excernuntur, aut extra febrē: in vtrisque significant affectum scabiei similem partium aliquarum; in febre venarum, extra febrem vesicæ urinariæ.

Quicumque inopinanter sanguinem meiūt, is in renibus venula ruptionem significat. 78. 4.

Hoc signum non est proprium, sed inseparabile, si namque in renibus vena rumpatur, necessario inopinanter sanguis meiatur. Sed non contra: Nam eo pacto sanguis potest educi, aut à vasis spermaticis, propter eorum imbecillitatem, ut scribit Holernis, aut à renibus nimeo exercitio calefactis: aliquando à rupta vena, aperta, exesa, in vijs urinarijs: Nōnumquam propter collectionem sanguinis factam, qui naturæ impulsu, in re-

Cc ij

nes detruditur. Cum ergo plures sint causæ mictionis sanguinis, distinctione est opus, per signa anastomoscos, erosionis, & ruptionis, signa à quantitate sanguinis sumpta sunt, partibus quibus insunt, communia. Quare ad partem affectam designandam nihil conferunt: Adiungenda ergo alia, nempe dolor partis, aut aliquid aliud partis, unde manat, affectæ propriū.

Si sanguinem, aut pus miciat, aut squamulas, grauisque odor adsit, vesica exulceratio significatur. §1. 4.

INseparabile signum exulceratæ vesicæ est puris mictio: Sed illud non satis est ad demonstratiuam significationem: Nam ab apostemate gibbæ partis hepatis proficisci potest, & à renum vlcere. Quamobrem, Hipp. addit alia nempe, squamularum mictionem extra febrem ardentem, quæ vt dictum est leuem exulcerationem vesicæ ostendit, tum grauem odorem puris. Pus namque conceptum in vesica magis foetet, quam in alijs partibus: Nam educitur ex parte exangui, cuius propriū est fundere pus foetidum: in qua cum non possit diu cunctari, à vesica crudum mittitur: & proinde foetidius, coctum autem minus olet. Cæterum, cum pituita micta olet, aut semen corruptum, possunt fallere medici iudicium, ista distinguenda per signa dicta.

Mictio noctu copiose facta, exiguam deiectionem significat. 83. 4.

Aphorismi explicatio simpliciter considerati facilis est. Nam deriuata materia in partes vrinae excernendae dicatas, deiectionem imminui est necesse; verum obseruatio huius aphorismi, facit ad crises per vrinas commotas: in quibus parum, aut nihil deijcitur per intestina. Admoneatur ergo medicus, ne in copia vrinarum, suppressa aluo, indicationem sumat purgandi per deiectionem: cum rationi sit consentaneum, in vrinarum abundantia, exiguam esse deiectionem.

Qui spumantem sanguinem extussiunt, ijs ex pulmone educitur. 13. 5.

Cum omne excrementum prae se ferat, Ideam partis à qua proficiscitur, spumofus sanguis totus sine dolore reiectus, rotundus: non continuo fluens: sed per interualla intercisus, ac separatus, dilutus, sed albescens propter aerem plurimum admixtum, & pulmonis similitudinem, è pulmone manat.

Si qua nec pragnans est, nec puerpera lac habet, ei menstrua defecerunt. 39. 5.

Signum deficientium menstruorum per negationem collectum, est, lac in mammis eius mulieris, quae nec puerpera, est

C c iij

nec prægnans. Prægnantes multæ, ante quam pariant lactis serosi copia abundant: quod incipiant refluerе sursum, à compri- mente fœtu grandiori: In pueris lac pro- uidentia naturæ gignitur ad fœtum alen- dum: lactis namque procreatio statim post fœtum editum, naturæ prouidentia effectus censerі debet. Nam cum puerpera in enixu miram sanguinis copiam effun- dat per inferiores partes, fieri deberet di- uersio à partibus superioribus. Quamobrē cum præter rationem hoc fiat, Dei pro- uidentia contingit, ut lac in puerperarū mammis gignatur. Si ergo, quæ nec præ- gnans est, nec puerpera, & menses iam experta lac habeat, certum est lac non posse aliunde emanare, quàm ex mensi- fibus suppressis, qui sursum refluunt in mammas.

Si scire velis an mulier conceperit, dormitura aquam mulsam potui dato: Et si ventris tormina patiatur, concepit; sin minus non concepit. 41. 5.

Signum describitur cōceptionis incer- tum, experimento solo, non ratione suffultum.

Mulier grauida si marem gerat coloratior est: si foeminam decolor. 42. 5.

Hoc signum facile est explicatu: Ma- res enim foemellis calidiores, effi-

ciunt, vt matres sint coloratiores, rubedo enim à copia caloris & sanguinis.

Quæ mulieres mediocriter corpulenta, abortum faciunt secundo mense, aut 3. sine causa manifesta, ijs cotyledones lentoris sunt plena, nec præ pondere fœtum continere possunt: sed abruptis decidit. 45. 5.

Signū ducitur ex hoc aphorismo, causæ speculæ abortus, indèque curationis indicatio. Nam si propter mucum accidat abortus, humores illi purgandi corpusque exsiccandum. In hoc autem euentu oportet excludere alias abortionis causas internas, & externas, alui profluuium hæmorrhagias, vteri morbos, ictus, casus & alias.

Quæ præter naturam crassa non concipiunt, ijs vteri os ab omento comprimitur: itaque grauidari donec extenuentur, nequeunt. 49. 5.

Signum describitur sterilitatis excessiue. Obesarum: cum obesæ abundant sanguine laudabili, facile deberent cōcipere. si steriles efficiantur, in causa est compressio orificij interioris vteri, facta ab omento. Verum intelligendum obesas mulieres esse alias natura, & habitudine insita: alias vitæ instituto. Hipp. Has intelligit. Præterea pinguedo potest efficere sterilem mulierem, aut priuatione seminis, quod materia feminis conuertatur in

pinguedinem : aut quia pinguis vterus lubricus, finit elabi semē receptum. Signum itaque ab Hip. Designatum, nec est proprium, nec inseparabile sterilitatis.

Quæ utero gerunt ijs os uteri conuiet. §1. §.

Signū est foet⁹ cōcepti in vtero, hoc autē potest resciri ab obstetricē, aut chirurgus digitū immittēte in vterū. Cōuiet autē ne ab aēre frigido lædatur, ne spiritus dissipētur, ne semē prolabatur. Quæ omnia sequūtur ad amplexum quem facit vterus circa semē, vt ventriculus circa cibos propter delectationem.

Mulier utero gerenti si lac è māmīs fluat copiose foetū imbecillē significat. Si verò firmæ solidæ uè māmæ extiterint, valentiorē cōceptum iudicant. §2. §.

Signū debilitatis foetus est, lac è māmīs effluēs magna copia. Ratio est, quod foet⁹ præ imbecillitate, sāguinē ad se allicere nō possit. Quare redundās, ad māmās cōfluit, quas distēdit: Illæ vero minimum distētæ, irritatione facultatis expultricis effundūt. Lactis ergo larga profusio mōstrat foetus imbecillitatē: vel si lac copiose confluens ad māmās, propter earū debilem retentricē nō possit retineri, illud lactis effluuiū, facit vt foetus debilitetur: Contrarium vero effluuij lactis est retentio. Cur ergo nō dixit Hip. Si non fluat copiose lac, fortē significat? non debuit, quia licet non fluat, flaccide esse possūt māmæ, & foetus imbecillis. Quare erat necessariū scribere: si verò firmæ solidæ uè māmæ extiterint, fortiorū conceptū ostēdunt. Nam soliditas siue du-

rities mamarū, significat repletionē à copia sanguinis: quę satis esse possit, nutriendo fœtui & replēdis māmīs. At nūquid fortior erit, si flaccidæ existāt māmę, quod scilicet significetur maior attractio sanguinis ad fœtū ipsū, proindēq; maiorē vim attractricē? Maior esse potest vis attractrix fœtus in sanguinis penuria, ex qua debilis efficietur fœtus, & māmæ flaccidæ: Sed in magna sanguinis abundantia sine effluxu lactis, robustus est fœtus alimenti laudabilis copia, & māmæ turgent cum duricie ab eadem.

Si pręgnanti, purgationes mēstruę cursū suū observet, fœtū bene valere impossibile est. 10. 5

Signum debilitatis fœtus, est mensium seffluxus periodos suos seruans; In valde sanguineis mulieribus; primis gestationis temporibus potest forsan per venas colli veteri effundi mēstruus sanguis, statis periodis, sine fœtus detrimento: Quod in multis contigisse testatum est, multis historijs: verum fœtu iam grandiori, hoc euenire pręter eius imbecillitatem, forsan est impossibile. Priuaretur enim suo alimento, & debilis efficeretur: Omnis enim priuatio necessarij alimenti, parit debilitatem.

Si mulier non concipit: & scire placeat an sit conceptura, veste pręlixata undique, & obuolutam subter suffito. ac si odor corpus peruadere videatur ad nares, & os usque, non sua culpa sterilem esse scito. 59. 5.

Hoc signum significat corpus illius mulieris esse peruium & permeabile: nec tamen est necessarium: quod possit.

etiam cum eo esse sterilis, vt si sanguis sit tenuior semen frigidius, vterus humidior, aut appertus.

Si mulieri purgationes non prodeant, neque horrore, neque febre superueniente, cibi-que fastidium accadat, pragnantem esse putato. 61. 5.

MVlier illa quæ consueta erat singulis mensibus fundere sanguinem per vterum, modo & quantitate naturali, eo fluxu priuetur, cum sanguis effluere solitus in corpore remaneat, alio feratur oportet. Natura enim solet superflua æque, ac corrupta ex cernere: Siquidem feratur in corpus vniuersum, horrorem & febrem inducit, quod superfluus corrumpatur. Sin autem ad vterum nutriendi foetus causa iam iam concepti, horrorem non producit, neque febrem. quod autem foetus sit paruus, neque possit primis mensibus consumere totum sanguinem, à natura retentum, remanet aliqua illius pars superflua, quæ confluens in ventriculum, parit fastidium cibi: neque putandum est sanguinem illum tantum confluere in ventriculum, Sed etiam in alias corporis partes: vnde intumescunt mammæ, & afficiuntur reliquæ partes corporis: Sed cibi fastidium maximè percipitur. cur vero horror non sentiatur: neque febris in superfluitate illa sanguinis? Existimo illud contingere propter superflui sanguinis

DE CAUSIS MORB. 59

exiguam copiam, & caloris natiui incrementum, à foetu concepto: Ex quo accidit, vt nec superfluus ille sanguinis, nec lochia toto foetus tempore, putrescant & foeteant.

Qua frigidos & densos habent locos, utero non concipiunt: & qua prahumidos habent, grauidari nequeunt, extinguitur enim in ipsis genitura: & qua sicciore, & astuosos, nam alimenti defectu semen corrumpitur. Qua verò ex utraque oppositione moderatam nactæ sunt locorum temperaturam, ea fecunditate valent. 62.5.

REcenset Hip. Hoc aph. vnā causam sterilitatis mulierum, ex intemperie varia vteri, quæ cum vera sit parum tamen ad praxim conducit. Quod scilicet tantum cognita curari possunt, nec agnoscantur, nisi per signa: nostrum autem in concinnando hoc opere est institutum, reuocare aphorismos ad praxim: signa ergo explicanda:

Hippocrates dēsitatem vteri anteponit frigiditati ordine retextionis: dēsitās nāq; vt effectus frigiditatis, est posterior natura antecedens tamen resoluendo siue regrediendo ab effectū ad causam vera est propositio: qui frigidos habent vteros, habent & densos & duros, qui tamen duros habent, non necessario frigidos: Nam in grauidis fiunt vteri densiores: tum in calidis à dissipatione humoris. Durus

Cc vj

namque de usus est: sed densum, aut significat, cuius ambæ superficies longe distant à se inuicem, quod aliter appellamus spissum, aut quod cum superficies nō habeat, multū à se inuicem distantes, compactum existit, & compressum: hoc loco densum intelligitur hoc posteriori modo. Qui ergo vteros habent frigidos & densos nō concipiunt. Quæ propositio probatur ab his, quæ scribuntur ab Hip. initio libri de morbis mulierum: quæ menstrua non patiuntur nō cōcipiūt. Quæ frigidos & dēfos habent vteros mensuris priuantur: Ergo non concipiunt. Secunda propositio probatur facile ex eo, quod propter frigiditatem, & densitatem venæ clauduntur: Ita vt sanguis menstruus affluere non possit: frigiditatis vteri signa, prodit auicenn. cap. 4. fen. 2. lib. 3. petita ex humoribus in vtero & toto corpore dominantibus. Quæ vt plurimum sunt inseparabilia, propria pauca. recenset itaque retentiones mensurorum, eorum paucam quantitatem, victus rationem præcedentem, ex crassis, & frigidis cibis: & multum coitum, præcedentem frigiditatem: veluti quendam stuporem in partibus matricis perceptum, pilorum carentiam, in pectine, urinam aquosam, & deprauati coloris, quæ affectiones vteri non sunt primo & per se, sed iecoris: quæ præterquam inseparabilia sunt (possunt namque à pluribus causis proficisci) Existunt communia in dominatu pituitæ, & succi melancholici: tenuitas, & albedo pituitosa: sunt quodammodo propria pi-

tuitæ redundantis indicia. Succus namque melancholicus, neque tenuis, neque albus esse potest: nigredo vero succi melancholici exulcerantis est indicium.

Quibus vteri sunt præ humidi grauidari nequeunt, extinguatur enim in illis genitura; nimirum suffocatur calor, & spiritus, quibus abundat genitura, à copia humoris. Humiditatis redundantis ipsius vteri signa describit idem Auicennas, renuitatem menstruum, & copiam humiditatum ferorum: abortus autem, quia ortum ducit à multis alijs causis, humiditatis redundantis in vtero, signum esse nequit cognitioni conducibile: Quæ vero siccos & calidos habent vteros: non concipiunt: quod alimenti defectu corrumpatur semen: Semen namque sanguinem ad sui nutritionem attrahere debet ex sententia Hip. At calor vehemens dissipat sanguinem. Ergo defectu alimenti interit calor. Signa caloris excedentis vteri, sunt calor totius corporis perceptus, pauca menstrua, calor autem sanguinis excreti demonstrat humoris calidioris dominium: præsertim, si linteo lineo excipiat: erit namque aut flauus, aut rubeus, flauus corpus totum, & vterum dominatu bilis teneri ostendit. Rubeus autem sanguinis: qui licet sit calidus, non potest tamen dissipare alimentum seminis: labiorum pudendi exsiccatio, pilorum in pectine existentium multitudo: reliqua vteri non sunt, sed iecoris: & cordis incalescentium: Quæ super-

sunt facile exprimi possunt, & demonstrari.

Mulier podagra non laborat, nisi ipsam menstrua defecerint. 29. 6.

VEra fuit sententia temporibus Hip. ob moderatum victus rationem, quæ utebantur: falsa est nostris temporibus ob luxum.

Mulier non fit ambi dextra. 43. 7.

Propter debilitatem sexus, uiri autem quidam fiunt ambidextri propter robur totius corporis. Dextra tamen fortior semper existit sinistra.

DE PODAGRA.

Eunuchi podagra non laborant nec calui fiunt. 28. 6.

Nostris temporibus ut explicat Gale. propter intemperantiam vexantur podagra, multi qui Eunuchi non sunt: Nam cum non utantur venere, eorum articuli non debilitantur, nec copia crudorum humorum in his congeritur, quæ solent esse causæ podagræ: Calui autem non fiunt quod humiditate redundet corpus, a siccitate autem caluities.

*Puer podagra non laborat, ante veneris v-
sum. 30. 6.*

Hollerius vidit pueros natos tantum
decem annos laborasse podagra: Sed
hoc potius vitio principij generationis,
quam propter alias causas Artritidis. Non
enim debilitantur in eis iuncturæ, quæ
causa est vna ex præcipuis podagræ: Cæ-
terum his tribus aphorismis significatur
ab Hip. quàm utilis sit purgatio, ad poda-
gram declinandam: & quàm noxius sit
usus veneris immoderatus illis, qui poda-
græ sunt obnoxii.

*Qui podagræ morbi sunt, sedata inflam-
matione. Intra dies quadraginta conquie-
scunt. 49. 6.*

Spectat hic aph. ad prædictionem dura-
tionis morbi podagræ: sed intelligen-
dus est de nouo morbo, non inueterato,
& in iuvene sanguineo, laudabili victus
ratione vte. Proponit autem ob oculos
terminum podagræ bene moratæ: vt ex
illo de reliquis male moratis iudicium
instituat. Est vero quadagesimus dies
finis morborum acutorum ex decidentia,
qualis tamen non est podagra.

*Quibus per diarrheas spumosa sunt alui
excrementa, ibi à capite fit defluxio. 30. 7.*

Hic aphorismus continet signum loci.
vnde materia diarrhææ potest delabi.

inseparabile quidem videtur, vt quoties è cerebro humor diarrhææ, concitatus labitur, spumescat, ob viæ longitudinem & descensus rapiditatem; nihilominus omnes deiectiones spumosæ à cerebro non proficisci, praxim exercentibus Experientia certum est: Nam in dysenteria & alijs fluxibus spumæa excrementa apparent, à feruore & humorum agitatione excitata, intra intestina: Quare ad illud inseparabile, alia signa sunt adiungenda: quo fiat proprium: Ea vero esse possunt alia signa onusti cerebri: vt catarrhus, grauitas capitis, surditas, appoplexia, nocturnum alui profluuium: si deiectio alba, & viscida extiterit.

*In doloribus lateris, & pectoris, caterarumq;
partium si multum differunt agri discen-
dum. §. 6.*

Multum differre est, ambiguum. Differim⁹ nāq; ab alijs, aut à nobis ipsis diuersis tēporibus. quo pacto hoc loco sit intelligendum diuersa est authorum interpretatio. De differentia ægrorum loquitur Hip. non de discrimine dolorum, vt multi interpretantur. Differre autem ægros ab alijs qui dici potest, cum loquatur de particulari, in curandis ægris inspectione. Quare de differentia à se intelligat est necesse: à se vero differt æger quando erat sanus. Quantum ergo recessit à naturali constitutione, tantus est affectus præ-

ter naturam, & tantus dolor, à quantitate
autem recessus, magnitudo remedij eligi-
tur & periculi captatur coniectura.

*Rigores incipiunt mulieribus ex lumbis ma-
gis, & per dorsum perueniunt in caput:
Sed & viris parte corporis posteriore ma-
gis, quàm anteriore, veluti ex fœmoribus
& cubitis, indicio est cutis raritas, quàm
ipsam pilus ostendit. 69.5.*

Hollerius sentit scribendum, viris vero
etiam anteriore corporis parte simi-
liter, & in partibus corporis exterioribus
magis, quàm interioribus: veluti cubitis
& fœmoribus. Duretur doctissimè expli-
cat hunc aph. Cæterum ex hoc aph. nihil
aliud vtilitatis percipitur ad medicam ar-
tem, nisi quod mulier est frigidior viris.
Non tantum ducto argumento ex loco
generationis rigoris. Sed etiam ex pilo-
rum abundantia.

Auriginosi non admodum ventosi. 72.5.

Multum controuersa est hæc senten-
tia, ad medendi vero artem parum
vtilis. Vide alios commentarios.

Lata pustula non admodum pruriginosa. 9.6.

Vide commentaria. Ad praxim parum
facit hic aphorismus: nisi ex latitu-
dine dignoscatur materiæ pustulæ con-

ditio & qualitas: referatúrque ad simi-
oticam.

*Balbi lōgo alui profluuiο maximè corripium-
tur. 32. 6.*

PROPTER copiam humorum in eorum
corpore existentium.

*Ad recti intestini & uteri inflammationem
purulentosque renes accidit stranguria; ie-
core vero inflammatione laborante inter-
uenit singultus. 58. 5.*

VNIUS effectus stranguriæ nempè, tres
causas enumerat inflammationem
intestini, & uteri, tum purulentos renes:
quæ nihil conferunt ad dignotionem par-
tis affectæ: cum enim vnius effectus plures
sint causæ in dubio est animus. Minus autē
conducit ad eandem, cum possit strangu-
ria ex alijs causis emanare. totus ergo hic
aph. est contemplationis.

*Quibus nares humidiores natura, & ge-
nitura humidior, ij minus prospera vale-
tudine fruuntur, quibus vero hisce con-
traria adsunt salubrius degunt. 2. 6.*

NARES humidiores natura, medico pa-
tent: semen humidius, ex relatu egri.
pertinet hic apho. ad simioticam, ratio
autem patet. in sanis intelligendus hic
aph. non in conualescentibus: humiditas
namque è naribus stillans, & seminis li-
quiditas, arguunt copiam excrementitij

humoris, quæ ubi adest sanitatem abesse demonstrat.

*Conuulsio ex repletionem fit vel euacuatione:
Ita vero & singultus. 39. 6.*

Multa dicuntur à commentatoribus in hunc aph. Erasius in thesib. de conuulsione hanc sententiam probat: Sed intelligit repletionem & inanitionem esse cerebri, conuulsionem vero esse motum iustum, de quo fusius diximus in nostra praxi.

Quibus in corpore pus, nullum sui dat significationem, ob crassitiem sui, aut loci non se prodit. 41. 6.

Clarus est aph. & ferè nullius momenti ad medendum.

Quibus cerebrum vulneratur ijs febrem, & bilis vomitum superuenire necesse est. 50. 6.

Signa duo prodit cerebri vulnerati, febrem, & vomitum biliosum: febris quidem nascitur ex corrupto sanguine intra cerebrum, aut eius inflammatione. Vomitum vero propter eum consensum, qui est cerebro cum ventriculo. Inflammationis namque effectus per consensum ventriculi patiens biliosos humores attractos, ex proximis partibus ubi continebantur, per superiores partes excludit.

Si de repente lingua incontinens fiat, aut aliqua pars corporis attonita stupet, signum est melancholicum. 40.7.

Consequens huius aphorismi non est necessarium: vide doctum commentarium dureti.

Sternutamentum cietur ex capite, cerebro excafacto, aut perhumectato spatio in capite inani: aer enim intus contentus foras erumpit, strepit autem quia per Angustum, ipsi est exitus. 51.7.

Recenset causas sternutamenti à quibus duci potest indicatio iuuandi sternutamenta, aut expurgandi cerebri onusti, per sternutamenta: Adde irritationem, quæ mouet cerebrum ad expellendum, quod noxium est. Quare medici commoturi sternutamentum, in nares acria immittunt.

Anxietudinem, oscitationem, horrorem, vinum pari aqua portione potum, soluit. 56.7.

Pertinet hic aph. ad curationem eius autem doctissimam explicationem vide in commentarijs dureti.

Sudor multus calidus, aut frigidus superfluens, humiditatem in robusto quidem supernè, imbecillo vero infernè vacuādam esse demonstrat.

Signum describit purgationis per vomitum, aut secessum. Sudor namque copiam humoris, vt plurimum corrupti ostendit, quæ purgationem indicat.

A sanguinis vomitione tabes, & puris supernè eruptio, à tabe fluxio de capite, à defluxu, alui profluuium, ab alui profluuii retentio superioris purgationis, à retentione mors. 74.4.

Vomitio largo modo sumitur, prout præter vulgarem significationem denotat etiam sanguinis è pulmonè reiectionem: non sequitur tamen eam phthisis, vt multis experientijs probatum est. Quia tamen vt plurimum reiectionis illius consecutaria est tabes, vt est Hipp. sententia. A tabe permouetur fluxio è capite in partes subiectas, & vt plurimum in pulmones, in vlceris & tabis incrementum: pendet vero hic fluxus è capite, à debilitata facultate naturali: tum à calore vehemente fundante, & colliquante humores: eius verò materiæ è cerebro delabentis pars aliqua, in ventriculum deferatur: Vnde nascitur alui profluuium; tum à debilitata facultate retentrice: morbi

violentia. Ex alui profluuiio debilitante totum corpus, & potissimum facultatem musculorum motricem, fit suppressio sputi, quod expelli non possit: ab eo suffocatio & mors.

Qualia quæ per urinas, & aluum subeunt, & quæ per carnes obeunt: & si quæ alia corpus à natura recedat, spectare oportet: Nam si parum, parvus morbus est: si multum magnus: si valde multum, iam tale fuerit perniciosum. 755.

Hic aph. tam facilis est, vt explicatione non egeat; facit vero ad prognosim Quæ parum à natura sanorum recedunt, exiguum significant morbum: si verò multum, magnum: quæ autem extremum recessum indicant, perniciosi morbi signa existunt.

FINIS.

p. r.

ANVS
io debilitante
m faciat em
t. suppressio
ab eo sus-

um subeant,
si si qua ali
tate oportet:
est: si mul-
tis, tam tale

et explicat
re ad pro-
a sanorum
morbum:
antem ex-
ternationi

